

德清縣誌序



德清之東有溪焉其水清澈自餘則又
緣是餘不得名予始上而索誌于邑得
宋人所爲本則誌以溪名者古矣顧其
書銓寘失倫激勸無法東都以前失之
踈而南渡以後失之駁迨天水淪竭亦
復絕編矣嗟乎宋而元元而

明上下幾三百年而怠弛相仍靡知有

作其沿者莫適而原其起也其革者莫
適而究其廢也其典章無可考而獻賢
無所見也摭逸遺而備考按發湮鬱而
事宣裸不亦今日之當務歟走不敏承
乏邑事稽鈞之弊神奔赴之迫懷少休
而謁刺入簾甫出而吏牘委案爬焚抉
絲五技殫窮是將求免乎吏譏且不可
得如文事何然則違乎雅而趣乎俗固

無恠也既三年凡百粗理委積漸減於
是以其餘隙集大夫之里居者而請蒐
輯焉表信以剔浮進經以黜誕勒卷凡
九分帙維四蓋首尾不四月而三朝放
軼萃爲成書吁亦勤矣嘗得而盡閱之
義例精條貫整抑揚去取具有法度由
輿地而知山川風土之詳由宮室而知
府署邑居之繁由職官而知品流之別

吏治之美由食貨而知物產之宜貢賦
之則于是而知官制之綱維選舉之効
用也于是而知人物之炳秀藝文之擅
華也存百世之末觀昭一邑之信典揚
旣往之休蹟裨將來之美化是則凡有
周咨之責者必將觀覽于斯而好古之
士用以爲博雅之助亦不能外矣抑嘗
聞之古者九州之誌謂之九丘周官外

史掌四方之誌則是物也自秦人廢先
王之制史官掌故其存者無幾然後世
郡縣相沿而有誌則固四方之舊焉夫
誌何爲者也備觀風俟太史詔世信遠
將於是乎在然則續金匱之書演石渠
之作考職方而攬人文參異同而決疑
信遐方僻邑之編會將偕計書而進蘭
臺之几芸閣之庋其登也當有日矣是

斯誌雖一邑之書而實天下之公案信
史之張本也走不佞謹序以需

嘉靖乙酉冬十二月吉日

賜進士文林郎知德清縣事福清方日乾
序

德清縣誌凡例

一縣自宋有誌名曰餘不以縣臨餘不溪也今更
曰德清縣誌蓋誌中備一邑之故餘不不足以
該之故直更以縣名且從今制也

一爲誌序次微有所主蓋厥初生民非辨土莫克
自立故初一日輿地土辨矣非棟宇無以爲庇
故次二曰宮室人獲庇矣於是乎爲食貨以資
爲官制以治故次三曰食貨次四曰官制民可
治矣於是乎教養興焉故次五曰職官職官之

才由之舉賢達能故次六曰選舉次七日治行
治教隆而人材成故次八曰人物人文既章於
是乎潤身華國之具有作故次九曰藝文終之
以雜誌則翹完曲備一邑之文獻可徵矣然人
物之末有別傳則亦有所示也

一宮室誌內首詳縣治次及學校蓋經野之制必
先有縣而後有學亦自然之序也然夫子廟貌
所在要非學校可隸故於廟之首揭書文廟二
字示尊聖也先王教化所在類非他署可匹故
於學之首揭書學宮二字示重道也所謂變寺
起義不得槩從恒辭

一邑誌自宋嘉熙以後迄今三百餘年未有續者
雖府誌號併載大抵踈畧甚則元氏一代漫無
可考

國朝成化以前亦不能詳寔今旁搜博訪編纂
粗成而闕疑漏文意終未愜是則有待於邑之
君子

一今誌多詳於見存若古有而今無昔成而近廢

者

如亭臺寺觀之類

苟無大關係則直畧之其須存故

事者則萃諸古蹟目下舊有誌間有不經與誣民者則直削之新聞非關世教係政體示鑒戒備事蹟者雖奇不取

一闔境祠廟須應祀者乃書其雖非應祀而夫人者生爲賢傑歿爲明神禮不可廢則不厭屬筆其餘則否寺觀庵院有名額祝國釐者乃書其餘則否

一宋元迄今邑之爲政者賢否不能皆同今揭其甚美者於名宦其次則入政績餘不然者則不爲人可知蓋褒有所歸貶有所在意使人知省而自得亦春秋忠恕之道也

一蓋棺事定百年論公古有是言也君子保初節易保晚節難故所誌鄉賢名宦隱德必其身沒而論定者乃爲表入其無恙者則姑於其發身交政行已款內叙其歷履政績行誼虛其方位以俟後之秉筆君子仕宦官雖顯而世莫聞者則惟叙次其爵位出處之槩曰宦歷然非登

甲科而蓋棺與懸車者亦不在列

一孝義貞烈高節除曾史見與故誌原載者仍舊表書其自 國初以來凡自謂前項者非經有司呈保

朝廷旌褒則不敢濫入婦女有死節顯著名賢替揚者雖無旌褒亦不敢畧蓋死者人所難節而能死視夫能守者尤當重也

聘女未行而終節者亦書

一科貢之士於其出身名下如見任者注曰任某官休退者注曰仕止某官屢遷而休者注曰仕

至某官歿故者注曰仕終某官其入別類者注曰詳某類其不仕與廢處者不復加注蓋次卒業者虛以俟之

一詩文雜錄等集必其成書刊布流傳者開具書名卷帙作者名氏入之典籍目內用倣諸史藝文之例其草草具稿者不取本邑古今文章必於邑故有關方為選入若詞雖無關而作者則賢亦不敢棄外此雖美不能濫收蓋於文獻無係故也

一春秋災異必書以示警也後史緣此有五行之志今之誌災異者倣此但春秋爲天下之書而魯之封域亦五百餘里之廣故天變地異書以爲一時之戒無復可疑今之爲邑與諸隣地里犬牙相入蓋有治城相距纔二三十里者乃今於冬雷大雪地震水溢旱澇等變必書爲一邑之事曾不知其旁邑亦有然者然則例以感召與責所以應天不無踈闊矣故今所誌妖祥苟非百里可盡者寧從闊畧必其不出四封者乃

始謹書之意謂致災既專在本邑則修省者難他諉也

此黃山翁錄存舊藏本光緒六年重修
縣志汪玉舛君茂才借觀楊泰亨記



德清縣誌凡例終

德清縣誌目錄

卷之一

輿地考

沿革本末

星土疆域
至到附見

山川

形勝
附見

城池

屯堡寨
網附見

道里

橋渡
附見

廂巷

鄉都

市鎮

土田

河渠

塘壩
附見

井泉

風俗

卷之二

宮室考

縣治

廨舍
附見

學校

公廨附
廳俱見

壇廟

公署

屬司

賢祠

書院

坊表

社學

亭傳

警鋪附

倉庫

寺觀

宮院附

卷之三

食貨考

戶口

農桑

物產

賦貢

軍需

征權

鹽法

俸給

卷之四

官制考

軍政

武備

兵役

附

役法

恤政

卷之五

職官表

令佐

校職

屬司曹吏附下

卷之六

選舉表

甲榜

鄉舉

京闈附

歲貢

例貢附

薦辟

恩封

卷之七

治行傳 古今蒞治

名宦 政績

卷之八

人物傳 古今產寓

儒行 名臣 勲績 政事

端鯁 忠節 孝義 武功

文苑 詞林 鄉望 高致

寓賢 宦歷 本朝甲科內沈清以古籍附 隱逸

列女 方技 列傳

卷之九

藝文誌

典籍 紀載 雜著 題咏

卷之十

雜誌

古蹟 佚墨 遺事 異聞


妖祥 園池 丘墓

修纂縣誌官


賜進士第文林郎知德清縣事維揚郝成性主裁

詔進朝議大夫山西提學僉事邑人陳 震 裁輯


德清縣誌目錄




德清縣




治之圖




德清縣



城之圖



學之圖



西

德清縣



德清縣界

界

境之圖



德清縣誌卷之一

輿地考

禹會諸侯于塗山執玉帛者萬國方是時天下分土而治自百里而下制皆國也至春秋之末始有郡縣之名時則縣大于郡趙簡子謂上大夫受縣下大夫受郡斯可証矣嬴秦奄有海內於是廢古變制分天下為三十六郡自後縣為之屬然由秦迄今燾土以社分符以牧山川以為限城池以為守其國制故

在也古者列國有史今之郡縣率相沿而有誌是將備外史之故缺而弗徵失則大者是故首沿革而經土畫封以準次山川而表鎮奠形以具城池戍守以備塞道里橋渡以通啓廂巷鄉鄙以別城野鎮市土田以定課賦河渠以興水利井泉以資炊汲土俗以觀習尚數者錄而輿地之詳可知矣夫輿地首列於是辨方定制作材物土彌文勵世之事可次第就叙而邑之文獻備矣後之君子得以

覽觀焉作輿地考

沿革本末

星土疆域至到附是

德清縣土在禹貢揚州之南古防風氏國于封禺

之間縣其東土也

按封禺自今爲武康邑地介德清西南之境

春秋時屬越越滅屬楚楚滅入秦

按國語勾踐之地南至勾無北

至禦兒今崇德縣之北有諸兒鄉在春秋爲吳越分境然則自樛李以南皆越地也禦語則音訛字誤既後勾踐爲吳所敗吳會稽錢塘以北暫爲吳有已而行成返國故地仍復今府志餘不志皆以本縣在春秋爲吳地誤也

秦始皇二十五年總吳越舊地置會稽郡領烏程

等縣德清時為烏程之南鄙宋志秦置會稽郡領

在今烏程縣之南

則是其南鄙也

繼後秦即故鄣縣改置鄣郡治會稽之西境析烏

程隸焉德清之地又屬鄣郡

漢高祖五年定會稽并鄣郡參置諸侯王國縣地

為荆吳江都封土前志漢初立劉賈為荆王烏程

屬荆國賈為英有所殺立濞為

吳王烏程屬吳濞徙江都王非治故吳國烏程

屬江都德清前為三國封地既而江都國廢仍隸

會稽

東漢末建元年陽羨人周嘉以地遠難赴期會求

得分郡乃分浙江之西為吳郡烏程隸吳德清時

南

土

獻帝初平中析烏程之餘不鄉與餘杭二境置縣

曰永安縣為永安之東境德清舊合于武康以武

康有永安山故以名縣

三國孫權據江東稱帝吳郡為所有後皓以烏程

侯入繼寶鼎元年分丹陽吳郡合九縣之地置吳

興郡永安時與烏程餘杭

等九縣皆屬吳興

晉太康元年平吳改永安曰永康繼又改曰武康

以縣有武

康山故名

永興元年割陽羨及長城之北鄉爲義興郡至梁
以吳興郡爲震州陳廢震州仍爲吳興郡武康隸
吳興如舊

隋開皇九年大加裁省武康併入餘杭縣改隸杭

州府志開皇九年平陳大加併省以武康併入
餘杭及臨安於潛置杭州於是吳興郡廢

仁壽二年立湖州武康復置還隸于湖大業初武
康仍廢南

屬杭
州

大業末年沈法興乘江都之亂起兵據土遂即舊

州立吳興郡武康還隸焉隋史沈法興本武康人
故吳興太守乘時之亂

起兵據江
表十餘郡

唐武德三年賊李子通攻陷武康改爲安武州子

通平輔公柘仍陷七年討平之廢州復爲縣餘不
志武

德四年吳王杜伏威討平子通六年又爲輔公柘
攻陷明年春趙郡王李孝恭平之廢州復爲縣仍

屬湖
州

天授二年析武康之東鄉置縣曰武源餘不志邑
人戴德永

等上言武康東界一十七鄉枕溪澤通舟航饒魚
稻桑麻竹簞之利願析置一縣從之以縣東有武

承塘置縣
曰武源

景雲元年改武源名臨溪時詔天下州縣犯武字
者並應改避於是改武

源為臨溪以臨餘不溪也

天寶元年復名德清是為今縣定稱五代時錢鏐

據土開鎮為吳越管內

五代史錢鏐為節度使兼領二浙湖州錫軍號於是

德清為其鎮土

宋太宗太平興國二年吳越納土還隸湖州

宋史德清

自錢氏納土後歷宋初至中葉為緊

高宗紹興中定都臨安縣為近畿首邑

按高宗定都杭州德

清抵行都纔二舍許凡行幸出北關首抵縣界是為畿邑之首

理宗寶慶二年改湖州為安吉州縣隸如故

按潘壬變

起濟王就殞赦改湖州為安吉州領縣如故

元至元十三年世祖平江南改安吉州為湖州路

府志元伯顏平江南改安吉州為湖州路置安撫司十四年改安撫司為總管府領縣仍六

至正十六年張士誠據湖州縣為張氏所有

按元末張

士誠攻陷湖州路改為吳興郡署其偽黨守之時長興安吉為金陵兵所據以是僅得湖之四縣而

德清為其郡之南境

二十六年

國朝天兵克湖州改郡為府縣隸如張氏

府志丙午年十一月

王師下郡城改為湖州府隸浙江等處行中書省

洪武九年立浙江等處承宣布政使司湖州府隸
 焉縣為府屬訖為定制考其星野宋史謂兩浙當
 天文南斗須女之分五代有善術者望斗牛間常
 有王氣謂錢塘分也南宋駐驛卒為徵應今德清
 距錢塘不三舍而遠由是而觀則星野所直當在
 斗牛之交於辰則丑於次則星紀於宿則斗牛女
 雖諸家所論入宿之度微有不同然大體固無異
 也若其封域則西偏多山縣之西境與今武康相
 縣群山聯絡氣脉不斷
 東北則多水凡縣之溪澗巨澤
 多在其東與北龜溪上流由餘杭

而來百里一帶經縣市之東北流又百里入於大

湖此其大勢也四封所及東至崇德縣界九十里

以大麻村為界西至武康縣界三里以金鷲山為界南三十里則

界仁和以五林村為界北三十六里則界歸安以渚前瀆為界是

為至之四正乃若八到遠近東到崇德縣一百八

里西到武康縣二十六里南九十里到省城北一

百里到湖州東南九十三里界海寧以古驛塘為界西南

三十里界錢塘以奉口為界東北五十四里界歸安之

郚浦西北三十五里界歸安之渚前瀆此到之四

正四隅也境之相距東西廣七十五里南北袤六十九里領鄉六轄都一十有八編里二百一十四云

山川

形勝附見

天目之山脉衍迤而東至餘杭錢塘而結其餘脉起餘杭而北入德清之南首爲望洛山以晉永嘉中洛人流寓斯土時登高以望洛故名望洛之西凡山皆隸武康其位縣之東南一里者爲吳羗山漢高士吳羗避亂來居遂因以名俗呼乾元山當

縣而峙蓋邑之鎮也山川之秀二焉爲冠其麓不里許一峰嵒起前臨餘不溪者名丁山吳羗之脉越溪而北在縣西南一里者名憾山昔謂吳王夫差憾勾踐傷其父足率兵伐越馬厄于此下爲馬厄河今名城山是也吳憾之縣者爲市亭山王逸少嘗欲于山前面溪作宅即此址也市亭北一山日者謂有貴人氣遂爲人鑿斷峒隴赤土削露因取以名赤土西北約五里一山枕壓溪流俗謂古有金鷲出其處樵牧者或聞其鳴遂名山曰金鷲

山前三村有上中下初鳴之號表戴異也金戴之對者爲玉塵山玉塵折而東北山曰百寮又名東主實邑治之擁衛梁時東興侯沈恪世家于此山腰石穴貯水清冽遊者多酌百寮右掖一山名張家擁背一山名奉國奉國之北山之巨石直下如削不可攀躋名石壁山東延迤邐山墟平坦者名下坦山下坦之北不一二里二山相距才數百步名上蘭下蘭唐時臨溪縣置治于此下蘭轉而西折而北山之聯綿者爲金紫爲文林爲鴻臚爲文墅爲積谷嶺之橫絕者爲大壯爲平陽塢之幽阻者爲石獅爲僊童爲淡竹爲官莊爲賈仲爲吳塢獨方山者崛起于諸山之西北陰陽者流謂斯山實邑中諸山之宗分枝孽脉雖南北逆順而咸起于此其脉越溪而東爲烏山昔有烏巾者善釀因之得名唐時改呼德清因縣名也其北十里爲蠡山相傳春秋時范蠡之故居在焉然世遠莫詰東北十八里有葛山舊謂葛洪煉丹之所疑不足信又東北有茆山昔稱三茆君所隱要之妄誕亦葛

山類也又東北三十五里有囚女山爲刺史姚恢
囚女之地俗訛爲齊眉山囚女之東北有敢山以
山墟敢村得名兩峰左右者俗呼龍山鳳山疑好
事者飾美此外在縣西之十八里者曰小山乃與
武康共壤在新市游相之廢苑者曰果山乃用竒
石壘治皆於氣脉無預也邑之諸水導其上流則
臨安餘杭均受源于天目流而北下至安溪奉口
經縣之西南與武康前溪之水會其分派而東逝
者曰餘不溪徑阜安橋又注而東者曰龜溪以孔
愉於此放龜也龜溪分流經縣治之前而西以北
者爲北流水至縣城之西會前溪之水紆徐委餘
將九十里而貫府城入太湖其由龜溪越虹橋折
而東北則爲龍溪會五林北注之水經菱湖而北
至碧瀾湖之南合北流水爲一斯正派也其別派
正流則錢塘諸水自北新橋而北流至五林闢而
支派分入又北而直下與龍溪之水合若其分派
則自五林折而東行經唐棲而北又折而東約去
縣四十里者爲橫溪橫溪之北至新市鎮之西爲

洋溪洋溪合諸蕩漾之水折而東北亦至湖城之南與北流等諸水會而合一大抵以太湖爲歸邑有水患則諸水泛溢故也此外滙而鉅者爲漾曰苧溪曰敢山曰洛舍曰大海曰王婆曰半段曰韶村曰西葑曰湖墩瀦而浩者爲湖曰七條曰苧菱曰范蠡淵而停者爲潭曰三丈曰白龍曰蜃潭曰蒲潭曰僊潭數者之外別有郛浦荷葉浦大麻瀆蔣灣戴灣楊灣等皆前諸水滙蓄地也要之溪流爲經餘水爲緯山水會一風氣合藏邑之稱取端曰有自古謂天地靈氣結而爲山融而爲川山水秀必在名壤尚論邑之形勝南面望洛山橫北流水前挹餘不溪兩山挾抱秀氣橫出且據其區上游當雄藩要衝固宜其物色之盛而人才之茂發也於戲偉矣

城池

屯堡寨
柵附見

唐天寶中移縣治于百寮山之陽時於溪汊間碇立四柵以譏商旅凡曰四關特卽縣市之梢而言未有重門擊柝之制也宋末始築石城跨溪南北

溪流上下斷之以柵帶郊則因澆汙而為池繚山則斷岡丘以成塹延袤大約

五六里

國朝以折修海塘石從而土郭具在為門凡七東

曰臨溪曰行春南曰見山西曰廣儲曰清商曰西

成北曰武塘嘉靖二十五年知縣馮煥于要道四

門各圈以石上作望樓易臨溪曰拱乾易廣儲曰

峻明易西成曰賓塵易武塘曰禮辰邑城之西南

里許有將軍城相傳吳王夫差屯兵時築唐將辛

孜因之以禦寇號將軍城五代吳越亦嘗於此屯

戍又號奉國城按吳越山名城山者以是城得名今山巔故蹟尚存其

去縣城而別為戍守者曰金鷲山城唐廣德初巨盜表是陷浙

右刺史獨孤問俗率將築城拒吳羗城在吳羗

傳亦吳越時所築今尚存遺牧馬寨在縣西官巷南宋殿

址故山南之村號曰城南下塘寨在縣東三十里南宋

司馬軍每歲出馬數千匹牧荷葉浦寨

于此山麓洗馬灘名尚存兩浙安撫司奏請立寨設官兵六十

人俾司巡禦今改下塘巡檢司是也荷葉浦寨

在縣東北二十七里宋嘉定間湖守林岳奏請立屠家堡在縣東北新市鎮按堡者屯戍

朝革者五林關柵新市鎮柵舊有

柵歲久弛廢嘉靖二十八年知縣郝成性措材鼎樹堅完固密用以嚴夜禁而弭鹽盜焉

道里附見

縣有水陸二道水道凡七東北西南俱由餘不溪

北下入湖州東行轉而南出五林關入杭州出關折而東行入崇德西南沂流入餘杭轉而東南入

杭州西北出縣前北流水往北入湖州陸道凡

五南出小南門由鋪道入出峻明門由鋪道入

東出迎春門由平陸至十一等西出賓塵門由

陸至一都等處北出禮辰門由山路至東由水陸而

南達浙江布政司計九十里由水陸而北西達南

京應天府計六百七十里北達北京順天府計三千八百里

大樂德清居澤國間水行以舟固其恒事乃若舟

舟遵陸非橋渡莫通今於縣城及鄉都諸橋凡其

當衝道勞鉅費存故蹟者次第揭書用表一邑之

啓餘瑣瑣者畧之通濟橋當縣治之前跨北流之水

朝正統間圯知縣王敬完修更名永安今但呼縣橋清河橋在縣東一百七十步當學

宮之前宋治平間阜安橋在縣南一百二十步跨據大溪當邑治衝

道唐天寶中建卒被巢賊焚燬至宋改架木橋淳熙間易以石仍辱其上叅政李彥穎取東坡湖州

謝表風俗阜安之語名以阜安國朝弘治間大圯知縣王良臣捐俸募貲鼎修之正德末年載罹

宗齧通判姚奎設措修治已而圯仍作
知縣李彥繼修之迄今完固詳在橋記
毛公橋

在便民倉之南通
大虹橋 在龜溪之東岍當行
武康縣之鋪道
春之首橋之北塊舊

有小旱橋一相傳昔人
龜迴橋 在縣南二里內
設此以鎮蜃尾今廢
河之上相傳孔

愉放龜于溪龜至內河之
野橋 在縣北三里慈
口迴而左顧橋因以名
相寺之東跨古

澗為之上巨石欄下瞰方沿群峰外抱長松蔭合
入寺之幽勝處也宋時夔漕趙碩以翰墨得名為

題橋扁今
平政橋 在縣東一十五里當杭湖便
莫知所在
節往來之衝本縣津候之地

白雲橋 在平政之南為
茆山橋 在平政之北
本縣接遞之處
附近茆山

通濟長橋 在唐棲鎮弘治初太監
麥秀施財倡始于時

周太皇在長樂
武皇帝在青宮麥以奏聞咸遣官賜錢共四百五十

兩至十八年訖工前後勸募凡費銀萬兩橋成
洞七長六十餘丈跨據大溪雄于浙右職募勸

頭陀陳守清
東衡橋 在縣東北十
効勤為多
三里三都內
清溪長橋

在縣東北四十五
蕭家橋 在縣東北二十七
里七都白彪村內
里八都寺林村內

聖濟橋 在縣東北三十六里
三登橋 在縣東北
九都八勝寺之東
四十五里

梅林村內宋時叅政袁說友樞密張曦制幕王大
有皆寓居此村後相繼登第致位通顯里人榮之

故
龍帶橋 在縣東北四十五里新市鎮之西柵
名
嘉靖中梅林諸人募貲新建以附近

龍舌圩故名龍帶亦
通僊橋 在新市鎮舊傳橋
南洋溪之關鎖也
下有潭真人陸修

靜嘗没入其中經月乃出然不足
狀元橋 在新
深信今里人建樓其上名來僊樓

之北柵宋時吳丞相潛宅第與相
羅木橋 在新

近吳嘗登狀元故名今呼此橋

南街之中舊傳橋 雙橋 在縣之東三十六里 橋

新乃羅木故名 紹定橋 在縣之東十三都內 洪武

濟故名 紹定橋 在縣之東西南北啓道四通 安慶

橋 在縣之東南三十里 桑育村 宋寶 虹橋渡 在

東大溪之上 大 五林渡 在縣東南三十里 櫟

虹橋之稍南 林渡 在縣東三十六里 石塘渡 在縣東十八里

以上四渡皆宋時所置 月收津 錢以助經費 國朝廢而不設

廂巷 通濟坊 在通濟橋之南 直前一 德廉坊 在縣治

溪口 台鼎坊 在縣治之西 帶 桂林坊 在縣治之

其坊門 曰承派 晉賢坊 在縣治之南 隅今 清河坊 在

之東 隅清 清寧坊 在縣之西 隅 朝京坊 在縣

河橋南 南舊名 興賢坊 在縣之南 隅 里仁坊 在縣之

前溪 名武 達尊坊 在縣之南 隅 富樂坊 在縣之南

昌 之巷 清溪坊 在縣之南 隅 文昌坊 在縣治之

新立 錦 桂枝坊 在縣之北 隅 居安坊 在縣之北 隅

梁家巷 在桂枝 坊內 丁家巷 在晉賢 坊內

內 趙家巷 在桂林 坊內 戴家巷 在里仁 坊內

在達尊 坊內 蓋家巷 在居安 坊內 坊門巷 在縣之

徐

家巷

在縣之北隅

餘慶巷

在縣之北隅往東通儒學之後

大街

以下

皆新市鎮之市衢也自通濟橋直南至

東街

自

安樂橋一帶平直開廓故呼為大街

南街

自安樂橋直南至米漾橋下呼南街

猪兒巷

在太平橋下往東至安樂橋止呼猪兒巷以收販猪苗及牲口故名

施家

巷

在末靈西廟之西今為陳僉事祖族出入之道

臙脂巷

初莫知所在今訪之故老

胥謂迤聖橋直南轉東至積善橋止是也

鄉都

縣自宋制之後本朝損益其舊倚郭分南北二界僉四坊長以任期集外則仍昔之六鄉轄都十有八分區十有二立管十有六總里為二百有十縣以繫鄉鄉以繫都都以繫管

管以繫里符令之行徵利之下如臂使指莫或不順而邑之政舉矣

末和鄉所轄

四都三區四管二十里

都分

一都管里三屬五南區十六都東西管共

八都西管連茅山二里共管里十五屬十八等區總四十四里為四十四區

里管

末和管轄武源雅詞仁智周章蕙圃五里

里○龜迴管轄吳差鄉亭後溪孔印前溪五里○武源管轄武信武德武功武溪武城五里

千秋鄉所轄

四都二區三管十五里

都分

二都管里四區五都管里十一屬五南區二

十一里為三十一區

里管 千秋管轄千秋文林小山樂成授記五里

里管 ○蔭宗管轄鳳山末全積穀興平烏山五里
忻懷恩餘富崇信五里

松山鄉所轄 二都二區 一管五里

都分 六都管里十二屬六等區七都管里十屬七等區總二十二里為二十二箇

里管 松山管轄松山安樂
白鹿萬春鳳亭五里

未寧鄉所轄 二都二區 一管五里

都分 八都管里六屬七等區九都管里五屬十一西區總一十一里為一十一箇

里管 太平管轄至孝進賢
靈芝末和常樂五里

遵教鄉所轄 二都二區 三管十五里

都分 十都管里五屬十一西區十一都管里十屬十一東區總一十九里為一十九箇

里管 遵教管轄末安敦學洋溪清風德華五里
鳳山管轄梅林新亭龍山張亭輔國五里

里管 ○安仁管轄鑿名甸
城桂陽信義明德五里

金鷲鄉所轄 五都五區 四管二十里

都分 十二都管里十一十三都上下管共管里二十屬十三等區十四都上管管里十四屬十四都區十四都下管管里十五都東管

管里九屬十四等區十四等區十五都西管管里八屬十五等區十八都東管管里十一屬十八等區總八十三里為八十四箇

里管 金鷲管轄清溪四會新豐王成白土五里
廣平管轄嘉育末豐櫟林休德長樂五里

里管 ○來蘇管轄五袴席羊遺犢安居兩岐五里
博山管轄至德高安永昌新興陽臺五里

○博山管轄至德高安永昌新興陽臺五里

市鎮

塘樓市

在縣東三十五里縣之十六都也與仁和縣十一都聯境水南則屬仁和城北則屬

德清長橋跨據南北實官道舟車之衝居人於德清著籍者皆萃水北大約二百家市帘沽柿輝暎溪澤蠶時絲縷之貿登收時粟米之糴于茲為盛

新市鎮

在縣東北四十五里十一都境也初縣之

月洪水大發市一夕沉墊居人徙而東有陳廷肅者來鎮相地以其水陸環繞舟車通利遂率衆定居歲久成聚謂棄陸市而新徙于此故曰新市地有三潭九井街衢市巷之整人物屋居之繁琳宮梵宇之壯繭絲粟米貨物之盛視塘樓較勝蓋儼然一大邑也 國朝設巡檢司河泊所各一今該

所官攢

吳章

土田

禹貢揚州厥土塗泥厥田下下蓋三代而前揚州為島夷荒服之地土曠人稀生理鮮少其賦入之薄無足怪者歷漢以後生聚倍繁條治寔廣迨至 國朝生養休息又百七十年則其土力之蓄人事之齊要非宋以前可與者其賦之流江淮半天下固也德清為揚州境內其圩畝葑蕩之在邑視諸漢若厚兼之山林之寶水澤之利足相常賦然則土田之所出頃畝不足限矣抑予顧有深慨吳中之田科敷之重視他道較甚推厥弊源吳越以貢獻之故而賦斂者重南宋以和糴之困而經量者密賈侶道之公田甚於經量張士誠之橫賦劇於吳越是致版籍相仍官田之多幾半於民而科則之繁莫革其弊加之以兼并因之以水旱草萊田野之民蓋有樂土思窳而娛歲興嗟者矣為政君子尚亦動

心哉

宋南渡以後經界法行統縣田土會其凡計四十萬八千四百六十五畝三角其隸田額而別存窠

名者有四

別額有沒官贍學義莊職田四則至於俵圩撒數舊志謂宋亡值兵火卷籍燬

失無從考按今姑志其大畧云

元無考

國朝洪武二十四年至天順八年實在官民田地

山蕩等共五千六百五頃六十三畝七分九釐四

毫

凡官民二則田共三千九百五十一頃八十一畝七分四釐一毫○地共八百七十頃一

畝七分四釐一毫○山共三百二十五頃九十三畝四分四釐六毫○蕩共四百五十七頃七十

三畝八分

六釐六毫

成化八年至嘉靖元年實在官民田地等共五千

六百三十三頃三十四畝八分二釐五毫

凡官民二則出

共二千九百六十一頃九十七畝三分四釐二毫○地共八百七十一頃七畝四分○山共三百二

十七頃六畝四分二釐○蕩共四百八十二頃一畝二分四釐七毫

嘉靖十年至二十年田地山蕩厥數同前

本縣官民田散入各圩分十二區以總具列如左

五南區一百一圩○五北區六十一圩○六等區五十二圩○十一西區八十四圩○十一東區三

十三圩○十三等區八十三圩○十四都區七十
八圩○十四等區一百八十七圩○十五等區五
十八圩○十六等區一百七
十圩○十八等區一百二圩

河渠

塘壩附

東南田賦最殷而水旱之患亦頻歲最甚德
清界居溪澤間三時之害尤苦于勞故水利
之務圩塿較重焉至於防旱乾備灌漑則河
以澆塿亦足以給非有湯年之亢固未至如
懷襄之殖飢者也雖然人事不修則天災益
橫凡有治農之責者謹毋委水旱于常數哉
乃志河渠從
史漢氏之治

內河

在縣南二里城南之民於龜迴橋下朔
斗門引龜溪之水入其村溼用為旱備

牌河

在十三都下管

牛寧瀉

在十四都大麻溪之北俗
傳唐時有青牛凡其出浮

歲必多澇焉至今
蓄水田賴以灌

潘家池

冷飯池

俱在二都

長各里許

倪家池

南舍池

俱在十都

三里塘

在

里歲久塘壞行者病於耕者苦澇宋縣
令章鑑令丁夫增築至今便之

石塘

東十八里即
古武承塘也

東審塘

西審塘

俱在六都

秀王

在十四都

金家壩

在十一都樂安
村新朔斗門

南壩

北壩

在十二都

鄧家壩

在十都

胖羅壩

朱家壩

斗

旱

壩 胡家壩

吳劉金壩

俱在十四都○以上各
壩咸截河貯水歲備救

井泉

蜃井

今在城隍廟神壇之下舊傳龜溪之蜃從井中出沒父老因與土塞之以神像鎮其上今

中門外有井

文廟井

在大成殿之前其水清甘人多取汲

縣前

乃別鑿者

分司井

在拱乾門外布政分司之內

井

在申明亭之前候衙者賴以濟渴

義井

在縣之南界依聖祠之前

八角

井

在禮辰門外東北下蘭山之陽

八勝井

在縣東北韶村寺之

史沈子真宅一夕鍾磬自鳴堂前井中騰炎八道俄有八龍升空而去遂捨宅為寺八年賜名八勝

井因

九井

在新市鎮按儒澤志東嶽行宮前康王祠前覺海寺前永靈東廟前後街

中透儒橋下步雲橋下照春橋下通儒橋下各有古井一舊味有九井寒泉者謂此

康家

井

在縣之十三都上管井當官道水清味甘能濟行旅品之者謂居一方諸泉之上

蜜

脂井

在縣之十五都慈孝村水味甘香若蜜故名

半月泉

在慈相寺石壁之

晉咸和間僧曇首庵其處鑿石罅如半月得泉其味甘美名曰靈泉後人即其形似更名半月覆亭

其上

王泉

在慈相寺東院之後嵯古有妙泉歲久湮沒茲泉後出豈即妙泉而及今發

耶泉色黃白晶瑩

石壺泉

在吳羗山石壺之下若王味亞月泉

間道流剗竹為筧引注石池中淵澄可鑒每虛堂夜寂其聲琮然清人心耳於遲茗待月特宜焉

瀑布泉

在縣東五里越山僧院宋僧佛心見泉出山隙因剗其道而寫之有下如布舊於泉

下建亭廢久址存寺僧今於其處篲竹引流以供淪茗

風俗

宋初脫五代之亂人樂更生邑居之民重本力穡

祥符以來士知向學南渡初定衣冠鱗集而又四
阻溪澤山水明秀其民足於魚稻蓮蒲之利寡求
而不爭地產差厚而賦役亦簡井閭田野之氓大
抵知尚禮義而賤勇力此風俗之在昔者也其入
國朝則順化以前謀饗殮者以興販爲能養子弟
者以讀書爲諱諱者好勇而爭訟細民重釋而信
巫及今則市廛以質當相先宴席以華侈相尚聚
談畧減於吹雪受指猶健於告奸豪民擁貲則富
屋宅買爵則盛輿服鉦鼓鳴笳用爲常樂蓋有僭
踰之風焉然而令得其人亦復易戢合邑重農桑
務紡績科第彬彬文士輩出則視昔人所云要爲
無愧

外史氏曰天下者一邑之積也故誌一邑而天下
之故可類推矣近之作誌者首類多標天文雖諸
史有天文之志然所敘述乃日月五星列宿運行
纏度與夫占候推測之事類非星土一端故今不
欲依跡直以輿地爲首蓋辨星別野皆經土事也
星野以定土分風俗以觀土習爲政者考星野以

原其始省風俗以要其終則事循其序而政爲有經矣

德清縣誌卷之二

德清縣誌卷之二

宮室考

昔聖人作上棟下宇以蔽風雨則宮室之於人甚切矣矧一邑備君國之制者而可畧哉是故首政教也而縣治學校設治神人也而壇廟公署建崇先哲也而賢祠書院立坊表以旌里宅社學以養蒙士亭傳以候郵節謹錢穀則飭倉庫延國祥則剏寺觀非是而役衆勞人敗財破料則君子有議矣作宮室考

縣治

附見

按宋之縣制宣詔亭在教樓之前丞廳在縣治之東簿廳在縣治之西尉廳在縣治之南遇事有疑且難者乃始聚廳而參決入元以來始坐一堂署事 國朝因之此縣之所以獨設治廳也舊志謂縣圃有亭臺堂館凡一十六所今俱廢矣然故名則不可沒也姑叙諸古蹟之內

治廳

縣治初位下蘭山之陽唐時移置今所宋宣和初知縣趙燭改建廳事建炎值兵燹知縣黃耕重建元至正丙午王師徇地浙右縣治燬焉 國朝吳元年知縣黃宗義鼎作洪武二年增廣縣舍官吏就內居住宜德末知縣張俊以治廳卑隘御設官之堂材改爲之其制三間軒屋如之嘉靖初堂日就圯知縣方日乾募義撤而新之 中堂閣架仍昔高深則加什之三詳在廳記

在治廳之後為前者三左右啓廳扁曰梅花堂以舊有梅花亭存其故也嘉靖五年知縣方日乾增材鼎作規模藻飭視昔有加

後堂

位梅花堂之後舊為燕休室中楹則闢為幕廳在治廳之前東西兩廊前緣以垣闢門而入為典

六房

在治廳之前東西兩廊所分署曹案各為屋六間

儀門

在戒石亭之南舊制卑隘正德末知縣陳愷高其中三間設正門焉餘兩翼各二間別為角門以出納造庭者

土神祠

在儀門之外東西對列各為廊房六間嘉靖中廢今東西仍各列屋五間 之東南神堂三楹左 右周垣前闕門鑰 譙樓與儀門相直宋名教書樓元末兵燹至

國朝吳元年縣令黃宗義復其舊更呼譙樓洪熙末復廢正統間知縣王敬始壘石為臺樓啟其上層簷複宇高與美山相挹

知縣廨 在後堂之北正德十三年

前榜縣額中置鍾鼓焉 舊為書院宋時二相公廟址也後有古塚

縣丞廨 凡三協堂與管糧二丞之廨俱位尹廨之

者即其地治廨位土神祠之 主簿廨 在衙路東

后今丞革廨廢改為吏舍 吏舍 在舊西榜廊之西今

典史廨 在堂東北隅 間二丞廨中 為舍十餘間初啓扉

于儀門之外嘉靖二年知縣方日乾以防範踈闊改闢下門內

學校 公廨射廳俱見 廟學在宋位縣之西南明道間縣令竇克以龜溪縈紆下邑之東南兩山挾之秀氣橫出

乃徙建于今阜安橋之北元至正十六年張士誠陷湖州學罹兵火未克完繕 熙初大理卿胡瑗保釐東吳爰命加治正統六年知縣王敬以故址類溪逼市翠隘囂沓非奉聖養賢之所度清河橋北民地一區於徙建為宜乃白之巡撫周侍郎忱奏 購撤材之故者一新之今廟學是也

文廟

大成殿 制凡五間先師與配哲皆像然像設殿額金書前為露臺祀時特設約陛東西有石

級備陟降焉嘉靖初改正祀典撤去殿中像設祀以木主 東西廡 在大成殿

對列每聯七間列七十二賢 戟門 在兩廡之末

及從祀諸賢于內制皆木主 三間列三門兩挾則夾為祀 泮池 在戟門之前

所門之外右壁堅有建學碑 舊制狹小弘

治十年知縣王良臣展鑿大之池之
四週橋之上下咸砌以石規制始稱
之東南隅 宰牲所 附諸神
其屋三間 櫺星門 在泮池之
格凡啓三門其前則通衢也門之對故為千戶蔡
繩之邸樓王令良臣買其地闢道至河用廣雲路
幫甃堅整護以石欄導
以石埠於是門觀軒絜

學宮

啓聖祠 在學中門之東南大門之內以舊文昌祠改作
明倫堂 學之講堂也宋

名文會堂繼改明倫再改明教 國朝復明倫之
稱學之再徙建堂于大成殿之後凡為五楹中三
門肄講分布師席上揭朱子書額東西列科貢兩
碑臥碑橫堂之左修學碑豎堂之右附堂二房東
以為庫貯禮器官書西為燕居每春秋丁祭宿齋
于此堂自知縣王良臣修飭之後至嘉靖中知縣

馮煥通修 **博文齋** 宋分八齋 國朝合之為一
震為之記 曰博文則東齋也其制三間

列明倫 **約禮齋** 制如博文列 **尊經閣** 在明倫
堂之左 明倫堂之右 堂之後

榜曰尊經更登雲樓之舊也正統間創歲 **號房**
久盡廢今以其基剏敬一亭奉貯 御箴

在明倫堂之東北為號凡二區存者一十八間廢
者莫會其總蓋自弘治間王令良臣修創之後鮮
復留 **會饌堂** 在號房之北三間南向 **教諭廡**
意者 今為訓導廡之後舍

舊在尊經閣之後今以其地 **訓導廡** 凡二一假
建敬一亭那訓導廡徙作

聯改居一位今教諭 **中門** 在明倫堂東南生
廡之西偏元導廡也 徒由以出入者也

學門 在中門之外清河橋之北三間一聯中關賢
門東西則完為守視之所與舊經魁坊對

射所 在今紫陽觀之北舊有射廳三間歲久塌廢
所存周垣大規而已。凡庠校射圃多在學

宮之內此邑以位置之窄別設于外故附諸學門之下云

壇廟

先王修祀壇壝有制成秩有典在禮州長撫封專土有社稷之祀有司為民禱祈有風雲雷雨山川之祀泰厲公厲族厲宜有所歸有三厲之祀三壇之餘其協于祀者法施民勞定國死勤事禦大災捍大患非是則為淫祀夫淫祀先王之所誅儒教之所絕也故邑之祠廟惟誌其合乎祀典者其他雖具有源委而各著靈響然法不得書

社稷壇

在賓塵門外洪武二十九年知縣李芳遵奉新制改建如式歲以春秋二仲上戊日

致祭按社為五土之祗稷為原隰之祗是謂生物以育民縣之祀典先聖之餘此壇為重祭禮壺罇二籩豆俱入有獻而無樂牲用羊豕其制東西廣二丈五尺南北如之崇三尺四出陛石生長二尺

五寸方一尺埋之壇上牌位二以木為之上書曰縣社之神曰縣稷之神其宇則齋堂三開神厨三間宰牲池一所壇門南向而週繚以垣○按國初禮制縣社稷之外每里各立社壇一所遇春秋二社里中父老人等備物致祭修祈報焉今歲久禮廢而此邑之里社十無一存者矣

風雲雷雨山川壇

宋元附祭于社稷壇今別立於峻明門南洪武二十九年知縣

李芳遵奉降下新制建置如式歲以春秋二仲戊祭之次日致祭按風雲雷雨皆天地之功用而名山大川能出雲雨以助造化是皆有潤澤生民之功故社稷之次此祀為重洪武初以風雲雷雨山川之神合祭後復參以城隍之神今為定制祭之儀品壇之制式及舍宇俱同社稷

邑厲壇

在禮辰門之北洪武二年遵式建立歲以清明節七月望十月朔致祭按左傳伯有

為厲蓋死而絕後鬼無所依故出而作厲在郡縣亦有然者故特祀之祭用羊豕其文則襲用

降之詞壇式舍宇視前二壇但添廊房十間祭之日縣之官吏迎城隍神主位之壇上主幽事焉厲牌二題曰本縣境內無祀鬼神設之左右廊之內陳以糝飯羹蔬楮幣等用鬼道也○按舊制邑厲之外各鄉立有鄉厲壇共一百七所歲以邑祭之日里中父老備祭如里社今湮廢亦如里社矣

城隍廟

在儒學左宋紹興中重建今制前殿後寢東西兩廊中外二門畧如縣治正德末知

縣陳愷改修前殿餘多頽損○按經國之制築土為城鑿塹為隍以其出險固國有神道焉故唐宋世相沿致祀國初承前制縣城隍封顯佑伯三年改正祀典止稱城隍之神與山川雲雨等合壇而祭則以地道視之矣然則崇事之所宜壇而不屋主而不像始為得其情狀今乃巍然堂陛而儼然冠冕是與宋世奉嶽瀆之謬者等也是豈聖朝明設教之本意哉改禮君子不能無議于此

餘不亭侯廟

在縣東清河橋之南其前則餘不溪也晉車騎將軍孔愉初以戰多封亭

侯自晉迄元廟食于此我朝載之祀典歲以祀山川之餘縣之官吏牽牲致祭○縣西南城山之陽復有孔侯廟按餘不志乃孔侯墓之祠堂後人因以為廟廟後大塚碑甃半露愉所藏也古木數株堅如鐵石故老相傳愉卒後龜啣窠木植于此至今號龜啣樹事涉怪誕又按縣志錄宋范至能嘗道龜溪登覽于廟時見愉之像設席地而坐廟前古栢合抱焉今像設據榻而古栢絕無則知廟非宋元之故矣

孚應侯廟

在縣東北新塘村廟記神諱載姓陸氏本吳人也從宋武帝平關中留與盧陵

王義真鎮守後陷赫連氏魏太武平赫連神因仕魏子政性至孝載好食魚北土魚少政求之苦難一夕宅際忽出泉有魚躍焉取以供膳時謂孝感所致政後仕魏為開府儀同三司繼復仕周歿後田元魏迄南宋計六七百年矣而累著靈應新塘人以出自其土事為土神隆興初賜今額我朝

因之列之祀典。按政於委質事人，殊欠純節而載復甚焉。其歿而為神，要為有視祀典之列，豈以政孝感一節為協於法，施于民者耶？然則神宜稱政而祀宜歸于今廟，記神載于其首，而縣祀槩政于其內，謬矣。

西水靈廟

在新市鎮施家巷之左，神姓朱諱泗，父煦，三國時朱然之弟，從軍於司馬氏部。下晉咸寧中，伐吳，煦妻從，伍行至鎮，媿焉。神生十歲，博記書史，比壯，勇力過人。江左立國，神往應募。末昌元年，王敦反，冒陣而亡。泰寧二年，追封鎮國大將軍。自後，屢形夢于族人，欲於所出新市，守土以陰福斯民。於是治廟于此。宋元祐初，東鎮民人以走祀不便，請分建東廟。至紹興五年，賜未靈額。其累朝褒封爵謚，并神功顯蹟，詳見石記。我朝以神死事，合於祭法，乃列之祀典。

東水靈廟

在鎮清風橋之東，建置本末具列如右。

織簾先生祠

在縣南吳羌山之陽，南齊名賢沈約先生，卒後，鄉人重之，即其隱居立廟。詳在儒行類廟前古井相傳為先生所食。

昭應侯廟

在縣南市亭山之麓，神姓曹諱清，烏程人。父嘗殺人，繫獄，神自詎，手刃代受重辟。歿後，殊靈顯，有祈輒應。邑人廟祀之。宋宣和初，清溪盜起，將及郡城，神著保障之功。因以上聞，錫封賜額，神於本邑列之祀典。詳在府志。厥今市亭所立，乃行祠也。

蘭相如廟

一在縣東二十五里蘭村，一在縣東北三十五里苧溪之南岸。按相如，趙人。當戰國時，未嘗游行至楚縣之有廟。豈秦併天下之後，子孫散徙江南，居斯者，木其所自出，而為之廟貌耶？然莫可致審。

惠應廟

在縣東北十都梅林村，神姓魏諱霸，東漢人。兄弟雍和為州里所慕，和帝時為鉅鹿。

大夫政務寬恕遷光祿大夫以卒里人事之為土
神木旱疫厲有禱輒應福庇一方忠州刺史王沔
上其狀于縣縣請之朝嘉泰十
三年特賜惠應之額事具廟碑

公署

察院行臺 在縣治之東儒學
之西洪武五年建 **正廳** 三間偏
中

堂 一 **後堂** 三 **書房** 三 **廚房** 三 **廊房** 各三

中門 三 **院門** 一 **榜廊** 左右各

布政分司 在城隍廟之左拱乾
門外正統七年建 **正廳** 三間偏
日旬宣

中堂 一 **後堂** 三 **書房** 三 **廚房** 三 **廊房** 東
西

各三 **中門** 三 **司門** 三 **榜廊** 左右各

公館 在縣治之東察院之
西洪武三十年建 **正廳** 三間偏
日公正 **後堂**

三 **書房** 一 **廚房** 一 **廊房** 東西各 **中門** 一

兩旁角門 **館門** 一間以上三署弘治間知縣
即垣而闢 王良臣梁材相繼繕葺嘉靖四

年知縣方
日乾通修

屬司

新市巡檢司 宋於新市鎮設鎮將荷葉浦設巡寨
國朝洪武初革去巡寨併鎮將之職

于巡檢於鎮之西關即 **公廳** 舊廳久廢巡官上
廢寺之址而立司焉 日每搭席棚蒞事

至正德二年知縣 **廊房** 舊廢正德八年巡檢
梁材重建凡三間 楊居益重建凡二間

廚房 一 **土祠** 今廢 **監房** 二 **譙樓** 三間不知
始弘治

五年巡檢張弼重修加
立新市巡檢司牌額

下塘巡檢司

國朝洪武初改下塘寨為
司巡檢之設如新市制

公廳三間

中為視事之所餘
兩間則夾為私室

監房二間

司門一間

河泊所

在新市鎮順濟橋之
西南洪武十四年建

公廳

三間○弘治
間知縣王良

臣後廨三間

監房一間

所門一間

○正德二年
詔省官銷記以所

務歸本縣稅課局帶管緣是廨宇官拆地募承佃
七年復除官以無治所申鳴追勘退地還官然舊

規未復所官兼理稅課寄治于局嘉
靖中依舊裁革所務歸縣佐帶管

稅課局

宋世監稅廳在縣治西而稅務則在治之
東國朝洪武三十年仍舊開設宣德十

年革省基地入民正統十二年復
建于舊學之前挹大溪而東向

公廳三間中
為視事

之所餘兩間
則夾為私室

局門

餘惟過垣焉嘉靖中
則前樹門剝榜曰

記送縣帶管
局基入官

陰陽學

管轄陰陽生本學舊在縣治之前
左廳事一間今基入香亭鋪而官無治

醫學

管轄醫生本學自設官以來治
署缺建但寄寓于藥局而已

惠民藥局

在縣治之前
一為醫生直次一為居藥之所

僧會司

官以慈相寺僧保
任司亦開于寺云

道會司

舊在縣之南紫陽觀內以觀之道士常居
其官也今道會為元峰觀道士司歸其

事體則
同僧司

贖祠

名宦祠

按餘不志宋知縣趙嶠立有生祠沈祀李

湮沒今此庠於戟門之外其左列祀無賢右則

席考德昭祀由國初以來未之舉也嘉靖四年知

縣方日乾既修廟學乃加葺二室遷賢之位于

右爰列唐縣令慶澄宋知縣孫載王毅趙嶠李

元縣令曹宗輔仇治 皇明知縣陳景隆王良臣

各治行之最者請之當道後祀其中晉亭侯孔

則以有專祠仍祀之本所時歲之冬十月也至嘉

靖二十七年知縣郝成性景慕前尹陶廉政行之

美乃允士民之請中鳴憲

臺祀之祠中列良臣之右

鄉賢祠 位文廟戟門外之右中祀齊名賢沈麟士

大夫盧革安撫使盧秉國子監丞沈當燕雲提舉

沈瑄侍御史沈疇知樞密院事沈與求兵部尚書

沈介戶部尚書沈詵同知密院沈復參知政事李

彥穎太府少卿李浹兵部尚書李澄左丞相吳潛

將作主簿鄒樛翰林學士林靜 皇明

刑游汶提舉徐俊元處士林靜

良輔訓導車昭處士王升汀

州知府張寧凡二十六人

書院

東萊書院

初在縣北慈相寺月泉亭之上宋有

為近乃寓居于寺東萊呂成公其婿氏也來

之相與講學嘉熙間知縣章鏐因於前地建東

讀書堂謝夢生作記歷元入明歲久跡泯弘治

年知縣王良臣慨想賢哲乃即寺之披雲閣

建堂三間存賢澤之舊然但設木主而已嘉靖

年知縣方日乾重加完繕大書揭額徙宋碑于前

楹之左右方堅石屬霽揭書興修之詳至嘉靖九

年知縣陶廉乃即廢尼菴之材改建書院于寺東

之山坳前堂後寢中外設二門

左右列書舍迄今祀成公于內

織簾書院

在吳羗山之陽元峰道觀之內初織簾

嘉靖四年知縣方日乾乃擇勝于觀之右歲久頽落俸入給之道會吳元錦俾繕飾之露臺週以木欄登道累以石級於其中立主揭額會大夫之里居者告于先生而安靈焉詳在本傳及院記

三賢祠

在新市鎮游相舊果山之陽初章丘謝九儀來知縣專問考縣志得宋顯謨閣學士

劉光祖左丞相吳潛及右丞相游侶三賢俱於新市里居允宜表章乃請之當道議立祠以祀會其徵入臺事弗克竟去後十年謝來司憲以初意未遂爰檄知縣馮煥繼成之明年僉事西蜀譚榮行部至縣以三賢可仰又以劉游皆蜀產乃其鄉邦之賢遂斥贖鍰相之祠訖完落嘉靖二十八年知縣郝成性措買上田五畝給充主者衣食之費諭令吳相後裔吳靈者時加守護於是香火有託詳在祠記

坊表

司空坊

在德廉坊之首邑人周宏官工部侍郎嘉靖間知縣方日乾即舊坊改榜

廷尉坊

在台門坊之首正德間縣令梁材為大理寺丞蔡中孚立

進士坊

在

縣治之東弘治間為邑人海鹽附籍張寧里立一在縣治之西弘治間為蔡中孚立一在十五都慈

孝村成化間為周宏立今俱存一在縣治之東景泰間為馮安立一在縣治之南成化間為談俊立

一在十一都新市鎮成化間為談俊立

化間為胡瑄立今俱廢

文明坊

在十一都新市鎮洪武間為徐九思

立今廢

登瀛坊

在縣之北隅正

為舉人談俊立今俱廢

升賢坊

在縣之西隅廣慶門外弘

貞節

今廢

坊 舊在縣之禮辰門外今堤橋之北宋相吳潛之

表之後有仕而早世者其婦守節至死時為立坊以

表之今廢久矣其後 銀臺坊 在十四都大蔴村

齋藏有手卷識其事 在十四都大蔴村成化間為右通政

徐九思立 青雲甲第坊 在十四都大蔴村成化

承芳坊 在十五都慈孝村弘 狀元坊 故老相傳

鎮之惠通寺前宋嘉定丁丑邑人吳潛魁天下士

其宅第在焉故建于此今物代變廷基入于寺坊

廢無跡矣 旌善坊 在十一都之新

太祖皇帝旌鎮人王升金書二字表其門第在今河

泊所之東小巷之內後更煨燼弘治間其外孫武

畧將軍蔡繩為 英俊坊 在新市鎮水樂間為

續置一扁存焉 亞魁坊 在新市鎮施家巷北弘治

間為鄉試第六人陳霆立

社學

學制 洪武初省臺奉 欽依通行天下府州縣各

設社學一所延請秀才教訓軍民子弟累

朝相承行提學等官督屬開設以山林之士通曉

章句者辟克師席名曰教讀書堂舊在儒學門之

亭傳

警鋪附

秦漢而下里埃列亭亭有長主巡警逮逐之

事符移往復則有傳遞之舍置郵之語見於

周末亭傳之所設遠矣我 朝沿古之制凡

郡縣門外例創申明旌善二亭懸示懲勸次

而鄉都之內申明亭編設俾老人者於其中
宣明條教會斷民事乃若符檄上下則十里
一鋪設司兵以應役晝夜之行限以三百里
鋪長按其曆而戒其慢焉至於關廂設警則
役總小甲者鳴鉦擊柝防煙火盜賊之虞
此皆做古亭長三老嗇夫之所掌而參之以
今制者也

申明亭

在縣門之外位左向西舊制老人以歲時
聚民于亭宣讀教民榜文俾知禁諭縣民

作過犯科者揭其名氏于亭用
以懲惡其設在鄉都者俱廢

旌善亭

在縣門外右偏

與申明亭相對制令凡民間有孝子順孫義夫節
婦則揭其實行於亭用以勸善今亭具而旌典未
之有

香亭鋪

在縣門外申明亭之北郵亭鋪舍
舉武康縣至交通之界

導臻鋪

在小南門外九里
各一十里餘鋪制同

縣駱駝鋪交接

烏鳶鋪

在縣西十里與武
康分水鋪交接

南界巡警

鋪

自第一至第十為鋪十所首鋪在晉賢坊次在
桂林坊次在桂枝坊次在清溪坊次在清河坊
次在進賢坊次在阜安橋南次在行

北界巡警

鋪

自第一至第十制如南界首鋪在德廉坊次在
文昌坊次在禮辰門外次在戴灣村次在羅家
墩次在賓塵門外次在社稷壇
左次在開元宮前末在淡竹塢

倉庫

便民倉

宋有省倉在龜溪之東岍歷元而廢
朝建便民倉於峻明門外二里其址則十

七都
墟也

官廳

三間

中堂

一間

後堂

三間

廚房

一間

完

廠廳

三間在官廳之北為管糧
丞徒治之所嘉靖元年建

土神祠

一間

在丞廳
之東北
廩屋 共五
倉門 三
候舍 南北相向
各一間在

倉門之外

預備倉 宋名常平倉 國朝更建于清河坊餘不
廟之南面溪東向初洪武間縣之鄉都別

建樂舍敢村後柳神林四倉貯穀分賑正統間巡
撫周侍郎忱命歸併縣倉四倉俱廢地皆入民弘

治間知縣王良臣於縣倉大加修治正厥之外即
其旁厥仍榜樂舍以下四額歲久多圯嘉靖四年

知縣方日乾完修一聯餘未 官廳 三
及凡儲散之悉見恤政類 碑亭 二

廩屋 共三十 門樓 三間上揭預
餘間 備倉牌額

義役倉 在縣治內儀門之西正統
七年知縣王敬建今廢 俸給倉 舊在

之後嘉靖二十七年知縣郝成性改
建于儀門外東側兼貯捕獲鹽勅 儒學倉 在

學明倫堂之西 儀仗庫 在縣治內正廳之東
南隅三間北向 靖二年知縣方日乾新

建 架閣庫 在縣治後堂之西幕廳之後奉鹽倉
也改而為庫凡冊籍文案俱架于此

東耳房庫 宋有省庫常平庫俱在縣治正廳之左
我朝更制革而去之今所謂東庫乃

即其治廳之東耳房為鍵以 學庫 學之祭器銅
署邑之金錢貨幣咸貯焉 錫爐瓶共五

具銅爵一百四十九竹籩木豆共二百九十二簋
簋八十於制應建神庫以貯而營構向欽乃即講

堂之東耳房權宜為庫嚴
其高鑰而謹其守視焉

寺觀 官院
附

慈相寺 在縣北三里石壁山之陽晉咸和間僧曇
卓菴於其地名石壁菴唐元和中改菴名

寺宋治平二 乾元寺 在縣南一里吳菴山之陰
年改今額 國初遭燬迄今未復寺西

有金蓮澗 **保慶寺** 在縣西五里積谷山之陰慶元間燬 國朝洪武初僧澄行脚至其地愛其山林幽邃募衆重建改稱禪寺事具碑記

沈慶之子孫捨宅為寺唐 **真教寺** 在縣東北鍾太中初賜額今為叢林 管村唐咸通

今額 國朝洪武二十四年立為叢林 **未寧** 寺 在縣東北白彪村齊永明初丹陽太守沈豫捨宅為寺唐咸通中賜今額 國朝正統中被燬

今為叢林以七 **八勝寺** 在縣東北韶村基廣四都覺華寺歸併 百畝溪水環遶梁天監

五年青州刺史沈子真捨宅為寺 **慧通寺** 在縣八年賜今額詳并泉類今為叢林

新市鎮本吳越國王建宋熙寧初賜名法華院政和間改今額以寺前有雙塔又呼雙塔寺元季兵燬洪武初以其基設巡檢司至末樂中查設寺觀有僧古愚購得吳丞相潛遺址一區因建寺復元

額今為 **覺海寺** 在新市鎮初武康縣有與會後廢唐元和間有鍾思染者

鎮得齊中大夫朱安期墓地請於刺史薛戎移建于此改額覺海 國朝立為叢林 **梵行寺** 在縣東苦竹村唐咸通初建宋治平初賜今額 國朝立為叢林

東南唐樓市梁大同二年水部郎沈著捨宅為寺唐貞觀中名大明末治平初賜今額 國朝立為叢林

叢林 **安國寺** 在縣東一十八里下舍村有丁將軍改延慶寺宋治平二年再 **越山寺** 在縣東五里改今額 國朝立為叢林 宋開寶中建

初名妙靜菴嘉定間改接待院後名越 **淨信院** 山寺 國朝洪武初仍改妙靜菴額

在縣北集舍村宋宣和間建後廢 **餘慶院** 在縣嘉定中重創 國朝立為叢林 之六

都洪武四年 **紫陽觀** 在縣市亭山之陽宋紹興建為叢林

建為叢林

建為叢林

建為叢林

建為叢林

建為叢林

建為叢林

燧 國朝洪武至正統中兩遭鬱攸道會楊中信
鼎作屹為叢林歲時習儀于此嘉靖中大圯知縣
郝成性謂為祝延 元峰觀在縣南吳羗山之陽
之所改葺一新 宋淳熙間道錄曹守

真於山之東麓得地十餘畝蓋古廢寺之遺址乃
構菴以棲久之建置漸盛請賜今額入元罹兵燹
國朝洪武末道會姚道初鼎建之今其 得一觀
溪山映帶臺殿層聳為本邑琳宇之冠

在縣西八里宋有沈都倉者捨地建道院初名赤
岡紹興中有道士曰傅得一楊和王禮之俾居武
康之常清觀傅因掛搭院中道流請以其名為觀
額元季兵燹 國朝洪武初道士沈太朴重建

紫極觀 在縣西十里文林山初宋吳興太守文道
真捨為觀以太玄為名宋治平中改今額宣和初
道士沈居禎以文林山有葉靖天師墓遂徙而近

焉斯觀是也元至正間罹兵火 國朝 開元宮
共代初觀之道士重建今廢為荒址

在 百寮山之陰初元道士王壽衍號溪月者
嘗居 杭州開元宮後以禱祠齋錄往來京闕為
累朝眷顧既謝老還江南擇地于邑預營壽藏因
建開元道院至治間燬于火壽衍手起其廢後至
元間特賜宮額至正辛巳復燬壽衍仍起
之迄今其徒眾嗣守不替然非復舊觀矣

外史氏曰邃古之世穴居而野處未有宮室之制
也棟宇之備其諸黃帝之世乎堯舜臨御茆茨土

堦神禹成功卑宮儉室後世警戒之志微而逸樂
之心勝於是乎土木之工金碧之飾始以為耳目

遊觀之奉甚則為崇建虛無之舉求所謂為民足
國之計荒矣是故善為政者於公宇乃治善營室

者於宗廟則先要俾制循其中義務乎急其他則
雖緩且後無恤焉可也不然加飾則山節藻梲甚
侈則雕墻峻宇美觀未畢而敗亡至矣

德清縣誌卷之二

德清縣誌卷之三

食貨考

天下之物其係于民用者亦衆矣然所天維
食所寶維貨自生民以來匪食曷生匪貨曷
贍二者之切於民尤甚於水火之急于旦暮
也是故財用不足謂之無政倉廩之不登謂
國非其國用是言之爲政者於食貨可緩視
乎哉是故首之戶口以殖其本次之農桑以
開其源物產以相其業之恒賦貢以克乎公

之入征權鹽法以均商利軍需俸給以應時
需因天地之利制天下之用以為上則國計
饒以為下則閭里豐以為官則民可以教禮
可以備而政無不成雖然取之無制用之無
節則下困而上匱民窮而盜起弊將有不可
言者矣有裕民足國之念者能無聳然于斯
作食貨考

戶口

國朝混一區宇洪武初版籍既歸戶口茲集
房一里編戶百里有長一甲編戶十甲有首
下之事力單薄者立為零戶外之別邑附業
者收為寄庄差徭軍需每十年而一週民數
戶籍亦十年而一造籍藏于官民占平籍此
有國之定制也迄今戶籍徭法不改乎先軍
需之征則
變乎昔

宋

祥符間

戶共一萬四百三十四
口共三萬三千有二

紹興間

戶共三萬三千七百四十九
口共七萬八千六百五十五

嘉熙間

戶共二萬六千八百三十一
口共六萬七千五百三十三

元

無考

國朝

洪武二十四年 戶一萬一千五百七十七 口五萬三千七百八十一

永樂十年 戶一萬一千四十八 口五萬二千六百二十二

宣德七年 戶三萬五千六百六十四 口九萬五千九百六十一

正統七年 戶三萬五千二百八十八 口九萬四千四百六十八

景泰三年 戶三萬三千七百四十六 口八萬五千九百八十二

天順六年 戶三萬三千七百四十六 口八萬六千八百九十七

成化八年 戶三萬三千八百五十三 口八萬七千三百三十九

成化十八年 戶三萬四千二十九 口八萬七千六百一十七

弘治五年 戶三萬四千二百八十 口八萬七千五百七十

弘治十五年 戶三萬四千三百有七 口八萬七千五百八十二

正德七年 戶三萬四千四百有七 口八萬七千七百

嘉靖元年 戶三萬四千四百有七 口八萬八千九百四十三

嘉靖十年至二十年 戶三萬四千二百有七 口八萬九千一百二十五

農桑

宋世州縣之職例以勸農入銜元有中國首
頒農桑輯要之書則二者為食貨之首務可
知也 國朝既定中原農桑之詔屢頒疊
下卒之務本力穡迄今百七八十年開墾樹
藝日增月益乃至邑無棄土戶鮮隙地川原
之間黃青彌望而衣食之源浩乎其廣矣今
撮國初事例列
為農桑之篇

永樂間專設治農官

洪武中治農未有專職永樂以後府州縣始添設治農官

例以判丞為之每圩編立圩長一田甲即其有田者以充歲以農隙官率塘長循行阡陌間督其築修圩塍開治水道水旱之歲責其啓閉溝缺時其守護而檢報災數焉至於耦耕之民或有惰農之咎爭畔競水之訟則塘長聞之治農官為辨責之近歲以民自力農無煩官督所設治農縣丞奉例裁革

洪武二十七年課民植桑

是歲工部承旨天下百姓務要多栽桑棗有

司備將栽過桑棗株數具實回奏宣德間巡撫周侍郎忱開立農桑法則下之郡縣俾各遵行

本縣奉例舊栽桑棗等

起洪武二十七年訖永樂十六年凡奉例栽植桑二

千六百八萬四千九百二十九棗三十一萬一千七百三十一柿一十二萬九千三百二十五總二

千七百五十二萬五千九百八十五株俱係各鄉原額稅地增植不再科稅由永樂迄今所在桑柘如雲難以數紀

物產

五穀類

稻黍稷際粟麥蘇苴各色諸種凡浙中所產者皆全

食物類

米麵糖粉糕餅酒腐鹽醋茶醬錫蜜酥乳凡充食之物浙中所有者皆具花椒野產

者亦香 辣可用

布帛類

花綾素綾杜綾杜紗官絹小絹綿紬絲紬綿布苧布蘇布縑絲布鐵力布布汗巾

絲纒類

合羅絲串五絲經緯絲荒絲二蚕絲蛾口綿車頭綿筒綿二蚕綿繭衣綿苧麻黃麻

苳麻 絡麻

雜物類

飾篋蒲鞋竹椅蠶山出
馭席蘆席土磚

蔬茹類

葱薑蒜薤茄瓜瓠芋蕨菜蕈苦蕒芫荽芡
白諸種各色浙中所產者皆有笋出楊灣

者得名蘿蔔出
縣西者特嫩

菓實類

桃梅杏李棗梨榴栗楠柚橙柑柿櫻桃銀
杏西瓜荸薺蒲桃香杭甘蔗等種者各色

本縣皆出菱為湖下之辰其
餘冬夏之果皆來自外境

藥材類

縣草木之可為藥材者首曰香薷出蠶山
之陽視弁山出者為次其他則金銀花山

槐僵蠶吳茱萸山藥杏仁紫蘇芍藥瓜蒌枳實枳
殼陳皮桃仁川芎薄荷石菖蒲槐花草蘇子青皮

白鷄冠木瓜紅花枸杞子五加皮白扁豆石榴皮
蛇蛻麥芽原蠶蛾露蜂房淡竹葉益母草等種

篁竹類

鳳尾竹慈竹早竹淡竹剛竹筍竹苦竹篁竹
斑竹篾竹桃枝竹紫竹篾竹早竹

石竹黃姑竹菊天
竹護基竹籜籜

木植類

桑柘松檜椿梓桐栝槐桂楊檀柳杉榆
棟檉楮白楊皂莢冬青橡烏柏白棗黃楊

櫻櫚
石楠

花卉類

諸花凡浙中所有者本縣皆備獨宋時有
月旦花者謂岳祠廡下有瓊花一本春時

盛放每告朔設會特開數朶時號月旦花今無
矣然瓊花則山房隨筆謂今無真本乃老圃以其

孫枝寄接於聚八僊花上而開者予後圃有綉
花一株四五年前忽八僊數十朶間開於花中乃

知今所謂綉毬即古瓊
花之寄接於八僊者也

家畜類

吳下家畜大槩
一類別無他種

走獸類

虎豹鹿兔麀鹿狸獾野豕野獮等縣之西
北諸山中產有至於信狼野狸水獺則諸

不一大抵簡而易曉民不受欺正德七年知
府黃衷申明漕臺定加耗為四等尼不可行
十年知府呂盛以厥先一等起耗誠便於民
乃復申明統凡官民田畝科耗米一斗七合
呂去而劉天和代為守意以一則起耗固可
革里書增減之弊然官田糧重而與輕則民
田例科不無偏損若官民各分一則庶輕重
適均於是扣算官田畝加七升二合民田畝
加一斗二升二合白之撫院議擬奏請既而
報下以上官民田畝二則起科官田一斗六
升以上至四斗八合入勺共一十六則畝徵
正耗平米三斗六升民田五升以上至二斗
六升共二則畝徵正耗平米二斗三升若民
田四斗三升以上至四斗六升共二則止徵
正糧儘派折銀不在起耗之例凡許劉所建
白迄今行焉民頗稱便至於地土蕩則官民
二等特大凡而已就其中而論財地有陸木
等之分蕩有魚菱等之異山有茶竹等之別

繭絲楮幣之征因之以出大率科糧為重
鈔為輕賦絲若綿為適中蓋在古則布縷
米之征而今日之所謂秋糧夏稅者也然
世賦民之制雖若輕而和買和糴經總之
征則視今較重我朝糧耗絲縷之調雖若
重而外此一無他歛則視宋較輕嗚呼觀于
此而古今取民之制槩可知矣

宋世夏稅秋苗

南渡以後稅緡有丁產和買三等總
一萬六千一百七十疋開禧間蠲免

丁緡止徵產買二項內產緡五千七百七十九疋
拆納錢一萬六千七百三貫八百一十文和買緡
四千六百五十疋拆納錢八千三百二十文錢緡
之外別有產綿之稅總三千八十一兩五錢二分
若其秋苗額徵上供米三千七十七石二斗九升九
合內派糯米九百六十八石三斗零此外馬料則
為荳三百餘石每歲漕司行下
拆納至於和糴則莫考其數

元世夏稅秋糧

至正間稅絲總二萬四千三百二十

十六觔七兩六錢五分其秋糧共徵正耗米七萬

俸鈔之目然莫考其起徵之數

國朝夏稅秋糧

自洪武迄宣德元徵絲綿絹鈔舊額

今嘉靖額徵絲綿總一十萬一百二十八兩有零

內絲二萬六千一百二十八兩零綿二萬五千九

百六十兩其拆色絲綿共四萬八千四十兩拆納

官絹二千四百三疋至於起運則北京丙字庫交

輸合羅絲二千四百兩串五絲四千一百二十八

兩荒絲七千八百一十兩上綿三千六百兩中綿

二萬一千四百四十兩承運庫輸絹二千四百二

疋南京丙字庫交輸串五絲一千九百四十兩荒

絲二千四百兩中綿九百二十兩湖州府織染局

交輸荒絲七千四百五十餘兩此外徵鈔四百五

十四錠九百六十七文小絹二疋俱於省庫

豐德等庫交納秋糧自宣德七年減立定額

耗米七萬二千一百九十石二斗五升八合零

糧之內分派白粳白糯視內用之盈縮而為上

謂之餘米備正文焉若夫拆銀則鎔銷成錠輸之戶部發太倉貯支馬草之額為包五萬二千四百有三其輸北京者三萬一千四百四十餘包總徵銀九百四十三兩二錢輸南京定倉者一萬二千四百餘包總徵銀二百七十二兩八錢輸木府秦定倉者八千五百六十三包總徵銀一百九十兩一錢此秋糧正耗本拆起存之大都也近歲以水馬驛站舟船馬騾等各項支費亦於民田派納每畝徵銀四釐通縣該徵銀一千三百四兩三錢三分零鹽糧亦從田派該正米一千九百一十四石三斗八合零站銀解司府以時支給鹽米鮮克太定倉糧

宋貢

宋世取民通制夏稅秋苗丁錢之外其歲輸于公上者謂之歲賦布縷則綾羅紗緇絲綿布葛金鐵則金銀銅鐵鉛鐵物產則六畜齒革翎毛茶鹽竹木蒟麻藥果油紙薪炭漆蠟雜物等凡皆州縣科敷于民入之王府德清之貢雖未詳所擬然大要于數品之內不無有及焉按宋史地理志湖

州上郡領縣六德清為緊州之貢曰白紵漆器意當時取辦于屬縣則二物亦德清之常貢也

元貢

元世取貢于各省謂之歲課按元史江浙一省有金銀鐵錫等物竹木之課為數不等皆歲列坐辦于省路省路取成于州縣則德清在元前數者之貢不無波及云

國朝貢辦

本縣自宋樂迄今歲貢角弓弓弦條箭實桑白皮水牛皮底皮曆日黃紙白紙以至胖襖料野味牛犢山北羊等各為數不一俱案元籍取支丁田銀內或齎價徑輸或買辦類解

征權

宋世定課利於酒務計商稅於稅亭若經制司所取則二課之外別設而續增者也元自至元以後凡務亭諸權悉罷聽民自營而定其課稅及河泊所之歲入俾之各輸鈔貫按

季解發 國朝因之諸凡應納錢鈔物料聽
在所之便官司照徵變置其解發如例云

宋課

通判廳貯發贓罰錢

七貫五百文

主管司錢

一十六貫六百

六十

茶租錢

三百二十九貫四百七十五文

印契錢

每稅錢一貫除

六百七十五文克經制錢外

稅務錢

向渡初縣郭稅務錢

三千二百五十五文留備公使

五千二百三十八貫日額二十四貫有奇既後稍

攔四出百里之內無能免者日額至一百三十餘

貫慶元間立例五里之外不許攔稅用是務課頓

損吏苦賤陷開禧間戶部請于朝為減續添之額

紹定間邑之父老又乞均之鋪戶抱納漕司從之

邑人稱便至於新市鎮稅錢為額五千七百二十

一貫紹定間鎮之父老經朝陳乞得旨

酒庫錢

獨減其本務公事令戶部酒庫官兼之

縣之酒庫每歲息錢三萬七千貫乾道初撥賜馬

軍司收支本司徑自差官主管新市鎮酒庫每歲

息錢四萬五千餘貫戶部差官監

督其錢徑解戶部賞庫收支

國朝諸課

本縣額辦

油榨鈔

三十錠三貫六百文

房地賃鈔

一百九錠一貫

茶油鈔

三十九

樹株菓價鈔

六錠二貫一百一十文

稅課局額辦

商稅鈔

正額一千六百六十二錠一貫增收開額四千二十六錠一貫一百七十四文

門攤鈔

正額三百六十三錠六百文增收開額八百八十三錠四貫五百七十六文

酒醋鈔

四百三十二錠四貫五契本工墨鈔一百六十六文該本局帶辦

六百文○以上局課正額增收帶辦共鈔七千三百六十九錠二貫五百一十文內本色鈔二千六百八十四錠三貫七百五十五文折色銅錢三萬六千八百四十三文歲編巡攔六名按季辦解

河泊所額辦

魚叢鈔

正額一千八百六十六錠四貫七百文增收開額七十八錠一貫二十文

打生鈔

正額一百二十一錠一百六十五文

魚油

翎鰓

每歲拆辦本色熟銅四百斤銀硃三十斤一十二兩六錢八分折色熟鐵一千三十四斤

魚線膠一百七觔一十一兩三錢二分○以上正額增收總鈔二千七十一錠一貫二百三十六文內本色鈔一千三十五錠三貫一百一十八文折色銅錢一萬三百五十六文銅鐵硃膠總該折辦銀七十八兩四錢二分○按稅局河泊二項課鈔今俱本縣帶辦

鹽法

宋之立法貯鹽于倉官自運賣後令鋪戶取鹽交縣百姓計丁給鹽而徵其錢以充官用迨其弊也官取民之食鹽賣充別需人戶鹽不可得而錢率不免元立運司專理鹽課民間鹽價置常平局以平之商鹽則給鹽引私販者例徒二年行鹽各有郡邑犯界者減私販一等尉司巡檢等人員緝捕奸犯國朝官私鹽禁權之法畧同于元而食鹽橫科之病正同于宋今撮邑之涉乎鹽法者著于篇

商販引鹽

商人輸財粟于邊官給引目其應支折稱驗查無夾帶之弊然後定以行鹽地方以其引目降府縣俾對引稱驗訖始許發賣凡支鹽出塲恐其夾雜舊引以相影射故關津有截角之法其防範之制嚴且密如此

戶口食鹽

初食鹽之法令有司開具戶口名數于籍赴鹽運司請鹽回縣計口給散凡官吏市民則令償鈔鄉民則令償米故有鹽鈔鹽米之額今國用半籍于鹽用是運司靳不支散有司不復申明官民食鹽任其買食而納鈔納米則一仍其舊所謂橫率之病正同于宋者此也

地方鹽弊

縣之無賴多糾聚窳夥與販私鹽其船石等什伯為群次打響器白晝公行莫孰何者巡兵捕卒遇之反走月報所獲恃有批步擔葉舟隻叢所貯姑以塞責而已中間或巡官通賄公相容保若軍職巡鹽固自與販

官司鹽禁

本縣巡捕有官兵市鎮設巡檢關柵御史府有委官縣司職巡鹽者旬呈月報比責隨之其防禁之嚴如此至於捕獲人鹽犯者配罪鹽與船艘什物并贓罰等俱變○舊例捕獲鹽船元銀入官類解兩浙運司收貯○無定數自嘉靖十五年巡鹽察院立法定令本縣捕人十名每名一月限獲鹽三百觔新市下塘二司弓兵六十名每名一月限獲鹽一百觔以一歲而計合捕兵不能滿通該獲鹽一十萬八千觔迄為定例捕兵不能滿數者於各名下併補坐而受責緣是編僉二役者多致弊損

軍需

宋世軍需本末

宋初天下財賦除上供之外餘並畱貯州縣之軍資公使等庫所謂畱州公使等錢是也時長吏得擅收支之柄熙豐以後又有青苗助役市易免行額役等錢州郡所入經

費殊裕迨蔡京以豐亨豫大之說蠱惑人主於是
糜耗興而國用損青溪盜起軍用窘迫陳亨伯始
創經制錢其法尅役錢除頭子賣糖糟積徵至浩
以應軍期之急繼後窠名不能免南渡兵興國用
益困於是緣經制之例量添商稅稍益酒價橫征
無藝又有椿待錢版帳錢造船錢軍器物料錢大
槩別立窠名巧取于下縣自緊等而上歲支不啻
二三萬緡此外又有非泛取索歲有雜支之費供
應之繁莫克縷述德清
在當時其軍需准此

元世雜需大畧

按元史元氏軍國之需無所考惟泰

南民戶有田一項以上者於所輸常稅外每頃量
出助役之糧具書于冊里正掌之歲收其入以助
經費凡寺之田除宋舊額外餘亦驗其多寡出糧
助役用是例之元之軍需蓋一切責辦于里正而
以助役之糧
克其費云

國朝丁田銀

本縣軍需國初立法於繁縣人戶百甲
之內歲輸一里十甲驗其丁田多寡因

之派銀大約計一歲所出為徵入之數出納之餘
稍有積剩別克公使至正德十三等年鎮巡三司
府縣等官議省冗費本縣定為丁田銀三千三十
五兩一錢三分其供費之目有四曰歲貢則前此
所列每歲貢京之物湏折價以納支價以買者是
也曰歲辦則自每歲辦京諸物之外其餘若淺鮮
料價胖襖價料曆日紙價春秋祭品鞭春土牛
飲酒席公幹官新紅使容供應等費是也曰奉
則奉兩京禮工等部非時坐派諸色物料依期而
上類總而解者是也曰雜辦則官員觀差事故士
子登試膺貢例有水手路費坊牌之給以至司府
造冊則供紙劄公署修繕則備物料人隸差遣則
取衣鞋之資胥史書辦則仰工食之用凡非常之
調作正之支一應奉有明文而等為公用者是也
前項銀兩在嘉靖十五年以前審派里甲照數徵
貯在官遇有坐需依期解辦甚為良便至嘉靖十

六年奉到府帖俾將丁田銀兩自本年為始照依原定數目派入槩縣秋糧之內帶徵糧戶賁納在官聽候取解此於上雖謂便下或未然頃因糧長一年一更方舊役既滿新役始交在前銀兩一時支絕無以應急有司倉卒則那移無已則預借其在糧長舊者漫散雖有逋負而故延新者甫上手未經收而先賧以是富饒之家不妨預借單薄之戶不免揭充斯為弊一迨夫糧長收徵度其款熟稍溫者例加多索過至三倍中戶以下歲添徵征斯為弊二此外則經收者指匿而不盡輸司倉者增積而帑乾沒斯皆帶徵之產病也今使仍行舊法何有預借之苦何蒙重徵之疑在昔孟氏貴於法守安石罪在變法前鑒具在司計者無據一時之獨見可也

俸給

宋世邑官自知縣至于監鎮各有職米其法於槩縣公田之內計官品之崇卑為給田之

多寡歲收以為養廉之具名圭租焉職米之外各有花利錢為數不等大約自二貫迤至七百六十五文而止此外知縣有職絹丞簿而下有職絲多寡之等亦以官品為限元之職田視縣之上中下而為差別德清則達魯花赤與縣尹俱得田二頃縣丞一頃五十畝簿尉至巡檢俱一頃乃若師生俸廩在宋則縣有贍學田歲入白糴米二百四十九石繼有橋鋪之賃錢房廊之租課諸鄉村之花利西葑漾之蕩租洪橋渡之津鈔凡歲徵緡錢不下一百五十餘貫專以供丁祭贍儒官養士類當是時有司作養之法頗亦厚矣元制莫考 國朝官吏之常祿生徒之月廩皆於歲徵秋糧額審均徭內派米賦銀如法請給至於使節往來迎送則例有廩給之饋庸條列如左

官吏俸給

國朝知縣一員歲支俸米九十石內本色米二十四石折米該鈔一千三百二

十貫縣丞三員歲支俸米共二百三十四石內本色米七十二石折米該鈔三千二百四十貫主簿一員歲支俸米六十六石內本色米二十四石折米該鈔八百四十貫典史一員歲支俸米三十六石內本色米一十二石折米該鈔四百八十貫合屬官除稅課大使及河泊各裁革外巡檢二員歲支本色米二十四石折米該鈔一千九百二十貫六房及糧科鋪長共司吏八名歲支食米共九十六石內本色米二十八石八斗折米該鈔一千三百四十四貫凡本色米歲於存留糧內派送俸倉支給折色鈔貫則於本府豐德庫支取外自知縣至典史俱有柴薪馬丁銀兩例於均徭戶內派取柴薪視官品而為等則馬丁則上下一例

師生俸廩

教諭訓導共三員每員歲支俸米二十石至於養士則生員之名廩膳者每名歲支廩米一十二石司吏一名歲支本色食米三石六斗折

米該鈔七十二貫凡前項正色米縣司歲於秋糧存留數內派送儒學倉收貯關給此外別有齋膳夫銀兩俱均徭戶內派取齋夫以充學職經費膳夫以供師生會饌若官吏之折鈔則從本府豐德庫關

請

使傳廩給

縣當杭湖之衝凡部使者之巡歷賓旅之經行月無虛者所司承有關文則供

應廩給皆取辦于公儲歲終會所出之數附籍稽考

外史氏曰孔門論政足食居先大學卒篇貨悖是

戒推而上也洪範八政一曰食二曰貨蓋二者具

足然後教養兵刑賓祭之政乃克次第而舉是食

貨豈徒今日之當急雖三代盛時固莫有先於此

者也後世之士清談虛曠惜于心計其仕州縣者相率發嘆以爲徒勞之職至鄙農卿爲田畷司錢穀者爲俗吏嗚呼甚矣其弗思也矣

德清縣誌卷之三

德清縣誌卷之四

官制考

自有郡縣而後有官司有官司而後有法制郡縣立矣匪官曷統官司建矣匪法曷治維古有言弛而不張無政也立而弗守非法也是故常變有預繁省有宜費力之兩均久暫之分限正雜之便于役使權宜之通于拯卹講畫之周措設之備執持之定久而有循推而有準於以立一邑經常之法是謂官制撮

其要且係者曰軍政曰武備曰匠役曰役法
終之以郵政則撫字之惠行而為政者科敷
催督之繁加民可忘之矣雖然徒法不能以
自行存乎其人可也作官制考

軍政

宋世兵制

諸州縣有廂軍供雜役有禁軍備戰守有
弓手有土兵為鄉之控扼皆以招募而克
故當時知縣事有兼兵馬
監押者德清大抵同此

元無考

國朝編法

元末州縣皆團募為兵 國初在所義兵
歸附及壯勇投克籍以戰守及中原既定

州縣之兵皆編入衛所方州大縣惟僉民兵守
而已召募法止則以罪犯謫民為兵例解邊遠或
附近衛所編入人籍責之戍守其謫克者或以老
吏或以寫發或以私鹽或以偽鈔或以斷指或以
攬納或說事過錢或積年民害或秋糧違慢或黃
冊遲違或詭寄田土或逃避差役凡若此者胥從
編發近歲犯貫愈多條例益衆前項非可盡該亦
不能悉載大抵減奸惡之誅護良善之衆則去死
一等之法也

清查軍伍

凡告替勾補解查跟捉等例備軍政條
例者誌不泛及但厥先為禁甚嚴及今

軍籍日耗蓋坐遠役之難及剝削之苦宣德四年
暨正德九年各有詔旨逃軍自首者許改編附
近洪恩至澤旁燭民
隱此清查之近例也

本縣編發各衛軍校

校尉二名北京錦衣衛一名吉府儀衛司一名

軍人原克并續克軍人共二千四百七十七戶

南界五十二名 北界一百三名

一都三十名 二都五十名

三都五十六名 四都一百四名

五都一百六名 六都一百八名

七都六十七名 八都六十三名

九都六十二名 十都六十七名

十一都一百四十四名 十二都八十四名

十三都上管四十八名 十三都下管八十三名

十四都上管四百五十七名 十四都下管九十八名

十五都東管七十九名 十五都西管一百三十七名

十六都東管一百一十三名 十六都西管五十九名

十七都一百四十二名 十八都東管一百一十七名

十八都西管一百七十九名

武備

宋世保甲熙寧三年立保甲法保長保正保副皆用有心力材勇之人克焉令保丁自置弓箭

以習武藝守禦地方德清之武備在宋准此

元無考

國朝民兵

洪武初簡民間壯勇之人編成民兵以時操練有事禦侮然屬民兵萬戶府鈐點承

平漸廢正統十四年申明舊例令各州縣招募民壯本縣遵依招募二百四十名隨因福建劇賊鄧茂七等擒戮隨亦停止天順元年仍令招募民壯鞍馬器械悉從官給本戶免糧五石免役二丁如
有事故不許勾補本縣遵例仍募民壯二百四十名馬械派給至弘治二年令選取民壯務須精壯之人置場操習遇警調用官給行糧餘照天順元年事例本縣遵僉民壯七百三十名如法操練至今嘉靖四年臺司看得民壯編僉年久消乏漸多議革三百八十八名存留三百五十五名每名一年貼銀六兩遇閏加給編操如上以後再減
僅存二百至十七年又行申革五十名

匠役
附 廚役

宋元無考

國朝工役班例

凡工匠役于京師有住坐有輪班又

則廩食于官輪班則週而復始每班止役一季然有五年四年三年二年一年一輪者班次繁密不同洪武二十六年詔諸司役作繁簡不同班次不均率令三年或二年輪當給與勘合○景泰五年凡輪班工匠二年三年者俱令四年一班重編勘合改付成化二十一年准令輪班南匠有願出工價者每名每月徵銀九錢所司類實勘合赴部批工北匠出銀六錢到部批放不願者仍舊當役弘治元年添設主事清理內外衙門工匠其輪班者做工納價等項清查明白年終類奏其住坐者軍匠行移兵部施行民匠轉行清軍御史督併各該衙門備造細冊繳部查考至于存留本府者則拘役于織染局歲織段足以供進用凡諸匠得免本戶差役二丁若單丁者除其一役老疾無丁者免其本

身恩法
俱備矣

本縣各色人匠 共一千
一名

北京住坐 三十
二名

絡絲匠 二名
雙線匠 七名

木匠 一名
石匠 二名
坭匠 一名

粧鑿匠 四名
剉磨匠 二名
棕鞋匠 三名

南京住坐 三十
七名

染匠 一十
名
雙線匠 二名
織匠 七名

挽花匠 二名
裁縫匠 七名
綿匠 一名

腰機匠 一名
木匠 二名
鋸匠 一名

船匠 一名
熟銅匠 一名
箭匠 一名

鐵匠 一名

本府存留 三十
五名

染匠 七名
絡絲匠 二十
名
織匠 八名

輪班 八百九
十七名

絡絲匠 一十
名
雙線匠 一十
名
篋匠 二名

挽花匠 四名
腰機匠 四名
裁縫匠 五
十名

針匠 一名
木匠 七十
七名
鋸匠 四十
三名

搭材匠 六名

瓦匠 三名

琉璃匠 二名

塤匠 三十名

油漆匠 三十名

石匠 六十九名

五墨匠 九名

鐵匠 五十一名

箭匠 一百四十二名

熟銅匠 五名

劉磨匠 七十三名

弓匠 二名

鞋帶匠 一名

棕鞋匠 二名

竹匠 三十九名

熟皮匠 二名

船匠 一百九十八名

籬桶匠 一名

本縣厨役

圖內僉補每年清軍御史行府州縣清

軍官查解
同清匠馬

北京光祿寺 二十名

南京光祿寺 一名

役法

宋世役法前後

正役

熙寧以前大畧仍唐制以里正戶長鄉書手課督賦役者長壯丁逐捕盜賊王安石變法

為保甲以十家立一保長五十家立大保長五百家立都保正又以一人為都保副

雜役

初多以廂軍給之罕調丁男其後有三等衙前及承符人丁手力散從祗候又有曹司押

錄虞候揀役並以鄉戶等第定差熙寧間從王安石議悉罷前役令應役鄉戶墾田產等第出錢

之免役錢其坊廢戶及卑丁女戶寺觀品官之家謂之助役錢悉收於官募人應役柰輸錢類多取

贏給錢不能如直是使民出錢免役而復使民亦手執役此所以來當時之議也寶慶間行義役法

計產入田或計田入租或計租入錢類儲以克產募雜役之費但人心不齊率一二歲輒變不承于

初其法
寢廢

元世役法大畧

正役 在邑居者設坊正在外則鄉設里正都設主首後以繁劇難任每都設一里正初以周歲

或半年一更後每季一更大率以糧多者為役首次為貼役每季一催輸稅糧追會公事焉

雜役 有弓首祗候禁子子子曳遞鋪兵又有船夫防夫馬匹之類其詳不能盡悉

國初迄今役法

正役 一里有長十里有首十年輪役一次專以催辦錢糧勾攝公事又選其中年德高者一人

為老人責以勸善敦俗有糧長以徵收稅糧有塘長以督修水利有書手以典司冊籍有總小甲以

巡捕奸慝皆所謂正役也各見于戶口亭傳軍需等類

里長 坊都二百一十四里每里見年充役一人總之排

甲首 每里見 **老人** 每里一人 **糧長** 每里見

縣分十二區每區設糧長正副共三名惟十四都區一正一副共糧長三十五名每年一易擇丁產

殷實者為之議者惡其橫取膺者率多選亡近歲每一正名以戶之稍裕者紐帶累串或至十餘戶

然猶訴困 **塘長** 每區二名如糧長之數木率圍而告避也

不事事徒 **書手** 每里一名如里長之數掌管戶設而已

總小甲 縣界市鎮鄉村各處設立每十人立小甲一名五十人立總甲一名餘為

火夫不拘名數舊例造編名冊歲終一更今更變無期卒難召集

雜役

均徭銀差

皂隸

南京直部皂隸二十二名 布政司柴薪皂隸六名 按察司柴薪皂隸八名 鹽運司

柴薪皂隸二名

本府柴薪皂隸六名 經歷司柴薪皂隸一名 本縣柴薪皂隸一十一名以上

每名編輸銀十二兩

南京把門皂隸十三名 按察司直堂皂隸二名

布政司直堂皂隸一名

按察司直堂皂隸二名 本府直堂皂隸六名

杭嚴道直堂皂隸一名

本府直堂皂隸六名 本縣典史廳皂隸一名

經歷司直聽皂隸一名

本縣典史廳皂隸一名 以上每名編輸銀十兩

馬丁

布政司一十八名 按察司九名 本府同知下一十名 本縣五十名 以上每官位下養馬一疋派奏輸銀四十疋

儒學齋夫

六名每名編輸銀十二兩

膳夫

八名每名編輸銀十兩

均徭力差

門子

按察司一名 本府治農箠一名 察院行臺四名 布政分司二名 府館二名 本縣一名 儒學堂齋一名 文廟一名 號房一名 射圃一名 鄉賢祠一名 山川壇一名

社稷壇一名

布政司廣濟庫一名 本府邑厲壇一名 庫子 豐德庫一名 本府織染局

一名

本縣儀仗架閣庫一 儒學書籍祭器庫二名 俸給倉二名

斗級

本縣預備倉二名 便民倉二名 儒學倉三名

獄卒

按察司司獄司一名 布政司理問所二名 本府司獄司四名 本縣七名

弓兵

本縣直堂元三十五名 今革作三十名 新市巡檢司三十名 下塘巡檢司三十名

巡鹽應捕

名一十 鍾鼓夫二名 鋪司兵十二名 香亭鋪一

巡鹽應捕

名一十 鍾鼓夫二名 鋪司兵十二名 香亭鋪一

烏鳶鋪六名 稅課局巡攔六名 解戶布政司聽

料二名弓張一名 以上俱均益內編

泛役

富戶 順天府大興縣一十 馬驢頭直隸順天府

上馬一疋鎮江府京口驛中馬一疋炭者驛上馬

一疋下馬一疋驢一頭徐州石山驛中馬一疋河

南開封府鄭州管城驛上馬二疋鈞州新鄭縣未

新驛中馬一疋延津縣廩延驛中馬一疋南陽府

鄧州新野縣湍陽驛中馬二疋彰德府湯陰縣宜

溝驛下馬一疋上馬每疋馬頭四名中下馬每疋

馬頭二名驢每頭夫一名奉近例俱於民

田起銀號馬糧銀解府候給詳貢賦類

水夫 本府在城運所紅船一隻水夫一十六名

近例分爲二班五年一班亦於槩縣民田上

徵銀四釐六毫照 依馬站事例解給

郵政

邑有郵政上之美意也然立法雖美而行法

率矣使委之非人欲澤之備究難矣大抵救

荒類無善政極郵祗開侵局瘞亡多委之于

壑文移虛喝十靡半實等爲文具而已果志

于惠民者宜 加意于斯

賑卹荒歉

本縣預備倉穀自弘治遯景泰知縣王

數萬石嘉靖四五年知縣方日乾亦積至萬餘石

俱遇荒放賑訖今倉中所儲不過一二千石云

收養孤貧

宋立安養院元立孤老院 國朝因之

廢殘疾不能自存者悉收養之按 給糧布以仰宣 朝廷恤孤之惠

掩埋暴露

宋置漏澤園以葬民之死無所歸者國朝因之各州縣鄉村令各立義塚實掩骼埋胔之仁也本縣瘞地以歲久多為奸頑占據惟十一都新市十五都東管及十六都義塚尚存正德十三年本縣知縣陳愷置立義塚于禮辰門外民咸德之

外史氏曰官制之條列其大者則古力役之征也先王之世藏兵于郊遂役民以三日居工於廛肆未有適戍長役歲坐之法也然自春秋作丘甲而軍制興周官六屬之具徒而差役備工師匠人梓匠輪輿之列名而匠業各專世日趨變日下降而今日州縣益多役矣然亦勢當然也德清僅一邑

今觀其事為制法繁且重如此借以邑土仍建古昔之侯國則當數倍于此矣然則蒞此者當如之何曰貴在安集之已爾昔人以獄市託代者戒以毋擾傳有之治大邑者猶烹小鮮夫小鮮擾之則糜獄市擾之則亂引物喻類雖鉅細彼此不倫要之其效可逆覩矣

德清縣志卷之四

德清縣志卷之五

職官表

百里之有士古子男之受國也有君道焉曰
立之司牧有師道焉曰民之師師長人者統
銅章袖藻璧撫封而治二者首責焉固難補
諉矣然邑非一令可備任也是故設僚佐以
分務專師儒以興教至於率作興事時省考
成令則經制于其間而總統爲之主及乎政
成事理則功皆由令譬之成室作勞雖假衆

手而規畫則仗工師夫是而為令者職無不揚矣乃表職官首縣令次僚佐次校職俾凡吏于斯者覽觀之餘知所以慕中牟而愛桐

鄉云作職官表

唐世知縣稱令宋初以京朝官知縣事知事之名始此元以蒙古色目人為達魯花赤更以漢人南人為之長其稱曰尹我朝復知縣之稱例以進士舉人監生注授至於佐貳之職則唐宋俱有丞簿尉之設我朝併尉職于丞簿不兼置焉此古今之縣制然也

職官表上

唐縣令

止得六人

天寶間	柳察躬	柳宗元之祖
廣德二年	慶澄	詳名宦傳
元和間	裴杭	
開成間	崔蒙	
	喻鳧	失其履任歲月
		其名見李頻詩
宋知縣		
	劉楚金	
	孫諒	

乾道二年	乾道七年	淳熙元年	淳熙五年	淳熙十年	紹熙三年	慶元三年	慶元七年
趙不比	葉沅	胡澄	沈杞	李稠	韓流	舒烈	陳瑛
					見靈洞 題名記		
乾道五年	乾道八年	淳熙三年	淳熙七年	淳熙十年	慶元六年	慶元六年	嘉泰四年
孫易簡	章耀	趙汝歸	楊思濟	王詵	朱鈔則	陳雱	呂鏞
嘉定元年	嘉定六年	嘉定十年	嘉定十年	嘉定十年	嘉定十年	嘉定十年	嘉定十年
吳季真	趙伯搏	周仲卿	趙善春	胡叔獻	何耕		

開禧元年	嘉定四年	嘉定八年	嘉定十年	紹定三年	紹定三年	嘉熙元年
蔡開	童居善	黃耕	章拱	黃鍾	呂好問	史偉之
詳政績 傳						
嘉定元年	嘉定六年	嘉定十年	嘉定十年	嘉定十年	嘉定十年	嘉定十年
吳季真	趙伯搏	周仲卿	趙善春	胡叔獻	何耕	
嘉熙元年	嘉熙元年	嘉熙元年	嘉熙元年	嘉熙元年	嘉熙元年	嘉熙元年
章鑑	章鑑	章鑑	章鑑	章鑑	章鑑	章鑑
在任嘗 修餘不 誌及建 東萊讀						

景定年

李芾

詳名宦

元縣尹

元氏一代之止署縣尹三人達魯花赤一人達魯山東以夷狄縣尹王居仁以偽署前

不在

至順間

曹宗輔

與仇治並詳名宦

仇治

宦傳

皇明知縣

吳元年

黃宗義

洪武三年

劉允祖

洪武二年

賀子真

洪武二年

李芳

南宮史見任

嘉靖十九年

孟養性

由進士

嘉靖二十三年

馮煥

由進士

理刑部

自主事

主事今

論任入

任按察

覲報罷

僉事

嘉靖二十六年

郝成性

由進士

以前無考斷

皇明縣丞

丞賢

簿史元以前無考斷

吳元年

熊鼎

吳元年

李不花

年 洪武末	年 宣德初	宣德間	正統十一年	年 景泰二	年 景泰五	年 天順三	年 成化二
方正	黃麒	張琰	韓普	汪斌	林芬	張旺	蔡達
			由監生	由監生	由監生	由監生	由監生
				詳政績			

年 宣德二	宣德九	正統六	年 景泰二	年 景泰三	年 景泰六	年 天順七	年 成化五
周孟	張弘	崔時雍	楊勉	王政	劉敏	江浩	李茂
由吏員	由監生	由監生	由監生	由監生	由監生	由監生	由監生

年 成化六	年 成化十	年 成化十	年 成化十一	年 弘治四	年 弘治十
劉勝	薛晨	曹恕	楊清	裴通	俞崐
由監生	由監生	由監生	由序班	由監生	

年 成化十	年 成化十	年 成化十	年 成化十	年 弘治元	年 弘治六
孫恭	蘇海	聶忠	侯永明	呂昂	呂冕
	由監生	由監生	由監生	由吏員	由吏員

汪琮

與崑俱
監生任

陳昇

由監生
任

桂瑄

由監生
任

朱昶

由監生
任

張文

由吏員
任

宋質

由監生
任

弘治十
二年

王輅

梁孟榮

潘昂

蕭賢

王暉

王澹

蕭瓘

三丞俱
監生

與賢俱
監生任

由監生
任

由監生
任

弘治十
五年

正德元
年

正德六
年

正德九
年

談章

由監生
任

正德十
四年

吳時

由監生
任

嘉靖二
年

高瑩

由監生
任

嘉靖四
年

方琥

由監生
任

嘉靖十
一年

許詠

由監生任
陞知縣

嘉靖二
十年

鄭守仁

由監生
任

嘉靖二
十五年

鄧鳳

由選貢
任

梁廷珍

由監生
任

正德十
一年

雷滋

按察檢
校陞任

正德十
六年

張楫

由吏員
任

嘉靖三
年

王祐

由監生
任

嘉靖三
年

謝昭

由監生
任

嘉靖三
年

田茂良

由監生
任

嘉靖五
年

雷謙

由監生
任

嘉靖十
六年

武學

由序班
陞任

嘉靖二
十二年

羅忠

由監生
任

主簿

吳元年

俞興泰

永樂間

方照

宣德間

趙軛

趙著

正統二

傅璟

由吏員任

正統七

李賢

正統十

孫英

景泰元

王鑑

典史

近制典史皆由吏 因不復各注其由監生者別之

吳元年

祝亮

永樂間

程鑑

宣德間

王福

王錦

正統三

胡文章

正統五

紀澤

正統十

周福

周立綱

景泰四

劉隆

由吏員任

天順四

唐銓

由吏員任

天順七

弓信

由監生任

成化二

江鉦

由監生任

成化七

孫敏

由監生任

成化十

劉佐

由監生任

成化二

胡敏

由監生任

弘治元

丁文清

由吏員任

弘治六

楊寧

由吏員任

景泰五

龔友諒

天順四

李毅

成化元

范禮

成化二

李真

由監生任

成化七

謝熙

由監生任

成化十

潭澄

弘治元

趙雲

弘治六

曲衡

弘治八

李珏

弘治十年	弘治十年	弘治十年	弘治十年	弘治十年	弘治十年	弘治十年	弘治十年	弘治十年	弘治十年
李廷琮	劉景	高濟	張思恭	張大淵	賈琮	張允惠	熊綬	古源潔	
由監生任	由監生任	由監生任	由監生任	由監生任	由監生任	詳政績傳	由監生任	由監生任	
弘治十六年	正德三年	正德六年	正德十年	嘉靖九年	嘉靖十四年	嘉靖十八年	嘉靖三十一年		
王佐	李琰	徐旺	張鴻	艾偉	吳璋	李富	費銓		
						自富至偉以前	逸而無考		

嘉靖十一年	嘉靖十六年	嘉靖二十二年	嘉靖二十三年	嘉靖二十七年
莫子飾	馬負圖	白惟沉	陳道克	雷鉉
由監生任	由監生任	由監生任	由監生任	由選貢任

職官表下

國家於邑立學以造士主師席者教諭一員
 訓導二員開國以來固嘗任遺逸由辟請至
 文教既浹品制大定則一由銓注要之出身
 非舉人監生則不易授其自舉人而能嚴條

約成賢績者書考之後或徵為風憲入為郎署擢為守令意以示典司者之勸而用為作人之地也嗚呼意深矣遠矣居是官者其委寄亦重矣大矣宋職無考元有沈鎮秋德桂出張士誠偽署斥不列其列者亦以散逸多漏云

教諭

洪熙間	周源	由舉人任
正統三年	戴昂	由舉人任 陞教授
正統十年	許敬	由舉人任
天順三年	王樞	詳政績 傳
成化間	胡華	由舉人任
正統元年	王麓	
正統十年	歐陽凱	由監生任
景泰間	李聰	由舉人任
成化七年	李祐	由舉人任 送改選
成化十年	歐陽讓	由舉人任

弘治元年	陳垣	由舉人任
弘治十年	林紹宗	由舉人任 陞知縣
正德七年	陳黻	由舉人任 陞知縣
嘉靖二年	曾用	由舉人任 陞知縣
嘉靖十年	鄭大崙	由舉人任 任會試
嘉靖十二年	王諫	由訓導中 式陞任
嘉靖十七年	伊伯羔	由訓導 陞任
弘治八年	林克洪	由舉人任
正德五年	鄧兆	由舉人任
正德十年	唐佐	由舉人任
嘉靖十一年	陳斌	由訓導 陞任
嘉靖十九年	劉桂	由舉人任 導陞任
嘉靖二十四年	蘇礪	由舉人任 京武學教授

訓導

洪武初年

車昭

邑人詳詞林傳

未樂元年

朱嗣宗

正統間

王黻

正統十年

李勤

景泰二年

潘遂

天順間

范敏

成化二年

虞孟

洪武元年

丁思賢

宣德五年

許恭

正統六年

桑愔

正統十年

唐旭

天順元年

裴蹈矩

成化元年

林則明

成化四年

陳博文

陳離

成化間

王奎

由監生

黃寧

由舉人

李端

由監生

傅獻策

由舉人任

蘇洪

由監生任

崔復秀

由舉人任

吳蘭

由監生

林秀

由監生任

成化十年

萬訊

由監生

弘治七年

湯顯

由監生

弘治十年

林應芳

由監生

正德五年

徐二悅

由監生任

正德十年

王化

由監生

正德十年

徐偉

由監生任

嘉靖三年

俞廣

由監生

嘉靖十年 余士龍 由監生任

嘉靖十年 王濂 由監生任

嘉靖十二年 錢翊 由監生任

嘉靖二十六年 葛盛挺 由監生任

嘉靖十四年 林廷鳳 由監生任 陞教諭

嘉靖十一年 陳文遂 由監生任

嘉靖十四年 黃珊 由監生任

嘉靖二十七年 潘輔 由監生任

屬司曹吏附左

邑之屬司新市下塘各巡檢一員稅課局大使一員河泊所河泊一員二職今省陰陽學訓術一員醫學訓科一員僧道司僧會道會各一員若六房分曹則戶房添糧科兵房附鋪長各設司吏一名總為司吏八名又分設典吏一十四名承發及架閣各典吏一名通為司典吏二十四名其在屬司者儒學設司吏一名新市下塘二司各司吏一名此外河

泊所稅課局元額各 攢典一名今從裁省

外史氏曰甚哉為令之難也鳴琴于堂見譏不治投巫于河招罪擅殺毀譽亂真上下相隔者久矣是故政維中和治均寬猛積而民愛久而信孚斯政之最者也誠使令克諧此則佐治之職官師之任觀法慕愛宜無不良者矣抑古有言枳棘非鸞鳳所棲嗟乎為政者自期于鸞鳳可也乃若謝鸞鳳而習鴟梟削棠陰而長荆棘可乎哉

嘉靖
德清縣志
卷之五

一
冊
實
五十二

德清縣志卷之五



德清縣誌卷之六



選舉表



成周之時鄉大夫選士之賢能俾升之太學而論之司馬曰進士周衰學廢此制不講漢魏以降舉廉察孝雖粗得鄉舉里選之意要未盡古至隋唐而科舉興於是用人之途斯爲首矣宋之舍法本求合于賓興太學之制然暫行復罷莫覩成績 國朝養士之法旣越乎古而用人之途莫踰於三首進士次鄉

舉次歲貢此外雖別啓進身之階要非正也
 德清自宋祥符以迄于今其登甲科策鄉舉
 膺歲貢者凡得若干人爰次第表之用彰此
 邑人文之盛其援恩例者雖均曰貢然槩以
 歲論亦云濫矣今用總列于左至於薦辟恩
 封皆由
 朝命之顯授不可沒也姑亦表見餘資格匪
 類補授以貲者畧之作選舉表

選舉表上

宋		甲科		國朝鄉舉	
大中祥符八年	沈嚴	詳政事	洪武四年	王軫	初任知縣終員外郎
天禧二年	盧革	詳政事			
皇祐元年	盧秉	詳政事	永樂三年	王彪	仕終淮府長史
	沈伸			王斌	仕終鹽課提舉
皇祐五年	沈振		永樂二年	朱瓚	仕終國子助教
熙寧六年	沈彥明		十一年	趙利	仕終縣丞
	沈特			范仝	
熙寧九年	沈倚			楊輝	

年	乾道八	年	乾道五	年	隆興元	紹興二	紹興二	紹興十	紹興十	紹興八	年	建炎二	
	李沐		沈鑑		丁光遠		沈復		李彥頡		沈介		沈濬
	人別傳						詳傳	詳傳	詳傳		詳傳		

年	弘治五	成化二	十二年			成化十	三年	成化七	年				
	姚僖		沈珪		姚顯		馬景昌		胡瑄		周宏		徐九齡
	中式見	順天府	學教授	仕終府	終知縣	順天府	中式仕	與景昌	見甲榜				與下俊

年	政和八	年	政和五	年	崇寧五	年	崇寧二	年	元祐二	年	元豐八	年	元豐五
	沈琳		姚穀		沈與求		沈純正		沈純道		沈疇		太史章
					詳傳						詳傳		

年	成化元	年	景泰七			景泰四	年	景泰元	年	正統九			
	談俊		徐九思		馮安		張寧		戴騏		戴森		沈福
	見甲榜		與下俊				籍海鹽	與下安	見甲榜		陽教諭	仕終山	安訓導

不... 卷之六

沈作霖	盧宜之	蔣南金	沈葵	施一鳴	姚宜中	郟禮	吳淵	吳潛
年	年	年	年	年	年	年	年	年
弘治八	淳熙八	紹熙元	紹熙四	慶元五	嘉定四	嘉定七	嘉定十	嘉定十
詳政事							狀元詳名臣傳	

蔡中孚	吳江	周寰	陳霆	徐九萬	沈松	邵德夫	蔡玘	蔡乾
年	年	年	年	年	年	年	年	年
弘治八	弘治十	弘治十	弘治十	正德五	正德十	正德十	嘉靖元	嘉靖元
與江並見甲榜	仕終同安知縣	見甲榜	應天府中式	見甲榜	仕至府通判	仕止府同知	應天府中式仕	

朱浩	趙崇階	袁申儒	趙必棣	王伯深	趙崇諫	高貞鑑	趙必達
年	年	年	年	年	年	年	年
嘉定十	寶慶二	紹定二	紹定二	端平二	淳祐元	淳祐元	寶祐元

沈師賢	蔡汝楠	沈棻	沈槃	嵇錕	潘銓	周堦	談嘉猷
年	年	年	年	年	年	年	年
嘉靖七	嘉靖十	嘉靖十	嘉靖十	嘉靖十	嘉靖十	嘉靖二	嘉靖二
終推官	見甲榜					見甲榜	

咸淳元年	沈起巖
咸淳四年	趙良悅
元無考	

嘉靖二十八年 胡友信

國朝

景泰五年	張寧	詳文苑傳六
天順元年	馮安	此下至沈師賢俱詳宦歷傳
成化二年	徐九思	
	談俊	

成化十一年	周宏	
成化十七年	胡瑄	
成化二十三年	馬景昌	
弘治九年	徐九齡	
	蔡中孚	
	吳江	
弘治十五年	陳霆	
正德二年	姚僖	順天府附籍
正德十年	沈松	

嘉靖八年	沈師賢	歷官至
嘉靖十一年	蔡汝楠	南京刑部郎中
嘉靖二十六年	周璞	授徽州府推官

選舉表下

國朝歲貢

宋元貢法洎貢士氏名皆湮沒無考今斷自
 洪武以後次第表章中間開貢則 朝家曠
 蕩之恩選貢則今
 上拔雋之典有膺此者咸箋其下方其有由貢

而登科者亦特拈出用示激勸德清係縣學
 閱二年一貢自其定制固無所更變云

洪武末 樂間	聞良輔	詳政事 傳
	許昇	仕終府 經歷
	彭舉	仕終古 州判官
	章英	仕終蒲 縣知縣
洪熙宣 德間	朱璿	仕終莒 州知州
	金振	仕終趙 城知縣
正統景 泰間	沈永	仕終唐 府伴讀
	俞亨	
	孫聰	仕終夏 縣知縣
	姚容	仕終安 丘主簿
	姚豫	
	徐佚	仕終宜 陽知縣
	沈義	仕終金 鄉知縣
	沈節	仕終典 史
	嚴敬	

楊顯	蔣順	陳慎	卜祥	朱同	馮珺	張忠	胡淵	孫同
仕終全	州知州	仕終斷	縣知縣	仕終衛	知事	仕終衛	仕終衛	仕終衛

沈良	宋安	徐濬	陳良	沈未昌	陳團	趙善	吳文	忻祥
仕終府	推官	仕終府	經歷	仕終長	泰知縣	仕終寧	化縣丞	仕終府

徐九萬	虞良	蔡瑤	徐九鼎	楊埜	許澄	車軒	蔡諤	嵇昇
弘治正德間	見鄉舉	仕終副	理問	仕終衛	經歷	仕終縣	學訓導	仕終縣

錢臣	沈文源	沈鏗	周賓	翁輔	蔡璿	吳美	朱偉
仕終教	寧知縣	仕終泰	仕終府	經歷	仕終縣	學訓導	任司務終

徐來鳳

仕終武清知縣

沈鑾

仕終順昌縣丞

高瑾

沈洪

仕終府通判

徐元禎

談應震

高遂

胡蕙

仕終縣學訓導

虞永華

仕止崇明縣丞

嘉靖間

車輓

邵旭

仕終同安知縣

周良

仕終教諭

蔡願

蔡乾

見鄉舉表

談應憲

仕止恩平知縣

沈

蔡守成

論

施大本

仕止州學訓導

陳夢徵

選貢任知縣

胡芸

任府學訓導

夏景雲

任縣學訓導

沈淇

任縣學訓導

夏雷

任縣學訓導

周琰

徐可久

談宗文

選貢任都事

潘黼

選貢

陳翀

選貢

沈漢

沈淳甫

仕止縣學訓導

謝良佐

任縣學訓導

唐夔

任縣學訓導

沈朝臣

各年例貢附左

通志卷之八

周彝 官 仕終判

蔡英 陳進

沈珙 遥授州判官

蔡大有 沈一鶚

金淮 仕終州吏目

沈一儒 仕終光祿署丞

吳同慶 胡友仁

沈朝元 任縣丞

蔡永祥 蔡汝模

沈瓊 仕終縣丞 丘璿 舒隆 仕終縣丞

胡華 仕終主簿 吳巒

談應成 仕終主簿

蔡希仁 蔡希曾 徐重慶

沈維城 仕終州判官 徐聯奎

全綸 仕止縣丞 徐宗道

談崇志 任主簿 沈三省

沈元載 沈三畏 仕止阿迷州同知

徐子克 徐元吉 徐元瑞

沈賜 沈泰

阮植 吳同憲 沈价

談嘉謨

選舉表餘

薦辟

元至正中

王文 以遺逸徵為崇德州學正

吳貴二 以力學行義徵

洪武元年

楊鞏

以賢良方正舉

恩封

洪武三十二年 聞韶

馮善卿 以子遵道貴封

徐廷模 以子九思貴封

大理寺右少卿

都察院經歷

洪武十三年	王翼	舉孝廉 任通許 縣主簿 陞禮部 主事	任訓導 陞景陵 縣知縣
洪武中	陳廷佐	以賢良 方正舉 仕至桂 林府同 知	
未樂中	馮遵道	以通習 刑名臺	
弘治十一年	談真	京廣西 道御史 以子俊 貴封南	虞衡司 主事繼 又加封 員外郎
弘治九年	徐廷規	以子九 齡貴封	
弘治十年	周倫	以孫宏 貴贈貴	
弘治四年	胡熙	以子瑞 貴贈泰	
弘治十五年	吳美	初任禮 部司務	
	蔡繩	襲職千 戶繼以	
	周鼎	以子宏 貴加封	

正統七年	楊傑	院經歷 侍郎周 忱辟為	薦授 察院 事陞本 院經歷
正德十四年	吳山	國子監 典簿 以醫學 訓科入	太醫院 供事授 本院御 醫
弘治十五年	吳美	初任禮 部司務	
弘治四年	胡熙	以子瑞 貴贈泰	
	蔡繩	襲職千 戶繼以	

弘治十八年 陳和

嘉靖六年 蔣顯

蔣鑿

嘉靖十四年 沈觀

嘉靖十五年 邵鋼

嘉靖十六年 沈湍

貴加封

宣武將軍

以子霆

科給事

中

以孫瑤

貴贈都

察院右

副都御

史

初出壻

于歸安

姚氏因

附籍焉

正德間

以子瑤

貴封贈

察御史

累贈不

都察院

右副都

御史

以子師

賢貴封

工部員

外郎

以子德

夫貴封

崇安縣

知縣

以子一

儒貴贈

光祿寺

署丞

武職襲

蔡希賢

以祖繩

千戶例

陞署指

揮命事

子慈恩

襲替今

守禦湖

州

外史氏曰自唐宋迄今官使得人進士維最雖然
大魁天下者或甘心事虜旅游太學者乃直聲動
闕久矣哉科目之無係於名世也故曰女無妍媸
貞幹則稱木非鉅之材適用則良有豪傑者

階品格莫可拘矣然則用人之偏重奚獨咎君於
哉

德清縣誌卷之七

治行傳

古今
蒞治

傳治行覲爲政者之興治也三載考績著自
虞典三年有成揭諸聖經爲政者歷考省成
吏治有不臧者鮮矣故在史有循良之傳在
民有去後之思其在郡邑甚美曰名宦少差
曰政績非是而覲焉濫列則清議公言槩不
相與固秉筆者當慎也德清古今之美任者
自孔愉而下凡得十二人又於其次凡得九

人皆政行可書用次第為傳其自陶尹而後
若今憲使九儀豸史櫛僉憲養性皆交政相
繼其廉公慎濟無亞於陶第其秩業方日隆
而定論宜有待是用闕之作治行傳

名宦

孔愉字敬康其先世居梁國漢末避地會稽因家焉愉年十三而孤養祖母以孝聞晉氏平吳愉入新安山中建興初始出應召為丞相掾時年已五十以討華軼功封餘不亭侯初愉嘗隱邑之吳憾山行見籠龜于路者買放溪中龜於中流左顧而逝及是鑄侯印其龜紐作左顧狀愉悟而佩焉後為吳興太守遷入常蘇峻反愉朝服守太廟峻平溫嶠執其手流涕嘆其有守尋轉尚書左僕

射上言奸吏擅威暴人肆虐為王導所銜累乞骸骨出為會稽內史乃即山墟營草屋棄官居之咸康八年卒贈車騎將軍開府儀同三司謚曰正孔廟碑

慶澄唐廣德元年仕為吳興郡左衛兵曹參軍時巨盜袁晁陷浙右德清人沈皓等聚亡命處之二年刺史獨孤問及遣將軍辛敬順築寨拒澄久之皓降以澄兼德清武康二縣令澄於瓦礫棘之場創為室宇築城開墜伐木通徑入虎豹穴織蓬編箬為棟宇之制仍散文牒召逋亡者還業未滿歲邑復其舊暮年繁庶殆過半焉一統志

孫載字積中其先世嘗仕吳越因家于崑山縣宋治平三年擢進士第初為河中府戶曹以薦

為中書檢正官載務欲匡正之不肯苟合遷知德清縣聽斷精明不專任刑罰開說是非出於至誠訟有累年不決者聞載一言即感悟舍去熙寧八年吳越饑獨所治熟載論富室倍糶至明年平其

價出糶賴以全活者至不可數計德清人德之仕
 終朝請大夫知亳州提舉洞霄宮致仕卒中吳紀聞
王毅 山東人宋政和二年來知縣事昭恤民隱留
 豫大悅人主意用是括責茶租甚急初山間產茶
 最盛毅令民盡伐去有不信者委曲諭曰茶株可
 復栽若租額一立則未為子孫害矣其後德清茶
 租果在最輕等金鷲山下有蕩產藕甚佳司漕者
 取貢頗為民病毅至應貢不缺但所獻者一不封
 裹迨至京色味俱變不稱上供遂不復取邑中免
 擾焉其智以保民類如此
 宋世祠于乾元寺餘不志

趙嶠 字景東浙之三衢人清獻抃之猶子末宣和
 一時邑橋曰天寶者即今阜安橋也唐末盜熾
 人病涉嶠架為木橋中搆大亭榜曰餘不於是邑
 之氣勢仍續庚子冬青溪盜起郡邑殘破他令有
 望風而遁者嶠獨發倉廩集寔健團保甲賊或犯

境嶠邀擊之擒其酋二人獲醜徒二百餘斬首
 百奪其器械以千計邑賴以全旣去邑人德之
 生祠焉
 餘不志

李芾 字叔章宋之衡州人少能自立初以蔭補南

撫司幕官提卒千餘人獲賊魁蔣時選父子以歸

攝湘潭縣不避貴勢賦役大均差知德清縣屬

西饑置民為保伍賑活者數萬時邑有妖人扇

附者至數萬芾討之盜皆散歸屢遷至浙東

刑移知浙西所至有嘉績咸淳元年入知臨安

忤賈偁道罷之起為湖南提刑偁道兵潰蕪湖上
 流事急乃改知潭州兼安撫使德祐元年八月元
 以大兵壁其城下芾慷慨登陴與諸將分守拒戰
 四閱月死傷相藉人猶飲血死戰是歲除夕兵盡
 力屈元兵登城芾知不可為還坐熊湘閣召帳下
 沈忠遺之金曰吾家人亦不可辱於俘汝盡殺之
 而後殺我忠泣而諾乃飲其家人盡醉徧刃之最

後帝引頸受刃忠遂縱火焚其居還殺其妻子仍自刎死事聞贈帝端明殿大學士謚忠節廟祀于潭

宋史傳

曹宗輔

元文宗朝人至順中為德清縣尹居官不事刑辟有所懲戒惟修其禁令揭之邑門人自避而不犯論民以誠愛民若子在任閱數載仁惠之澤入于民心既去邑人惜之為立去思碑于麗譙之前今世變歲久碑失所在

仇治

元李德清尹時前政紕謬邑無善狀治至首清獄訟幽枉畢達囹圄一空冗濫之弊入手悉革廉慎自持凡歷任訖解無敢私謁者門庭上下肅然起憚頗有包孝肅之風焉 俱畧見一統志

陳景隆

字茂之成化中進士釋褐初知武康縣不當要衝景隆調度區畫公私上下周給寧安稱材吏焉謚既通敏加以持慎坦懷待物用是在官者

胥用兵恢復所在有科調獨縣以不擾辦去之日民攀舟而送數十里不捨

劉敏

字孟功 國朝末樂中知德清縣勸民耕植教以禮義至今稱賢令焉尤善詞翰後為中書舍人

王敬

正統六年來知縣事為性醇厚行已謹飭在任踰九年訖以寡過徙廟學初譙樓凡大更置皆出其手胥盜出身者今不多見也

王璿

景泰二年蒞任時繼王敬之後以平恕為政民甚親之二政蓋相伯仲而謹厚之稱少亞於敬學之徒建歷景泰初尚未大備璿至鑿泮池駕橋道於成終頗有力焉

師賓

天順六年以胥監釋褐是歲來任為政通敏凡歷九載訟平事理擅有勤能之譽每公餘吏散則坐梅花堂鳴琴自適或夜分不休其向慕古雅如此

洪溥

成化中以舉人出身九年授知德清縣立心謹厚敷政平恕甚得牧民之體惜甫考即更

去為惠不終云

吳高

成化二年為德清縣丞勤敏幹濟在任五年訖無廢事上官稱其能常獎勞之

張允惠

正德十二年以監生來主德清簿時知縣事者多懵允惠每相導之上官有所委任

在任甘清約務勤慎歷官六年乞休致以歸民聯舟遮送有

泣下者

王樞

天順三年來為德清縣學教諭嚴條約以率士類九載之內若一日然時諸生多宿號者

樞至乙夜從以一齋僕炬而循行遇有誦讀者為稽其章程觀書者為析其經旨時或勞以茗果之類如是者三五日一行焉諸生感奮學多成者秩滿遷國子監助教

外史氏曰成周教養之法廢而後世用人之途別

降而今日嘻又甚矣蓋通階顯秩多待科舉佐員

幕屬多處賓賓其品第既分而輕重隨異於是士

之本無所養者始不自愛其身甘於犯先王之典

欲世之比隆往古不其難歟今世郡邑之誌多列

名宦政績之目意以俾後政者覽而興慕然則二

傳之有作吾以輔用人者之不及可也自今言之

使繼是而屢書吾邑幸矣使繼是而斲筆如吾邑

何於戲為政者觀此可猛省矣

德清縣誌卷之七

德清縣誌卷之八

人物傳

古今
產寓

天地間靈而爲人於靈之中蘊道蓄德師表
二世者謂之儒行匡時格君社稷倚重者謂
之名臣封侯賜爵勲業夙著者謂之勲績展
才紆策弘濟事功者謂之政事直己守道風
節不撓則曰端鯁徇國急義志存本朝則曰
忠節事親從兄愛隆天性則曰孝義折衝禦
侮宣揚國威則曰武功飫經史探道涯是爲

文苑擅才華漱芳潤是爲詞林表鄉邦淑後
賢是爲鄉望崇素尚外聲利是爲高致身名
並芳隨土而安曰寓賢也致身仕籍敷歷中
外曰宦歷也棲息丘樊遯世無悶曰隱逸也
女德婦節式是閨箔曰列女也曲藝小道時
適世用曰方技也總而名之曰人物邑之備
是則昔賢所謂一國之士然天下之士亦槩
乎其間矣吳興山水清淑名賢之出代不乏
數德清介龜溪之上兩山相挹溪流如帶清
淑之氣實擅于斯當天晉宋以來名公鉅夫
項背相接至于 國朝鍾毓益深長發益盛
傳有之嵩嶽降神眉山生蘇以今準昔斯明
驗也矣作人物傳

儒行

邑自唐而前故隸武康郡志所載三十二沈
皆目爲武康人按沈戎之生世也嘗與姚恢
爭柯田之居後爲麟士之沈麟士故居在今
吳羗山之陽沈約自叙其祖延始居縣東之
餘烏村今烏山也自延而上其源遙出於戎
沈慶之故宅在今敢村子孫捨以爲寺麟士
自述祖德謂金鷲鄉之沈皆出於戎用是言
之武康志所載沈戎以下諸沈皆德清人也

然則詮序之次誠不得讓美于武康也矣

沈麟士

字雲禎幼而俊敏及長博通經史織簾誦書口手不絕嘗為人作竹器誤傷手便流

淚或曰此何足損答曰遺體毀傷感而悲耳鄰人有誤認其所着履麟士曰是卿履耶脫而與之既得履送還麟士曰非卿履耶一笑而受宋元嘉末縣以學士應詔不得已至都何尚之謂人曰山藪故多奇士沈麟士黃叔度之流也未幾歸山講經教授從學者常數十百人時為之語曰吳羗山中汲水并日而食年過八十手抄故所燬亡書復成二三千卷著述凡數十卷梁天監中卒年八十五遺令以三幅布裝屍既殯不復立靈位即瘞墳不須聚上俾與地平莫之法清

沈文阿

字國衛父峻幼好學事宗人沈麟士晝夜自課遂博通五經為國子助教兼五經博

士文阿少習父業通三禮三傳采先儒異同自義疏梁簡文引為東宮學士入為國子博士大清之亂臺閣故事舉無存者一時撰作多俾文阿裁定及陳武帝受禪文阿棄官還武康帝大怒遣使誅之時沈恪為郡請使緩其死即鎖縛致上前上視而笑曰腐儒何為者乃赦之所撰義疏八十餘卷

名臣

或曰沈慶之之勲業沈簡肅之風節游清獻格君之論吳少師濟時之畧斯皆前代之名臣也子獨列之別類何歟應之曰慶之偉矣然起家戎行則經綸要非所長簡肅賢矣考之宋史不為立傳則始終要為難知清獻蜀人也雖相業可稱然非斯士之名臣日以匡賢可矣少師材畧濟世惜其好與羅織之獄此江湖紀聞之所以有戒也蓋君子之與人

為善也誘乎今則貴於寬論乎古則貴於嚴
嗚呼觀乎此則知予於參臣之不能濫列有

由然者矣

沈與求

字必先宋政和五年進士官殿中侍御史

高宗在會稽與求以為宜進都建康以圖
恢復范宗尹年少為相恐誤國事上不悅出知台
州再除侍御史值軍儲窘之與求取古今屯田利
害為集議上之嘗謂人曰近世人才皆視宰相出
處為進退今當別其邪正豈可謂一時所用皆不
賢哉人服其公遷御史中丞請詔大臣修兵政
劉光世以方物為獻與求奏論上命斥深之內侍
馮益擅穿皇城便門與求請治其專恣謀報劉豫
造舟請均收水手以備緩急轉運副使徐康國進
宣和間金鎖金屏障什物與求乞焚之報可與
求知無不言上時有所訓救每曰汝不識沈中丞
邪出為荆湖南路安撫使四年除參知政事金人
將入寇上諭輔臣當親總六軍與求贊之因奏敵

入往來淮甸當遣岳飛自上流擊之五年權知樞
密院事時張浚視師有言以其所區畫送尚書省
與求不能平曰三省樞密院乃奉行行府文書邪
六年浚復視師不告之同列與求歎曰此大事也
吾不與聞何以居位遂丐罷七年召除
同知樞密院事未幾遷知樞密院以卒

李彥穎

字秀叔少端重強記宋紹興中擢進士用

薦者為御史臺主簿金人敗盪右正言尹
穡頌言和議之便上惑之罷張浚督府穡以和戰
守扣彥穎彥穎曰人所見固不同公既以和為是
曷不明陳於上前穡大怒自是為所排改國子博
士權吏部郎中擢右史兼兵部侍郎張栻進講因
及時事語激切上不懌彥穎曰栻所以敢直言正
為聖明在上得盡愛君之誠耳上意解張說再登
樞斡彥穎論說無寸長人心不服未幾陞詹事權
吏部尚書月食淫雨上言此來欺蔽成風陰沴由
此又言今斥逐臣下命由中出恐非盛世事接送
金使還上言兩淮兵備及裁減接送浮費上嘉納

焉明年參知政事金使至上欲稍變受書禮時左
司諫湯邦彥自詭止節遂以為中議使泊其辱命
還彥穎論貶新州彥穎在東府中官取旨發左藏
封椿諸錢動億萬計彥穎言虞允文建此庫以備
邊故曰封椿陛下苟以無妄費失初意矣上矍然
曰卿言是自是絕不支病羸力辭出知紹興府進
觀文殿大學士致仕家居
十載卒贈少保謚忠文

吳潛

字毅夫號履齋其先官州人占籍于新市鎮
登進士第一前後積官勞勩甚著淳祐七年

同簽書樞密院事至十一年與謝方叔同相未幾
罷開慶元年復相收召善類是時國博徐庚金等
上書乞斬丁大全之黨大賊上時外迫邊警內蔽
六賊宜論潛不當汲引庚金等潛抗疏畧云外庭
紛紛蓋為社稷陛下若以正人不當收召則是君
子不足恃六經不足信而孔孟之道可廢萬一宗
社傾搖恐後世書之曰亡國自臣潛作相始上為
欽容又言鄂渚被兵湖南搖動由近年姦臣儉士

迷國誤上稔成兵禍奸黨盤據以致危亂時議遷
都四明潛見上而陳會皇后亦請留蹕上乃止潛

為人豪邁不肯附權要不悅者衆時議立忠王裨
為太子潛密奏云臣無彌遠之才忠王無陛下之
福上於是積怒先是賈偁道奏請下流兵權上以
問潛潛奏鄂以上既屬偁道鄂以下宜屬趙葵節
制及元人聚重兵于鄂江西大震潛移似道於黃
州實北騎之衝偁道頓足曰此吳潛欲殺我也還
朝風言官論其建儲之際心懷顧望乃編置循州
偁道使劉宗申為守令甘心於潛潛鑿井作臥榻
于上劉不能毒開宴不赴再宴亦卻數日宗申移
庖就飲遂遇毒潛之將歿也預謂人曰吾將逝矣
夜必風雷大作已而果然作詩端坐而逝德祐元
年追復元官明年特贈少師返葬縣禮辰門外之
張家山

勲績

沈戎

字威卿東漢初為光祿勳以九路從事說降

而避地于烏程縣之餘不鄉遂家焉後封述善侯

沈皆其所出也

沈慶之

字弘先晉末孫恩寇武康慶之隨鄉族擊

濟陰太守慶之好着狐帽蠻每見輒懼曰蒼頭公

來矣前後破降甚眾文帝將北伐慶之諫曰道濟

再行無功彥之失利而返今料王玄謨等未踰兩

將恐辱王師帝使江湛徐湛之難之慶之曰為國

警如治家耕當問奴織當訪婢今欲伐國而與白

面書生輩謀之事何由濟上大笑後乞致仕加太

尉就第畜妓妾十數人並美容工藝盡意愉樂嘗

侍上飲逼令作詩慶之目不知書即席口占辭意

並美上甚悅慶之嘗行園田無人從行遇之者不

知其三公也及廢帝賜三望車謂人曰我每游田

園有人時與馬戲三人乘此車安所之

欲起慶之使何尚之往諭慶之笑曰沈公不劫

公往而復返後以國難勉復出廢帝忌

之藥之死明帝即位追贈司空謚曰襄

政事

沈傅師

唐貞元十九年進士及第二十年登制科

缺承旨穆宗欲用傅師召之命詞終不出俄出為

湖南觀察使徙宣州聽斷明察吏不敢罔入為吏

部侍郎卒傅師性夷無競更二鎮無書入權貴門

治家閨門率化按武康之沈至唐有既濟者實生

傅師武康當既濟時析為德清久矣故今德清鄉

賢之祀首列傅師唐史乃叙作蘇人或者沈氏中

沈嚴

字叔寬幼負器識善屬文宋祥符八年省試

登第四名廷試在甲科時議興山澤之利舉

嚴監武寧縣茶場兼領本邑公事吏服其廉民懷其惠稱良吏焉及卒貧不能塋太守滕元發為塋於縣之永和鄉范希文誌其墓

盧革

字仲辛縣之永寧鄉人宋仁宗時舉童子知

後二年首選至登第年才十六慶曆中知夔州時蠻入寇革經畫軍需先事而集嘗謂嶺外小郡無城池甲兵之備將為賊困宜併省之後儂智高來寇九郡不守皆如革慮知發泉二州提點廣東刑獄福建湖南轉運使復請外神宗謂宰相曰革廉退如是宜與嘉郡遂知宣州未幾以光祿卿致仕哲宗即位進通議大夫退居于吳卒年八十二

盧秉

革子字仲甫未冠有雋譽嘗謁蔣堂堂曰亭沼粗適恨林木未就爾秉曰亭沼如置位時來或有之林木非培植弗成大侶士大夫立名節也堂賞其言宋皇祐初中進士孚甚州縣者二十

年王安石得其詩識其靜退舉充條例司官使淮浙治鹽法奏為定制提點淮浙刑獄額提鹽事進制置發運副使東南饑秉請但償糴本以其餘賑贍又請罷獻羨餘獨以七十萬緡償三司改知渭州進寶文閣待制夏酉舉國入寇秉治兵分駐靜邊砦指夏人來路曰吾遲明坐待捷報矣及明夏人至見宋師驚曰天降也師因縱擊之皆潰而奔或言其酋死物色之信然詔褒賜服馬金幣以父老乞歸省既行復詔還渭元祐中知荆南劉安世論之降提舉洞霄宮以卒

沈瑄

字汝律少入上庠通春秋宣和間任兩浙漕

奉使至燕雲金虜入寇郭藥師叛降瑄為藥師所執臨以刀刃不動虜遣同李鄴赴闕議和瑄首陳虛實乞召兵會河北邀擊不聽乃著所見為書以摠忠憤李綱薦除淮西帥不赴自號柯田山人終焉

盧知原

字行之以父任知歙縣畧遷梓州路轉運

二十餘里王黼當國費出無藝知原疏言之黼怒

罷去久之起提點京東刑獄改江西轉運副使徽

宗賞其在蜀之功賜三品服先是綱運稽阻知原

悉意經理尋為江淮荆浙等路發運使改提舉河

北高宗即位知温州繕甲料兵增城浚隍帝東幸

知原繇海道轉粟及金縉十餘萬召見稱獎擢管

內安撫使召為兩浙轉運使改徽猷

閣待制知臨安府紹興十一年卒

盧法原字立之自知縣積官太府少卿使遼還遷

書功過殿最開卷瞭然吏不能欺紹興元年張浚

承制表知夔州尋為川陝宣撫副使金人攻關輔

法原戒諸將堅壁未幾河東經制使王燮以乏食

班師法原納之與同破史斌方叛兵欲窺蜀法原

極意拊循嚴為備禦人心稍安視山川險阻分地

置將前後屢捷會兀朮攻關為吳玠所敗法原與

玠不睦玠因訟其緩師等罪上直之憂志以卒

沈介字德和瑋之從子年十八登進士又中博學

知平江府召歸上疏論虜人必為患語甚剴切明

沈詵

字宜之以大父與求陰補京秩鎖廳賜出身

紹熙初光宗嗣位歷官左右司直轉運兩浙

本路舊無試闈詵於抱城北隅列屋三百楹歲歲

官錢甚夥奏蠲德清稅務錢二萬四千緡初至

額才十八萬緡去之日至六十餘萬進太府卿

所居堂曰歸來開禧中謁告家居已十年矣召

吳淵

字道夫號退庵嘉定七年舉進士調建德縣主簿丞相史彌遠留語竟日謂曰君國器也

改差浙東制置司幹辦公事端平初政府欲用兵以據關守河為說淵謂國家縱能取之決不能守

丞相鄭清之不樂出知江州差知鎮江府權工部侍郎進權戶兵二部侍郎未幾復差知鎮江府繼

以寶章閣直學士知太平州尋兼江東轉運使時兩淮民流徙入境者四十餘萬淵亟加調慰知隆

興府歲大侵講行荒政全活七八十萬人改知鎮江歲亦大侵全活如隆興時為沿江制置副使知

平江府兼浙西兩淮發運使歲侵全活人如鎮江

知建康府朝廷付以光豐蘄黃之事凡初大小若

二十二所詔以淵興利除害與執政恩例徒知福

州改知平江府三轉至京湖安撫制置大使總領

錢糧軍馬寶祐五年以功拜叅知政事越

三日卒贈少師淵有材畧然政尚嚴猛故時有

止之謠宗潛數諫止之不盡從也

聞良輔 洪武中由監生擢監察御史遷大理寺少卿

命往諭宣揚 朝廷德威諸番悚伏使回擢廣東

按察使能稱翕然久之得告過家上冢繼以疾卒

其聲績著大明一統志

端鯁

沈懷文 字思明少為楚昭王二妃詩見稱於世宋

咸令沉醉嘲謔懷文素不飲又不好戲上謂其故欲立異出為廣陵太守謝莊戒之曰卿每與人異亦何可久懷文曰吾少如此豈可一朝而變後免官欲東還帝怒賜死子淡深累遷御史中丞父子再世司直晉宋未有也

沈疇

字德侔宋元祐三年進士擢監察御史上言花石擾民土木弊國冗費多恩澤濫議論異

同下情。朕隔最為割切。進殿中侍御史。嘗經國子監門。有內侍從。數騎突過。傲諸司捕之。不獲。時曰：風憲之地。可但已乎。入言之。帝為跡治。抵罪。蔡京興錢獄。欲置章。繼遣開封尹及御史。鞠之死者甚重。帝意其非辜。遣畸及御史蕭服往代。畸即日釋無佐証者七百人。莫曰：為天子耳目。可傳會權要殺人。以苟富貴乎。遂平反。以聞。京大怒。貶監信州酒稅。未幾卒。既而有詔復羈管明州使者。至家將發棺。驗實子濬泣訴乃止。

沈復 字得之。宋紹興中登進士。乾道中為太常主簿。賜對論古昔公卿出為將帥。伊尹視師。周公專征。周宣外攘。所任者方叔仲山甫之輩。自餘若漢之諸葛。晉之杜預。唐之李文饒。皆居然有儒者之風。然身歷戎陣。初不自鄙。今士大夫不知兵。緩急孰可任者。上悅。除宗正丞。後歷工部侍郎。改戶部。未幾遷。回知院事。張說時在府。同列咸媚承之。復獨巖然中立。一揖之外。無他言。出知荆南四

川鎮。江福州所至。風聲聳然。卒謚簡齋。

聲聳然卒謚簡齋

忠節

沈勁 字世堅。少有志節。哀父克死于非義。志欲雪耻。以刑家不得仕。郡將王胡之深異之。及將

鎮洛陽。表勁清操。著于鄉邦。貞固足以幹事。勁父克昔雖得罪。然累蒙曠蕩。謂宜矜容。詔聽之。升平中。慕容恪侵逼山陵。勁自表求効。乃令勁自募壯士得千餘人。以助擊賊。會主將率眾而東。留勁以五百人守城。勁志欲致命。欣獲死所。尋為恪攻陷。被執。竟不為屈。遂遇害。朝廷聞而嘉之。贈東陽太守。

沈攸之

字仲達。慶之從父子也。宋元嘉中魏軍南侵。攸之詣領軍劉遵考求補隊主。遵考以形陋不許。乃隨慶之征討。授南中郎將。繼以南賊叛。召為寧朔將軍。與江方興等大破賊於赭圻。又

破劉胡於濃湖袁顛奔走進中領軍攸之在御坐
顛謂遵考曰形隨之人今定何如帝知其故大笑
蕭道成謀移宋祚少帝見弒攸之奮然曰吾寧爲
王凌死不作賈克生因與道成書云少帝昏狂宜
別立賢者柰何行弒足下既有賊宋之心吾敢捐
包胥之節依之有素書十數行韜兩儻角云是明
帝與已約誓即舉兵妾崔氏等諫止攸之指兩儻
角示之攻郢城屢爲柳世隆所破衆散不可制時
江陵已爲張敬兒所據攸之至
華容之鱸頭林於櫟林自經死

游汶

字魯望宋丞相偁之孫咸淳中歷江西江東
福建提點刑獄賈偁道當國時事大非汶與

論世事至於流涕德祐丙子元兵下江南幼主北
觀汶遂抗節不仕召爲福州總管堅辭不就所衣
一布袍書其背曰前宋遺民大元百姓不問燕居
叙會晴雨寒暑未嘗脫解論者謂當與鄭所南等
同傳卒瘞于其祖
所營段山之場

徐俊

字英文少有節槩以明經爲國子生宋咸淳
中廣時宰之誤國率六館諸生葉李等抗疏

乞斬賈似道躡三上不報繼爲提舉迨宋亡遁于
林野志不再仕元至元中累召不起言及宋故輒
泫然流涕困而老死
門人謚曰安節先生

孝義

沈文叔

慶之長子也宋廢帝惡慶之拂諫遣藥賜
死文叔時位侍中謂其弟文季曰我能從

死爾能報文季揮刀馳馬去文叔猶父飲藥而卒
文叔之子昭明聞父死曰何忍獨生亦自經死至
齊廢帝時昭明弟昭畧爲侍中帝忌之召至華林
園賜以藥酒昭畧既死遣兵至家弟昭光不忍舍
母握手悲泣遂見殺時昭明子曇亮已逸去聞昭
光死乃曰家門屠滅獨生何爲亦扼吭死時嘆其
累世
孝義

沈氏子

失其名縣之金鷲鄉人也宋世居荷壘家貧養母素以孝聞母病亟苦乏醫藥乃禱諸神明割心肉一瓣為糜以進母病竟愈知縣章承議為之嘉嘆特改其里曰慈孝示旌異焉

武功

沈田子

字敬光從宋武帝剋京城進平建業封營道侯義熙十二年武帝北伐田子與順陽太守傅弘之各領別軍從武關入長安姚泓既降武帝舉酒賜田子曰咸陽之平卿之功也乃授咸陽始平二郡太守及師旋留與王鎮惡鎮關中二人爭功成隙十四年赫連勃勃遣兵向長安鎮惡與田子出禦田子矯殺鎮惡長史王修執田子殺之

沈林子

字敬士田子弟也宋武帝每征討林子輒持絳居前帝伐姚泓自武關入慮衆寡不敵遣林子率步兵自秦嶺以相接應兄弟並進關中震響豪傑請附帝以林子膽畧出人頗賜書褒

美及踐祚以佐命功臣漢壽縣伯末初三年卒贈征虜將軍

沈恪

字子恭深沉有幹初除中兵參軍會侯景圍梁臺城起土山為攻逼計城中亦作土山應之恪晝夜拒戰以功封東興侯陳武帝踐祚恪入朝帝令恪勒兵衛梁敬帝如別宮恪排闥見武帝叩頭謝曰恪經事蕭氏今不忍見此死不敢奉詔武帝嘉其意不復強宣帝即位除都督廣州恪緩懷安輯嶺表底寧遷護國將軍加特進金紫光祿大夫以卒

文苑

林靜

字子山號愚齋三世讀書知文靜俊爽異常窮經史百氏造詣益深外之玄詮秘典悉授其芳潤金華黃潛宋景濂嘗與之游處所著詩文景濂多為之序

張寧

字靖之其先縣人也父某謫戍海鹽寧遂為海鹽人天資俊爽開學弘博景泰甲戌奉廷

對諸公期其首選既而以迫賤卷不終遂在第二甲歷官都給事中大廷議事必問張給事中云何

英廟復辟論諫彈劾一不顧避嘗使朝鮮其國之君臣謂為中朝第一

上甚眷之會宮車晏駕弗果大用成化初被出為汀州知府未幾月即引疾歸巡按御史劉珂張敷連奏起之皆以疾辭蕭然物外若將終身弘治中以疾卒寧於文章自期于古之人人品既高書畫亦在逸等東南大夫士寧蓋冠冕焉

詞林

方淑

字智善本汴人十九登進士宋紹興初為丞

德行在累遷翰林學士時秦檜當國訪以時事淑直言無諱大忤檜意因之罷歸叔洞虎音律嘗著

切字一卷其居里常與中書王舍人洋劉給事止徜徉慈相等山寺中唱酬往返以文墨相嬉

又有鄒櫛者官將作主簿亦以詩章得名數人者昔人列之鄉賢中將必有可重者

車昭

字叔明少有至行不事生產作業性嗜書結樓置書數千百卷檢閱其中無間寒暑

武十五年本縣辟為儒學訓導昭以能詩名擅場古選所著今多失傳

鄉望

沈當

字退夫宋仁宗世舉進士賜同三禮出身歷官國子監丞英宗踐祚改大理寺丞賜緋衣

銀魚二子佑仲俱舉進士初邑有孔子廟不治當出家賞以為眾倡徙建于縣之巽隅獎勵學者相

與講明聖學鄉人化之當父子衣冠之盛侈然為一鄉之望其卒也秘閣校理錢藻為誌其墓

高致

沈儀

幼有志行九歲而父亡兄瑜時亦十歲相與居喪毀瘠外無益孝章撫慰之曰汝兄弟黃

中通爽終成奇器何遠踰制自取滅性耶後瑜早卒儀長而篤學習有雜才屬漢末海內大亂儀守

道晦默素志不移州郡禮請二府交辟公車垂召並不屈一時推重調與徐樾管幼安同風云

沈警

字世明素有行誼通左氏春秋東晉之世後將軍謝安辟為參軍謝病歸安固留不可乃

喟然曰沈參軍卿有獨善之志不亦高乎王恭鎮京口復欲引為參軍手書招致詞甚懇篤不得已

而應之尋復謝去

寓賢

吳興山水清遠為昔人愛樂也久矣德清在宋距行都密邇內足於魚稻蓮蒲之利而外

無兵戈寇盜之虞當是時名賢來游冠蓋萃止前志載寓止及附土之士總六十有七不

能並錄爰自何彥猷而下凡得六人皆宋史有傳故列為寓賢內若薛昂之附蔡京張說

之為佞幸張巖之黨佞貴者傾邪無耻徒足為山川鄉邑之羞則直黜之斯固史氏筆削

之恒例也

何彥猷字叔遠博州高唐人資性明達練習典章通易數宋紹興初為大理丞秦檜下岳飛

于獄誣以叛逆廷尉以下莫敢辨自彥猷獨言其非辜宜從輕貸於是言者論其異議即日罷黜彥

猷素貧狼狽去國寓居餘不溪上幾不能存久之得為高郵軍使通判豫章郡至奉議郎以卒秦檜

死高宗親總萬機朋奸盡斥登幽訪遂時彥猷已去世矣孝宗即位追贈二階特命其子伯臨為徽

州文學皆異恩也

劉一止

字行簡湖之歸安縣人宋南渡後官給事中嘗寓縣之慈相寺後徙乾元寺有侶賢

異恩也

堂之扁為竹製名隨寓而揭寺中舊有其祠堂今廢久矣詳宋史本傳

韓元吉

字無咎宋南渡後官至尚書嘗寓縣之慈相寺邑中山水登覽之餘每多吟作東萊

林精舍今寺中有東萊書院存當時之故蹟也

吳柔勝

字勝之宣州人也幼聽其父講伊洛書已

登進士歷官至秘閣修撰寓居于邑之新市鎮後子孫家焉二子淵潛皆宋季名臣賢行之詳具宋

史本傳

劉光祖

字德修蜀人第進士宋紹興中為殿中侍

而實未覩朋黨之分逮臣復來則朋黨已成而忠諫者獲罪矣陛下於一歲之內斥逐紛紛往往推忠之言謂為沽名之舉至於潔身以退亦曰憤懣而然欲激怒於至尊必加以訕訐臣欲熄將來

之禍故不憚反復以陳伏幾聖心豁然未為皇極之主使是非由此而定邪正出此而別公論由此

而明私意由此而熄道學之譏由此而消朋黨之迹由此而泯則生靈之幸社稷之福也帝下其章

謂學者明聖人之道以修其身而世方以道為偽以學為棄物好惡出於一時是非定於萬世張金

劾其佐逆蓄憤放棄房州嘉泰二年復職自便歷官顯謨閣學士寓居于新市鎮子孫

家焉鎮中呼曰川劉府卒謚文節

游信

字景仁蜀之南充人宋季由進士歷官知樞

正大上問唐太宗貞觀治效之速對以人主一念之烈足以旋乾轉坤及親儒從諫敬畏檢身等語

上嘉納之累章乞歸上慰留之歷階廣平郡公右丞相兼樞密使七年致仕倡初喜吳興山水嘗寓

居于邑之新市鎮至是遂占籍焉卒謚清獻

宦歷

本朝甲科內沈清以占籍附

馮安

字汝止縣之末寧鄉人未寧鄉守以疾卒于官

談俊

字時英成化五年選授南京廣西道御史久之擢僉闈憲浦城有礦賊為民害設法弭之

所部一疑獄俊為終夕求其情卒平反焉丁內艱還同知於俊為同年以白金致賻卻不受再轉

至江西按察副使兵備贛州更四川弘治乙丑謝歸於後圃構亭風味終日積書教子孫繼有興者

遇正德初恩例進階三品年八十而卒

徐九思

字一脚號一齋以詩經賦浙闈明年登第授工部主事陞員外郎遷郎中歷官踰十

五年超拜南京右通政言者論其陞遷之驟因之罷歸比發行李蕭然圖書掩篋而已迨里居食貧

守約與州縣若不聞詩文不失矩度年八十二疾卒

周宏

字懋德縣之慈孝里人早歲登第筮仕工部主事至正德中歷官應天府尹明年陟南京

工部右侍郎孝陵畢工欽賜表禮六年冬引疾自陳詔致仕歸里已而病卒

胡瑄

字廷器晚號木山居士成化中授官山東泰安州知州再考以巡撫奏舉詔特進階地

封其所自銓曹請簡僉按察司事不果秩滿遷岳州府同知考績之京途次疾卒瑄喜吟咏知屬文

一時流輩中亦才雋者

徐九齡

字壽卿成化末授官禮部祠祭司主事弘治中丁外艱歸三年免喪不復謁銓竟以

老疾致仕正德初遇例階五品嘉靖二年病卒

馬景昌

字廷言弘治初授官大理寺評事在官聲譽甫著忽患奇疾謁告歸已而竟卒

沈清

字廉夫號一齋本歸安縣人罷官後卜居于新市鎮遂占籍德清其先世謫戍撫寧至清

身編戎伍然能業習經史中順天府鄉試明年登進士歷官至江西按察僉事卒葬湖城南金蓋山之先隴

蔡中孚

字信之號王泉弘治中選授福建道監察御史十八年出按四川還朝值父喪解官

正德初起復御史推入本科參詳臺務無幾擢大理寺右寺丞時山西王府弗靖奉命蒞勘竣事

還奏轉左寺丞五年以事左遷寶慶府同知越三年轉貴州按察司僉事已而報罷正德庚辰疾卒

吳江

字從岷號與齋弘治中策仕刑部主事遷員外郎再考俱稱勉封所自如其官正德初

擢江西按察僉事外艱服陽改命兼督河北巡捕尋遷山東布政司左參議陞山西按察副使轉河南布政司右參政

撫治南陽正德十六年罷歸至嘉靖中疾卒

陳霆

字聲伯弘治末任刑科給事中正德二年劉瑾據其罪下錦衣衛獄杖三十棍貶為六安

州判官列之

勅諭目為朋黨四年冬移

有詔被瑋誣陷者不次用不為刑罰

致仕歸初謫六安荐念若南舊隱號水南居士所著述百餘卷見典籍類

姚儔

字畏卿先世縣人也以茂籍隸營州衛儔生長京師遂為北京人登第後觀政省部未授

官而卒

沈松

字如松入官歷知福建晉江縣三年奏績丁外艱回嘉靖四年免喪請銓曹選授廣東道

監察御史未幾陞僉事停任驗久起陞山東布政司叅議已而罷歸嘉靖中疾卒

沈師賢

字德秀歷工部郎中擢福建按察副使更密雲兵備久之陞四川叅政未上而卒

隱逸

吳羗

不知何郡人也漢平帝時隱居耕作於世無慕王莽末海內大亂賢者皆潔身遠去羗携

妻子東徙于會稽之餘不鄉以溪南山川紆鬱因避處焉時稱高士後人名其所居山曰吳羗

鄭如幾

字維心宋宣和之世隱居龜溪之陰從葉載無法作魏春秋凡裴松之所注悉為正文考訂

精詳深得史法張九成疑其子操黜備移書難之如幾復書論辨反復數千言大要謂操實有攘漢

之罪如殺孔融弑伏后與夫受禪之文凡壽所答者今皆詳書之以暴其罪黜之之旨不為不嚴獨

表其奉迎獻帝一節以勵後世臣子臨艱危不可背棄其主至論其心則曰學古而任數外夷而中

險含小怨以矯情引大義以飾詐罪而黜之者如此固未嘗予之也其於論備則謂於漢無纖毫之

功其可罪者襲同姓納宗婦亟欲僭尊告祭天地是皆出於變詐無足予者温公論備疑其族屬疏

遠不敢遽系之漢今漢後必系之蜀不知蜀亡系之魏耶系之晉耶又莫適攸從也其去取如此

如幾時朱子綱目未修故立論率未能協一如幾學識該贍一時記成

詔遠之作多出其手

周密

字公謹號草窗其先齊人後徙寓于吳因家焉密勵志於學博通經史當宋季元初慨念

家世之舊因不復仕布衣蕭然往來於殘山剩水間識者知為先朝之遺老也趙孟頫嘗贈以詩有

緬懷德翁隱坐羨沮溺耦之句考其平生踪跡多在苕城而府志及吳興名賢錄定為德清人姑從

之

王升

字晉叔號竹南先生元至正間縣以遺逸應詔授德興縣尉辭不赴洪武初子軫為崇信

縣知縣升選管勾人便附書誨以忠勤廉慎等語

太祖廉得之嘉嘆再三下詔旌獎賜以白金百兩附子五枚川椒五斤絹十疋仍命有司復其家

升奉表詣闕謝

上召見 賜宴及衣一襲 稱為老賢人時洪武四年閏三月也

陳玖 其先福建人厥父典教德清任解不能歸因

鳴其句法清便脆麗與同時丘大祐輩相伯仲字

體結構則宗趙文敏游穀江湖間所居停之家雖

婦人婢使亦呼陳玖先生笑言温温望而知為隱德也後以壽終

沈靖 字孝光號松泉七歲喪母痛慕無已嘗遇大

盜後探篋中得利金則友人鄒德深所寄也

亟封還之其行義類此早歲遊一道宮會主者索

詩有黃鶴未歸松樹老飛塵不到洞天空之句時

適二京貴在座相與嘆賞晚年居柳溪之上以詩

酒自娛戒子孫不得令異端及門人稱其得淨宅

之法及中壽而卒

列女

邵節婦 性沈氏少而明慧嫁為邵氏婦至正十六

縣節婦為張萬戶所獲逼之不可投水垂死兵人

鉤之出浙省都事張英過而憐之救治復活且諭

曰汝配張官人不榮幸乎何自苦如此節婦曰幸

諸君活我我以夫遇害知殉夫而已他忍爾也左

右再三導之意迄不變乃閉之舟中夜四鼓守者

既懈陰取束箸納之口中面舟木奮觸喉斷而死

萬戶者義其勁節為塋塚葬之

沈回奴 新市鎮人沈永憶之女年十八時元末兵

起紅巾游騎至鎮回奴匿於蘆港中賊獲

之求與亂回奴以禮諭之云我願為若妻然我室

女必擇日具禮乃可紅巾信之擄至營中責擄婦

守之回奴伺人懈拔所笄銀簪戳其喉而死其

家藏有節女圖里人長史王彪作詩紀其事

洪春春 本歸安縣人元至正丙申兵亂鄉里群無

賴乘時鈔掠父德源引之避居于縣之新

市鎮未幾賊至四散殺擄女與父匿空舍賊入舍得女驅至溪岍將納於舟中逼之女義不受辱乃赴水死時年十九

沈氏孫氏

少歸嵇姓為妯娌相繼喪所天一子曰昇沈出也迨其既長遣之游庠二婦躬

績組以充學費孀居各五十年後昇為縣丞縉紳大夫為作詩歌以表章二姆稱曰嵇氏雙節

沈妙圓

灌溪沈宗益女年未及笄許聘同里何姓之子妙圓未行而何子卒自念身雖未歸

而心諾之重有甚焉者亟奔其喪解衣斂之畢葬返母氏誓不更適宗益欲終嫁之不從遂相齟齬

百折不回窮而見逼謀死不得則就其季父家為之績維傭衣食焉年八十而卒

沈氏

一都民蔡王之妻成化初王以疾卒沈時年二十四一子方在襁褓內無係屬外鮮顧藉

沈誓志堅守所親有諭以改操者輒流涕不忍至弘治丙辰踰七秩矣邑令王良臣嘉其苦節為

聞之朝下詔旌表後至八十二而卒

康氏

金鷺鄉沈濤之妻弘治初濤以疾卒康氏年

所親諭以禮勉復進食自是守志堅苦色裳容具悉從昇絕遇內外婚喪一無所預購書教子期于

成人孀居凡三十五年人無聞其笑言者正德末所司上言于朝詔加旌表

方技

薊子訓

王儉姓系云子訓漢人少而得道隱身于吳郡之餘不鄉羣卒塋烏程縣湖趺山按

子訓詳明方術解分身之法蓋異人也

祝先生

自言關陝人宋宣和庚子歲寓縣之新市鎮與胡生者厚善一日密謂胡曰吾前自

衢婺來沿途水土腥風雲氣惡不久當變自彼起禾幾言溪寇作胡欲遠避祝止之曰茲乃吉地正

甚避艱也胡有親黨自崇德欲避之雲川因叩其所宜曰崇德并邑沿塘恐不能免塘下墟落皆無害賊唐不過秀行授首矣已而果然陳通之擒兀术之遁皆預與胡言之蓋異人也

王蒙字叔明號黃鶴山樵趙文敏外孫也少從之游才氣俊逸善於繪畫人得其片紙以為珍玩其聲價與仲

穆輩相亞云

張文樞字石隱善畫山水筆法一宗巨然國朝繪事號稱高品其氏名見圖繪寶鑑

陳賁字南金少嘗習舉子業長乃棄去用薦者領本縣醫學訓科賁精于理明于術藥罔弗効

由是聲聞達京師

文皇帝北征召以從駕賁以秘方進上報而驗賜尚方服御物及衣馬以旌賞之歸仍舊官年八十三而卒

別傳

姚恢縣之千秋鄉人東漢時為青州刺史時有柯田焉山水嘉甚恢謀定居其女泄之沈氏為

成所奪恢憤之賺女歸寧竟囚之守溪之北山墟間至死不悔戒其後三世不得舉女太平

寰宇記謂德清有女獄山即恢囚女處也

沈約字休文少孤貧篤志好學晝夜不釋卷母恐其以勞生疾常遣減油滅火約於晝之所讀

夜輒誦之遂博通群籍善屬文齊初為征虜記室帶襄陽令所奉主齊文惠太子也太子入居東宮

為步兵校尉直末壽省校四部圖書特被親遇每旦入見景斜方出竟陵王秉政約以文學見親與

范雲等號稱八友梁武帝素與約遊建康平引為司馬齊中興二年梁武位相國內有文禛之志約

進曰齊祚已終明公當承其運雖欲謙光不可得已梁武曰吾方思之約曰若天子還都公卿在位

則君臣分定豈復有人同公作賊耶梁武然之召范雲定謀盟明約先入為草具其事梁武召雲約

謂曰我起兵三年矣成吾帝業者卿二人也及受
禪拜尚書僕射封建昌縣侯約貪冒榮利自以久
居端揆有志台司而梁主終不用天監十二年病
困夢齊和帝以劍斷其舌乃呼道士奏章於天稱
禪代不由已出梁主大怒譴責數四約懼而
卒有司定謚梁主曰情懷不盡曰隱謚隱侯

李沐

宋紹熙內禪韓侂胄自詭有定策功怨趙汝愚行賞之薄謀去之時知閣門事劉敞亦以

不得預內禪心懷不平因謂侂胄曰趙相欲專大
功君恐不免嶺海之行侂胄愕然問計敞曰惟有
用臺諫耳侂胄遂密以其黨劉德秀上薦以內批
用之由是言路皆侂胄之人矣慶元元年侂胄引
沐爲右正言即論汝愚以同姓居相位將不利于
社稷乞罷其政柄是日汝愚出浙江亭待罪命提
舉洞霄宮時侍郎章穎祭酒李祥知臨安府徐誼
博士楊簡皆抗疏留汝愚沐皆劾斥之太學生楊
宏中等上書乞寬沐以謝天下悉送五百里外編
管慶元之世雖贊侂胄欲攻汝愚然而株鉅蔓刈

焰煽液及則沐與德秀等黨附殊甚于時善類
空權貴擅柄沐輩實爲之沐至刑部尚書以死與

謂公論醜之

論曰姚恢以居止細事囚其女至死餘恚所及至
使三世不得舉女天性之愛感而不論亦忍心哉

沈約才情詞華蔚爲聞人嘗蕭齊之世受知不爲

不深而陰附梁衍謀篡人國卒之受斷舌之殃以

死蓋大節旣喪餘不足言矣李沐爲名臣之子不

克自樹顧以營進諂附權奸排擊善類當時清議

公論槩不相與而掉頭不顧甘爲小人之歸於所

不係清學詩卷之八
三十三
謂象賢世德不其悖哉

外史氏曰人物之生世雖爲類不一要皆輔世華國應需表民所係非徒詡靈秀而已雖然非靈秀則人物亦未易毓也昌黎嘗謂衡嶽之秀丹硃銀汞之物不足以當其竒必有魁特之士出乎其間然則當德清山水之秀者不以前所列也歟抑歐公作五代史立雜傳以誅改節之臣予傳人物之末立別傳以耻敗德之士雜則不純別則匪類嗟乎天下之惡一也觀前史之立例則外史之筆固不得諱矣後之君子謹毋自墮於別傳哉

德清縣志卷之八

德清縣志卷之九

藝文誌

道在天地其元脉在六經六經道之郭也是
故觀天之運而會化育發生之妙察地之宜
而辨流形品著之盛攷人之文而盡古今事
物之變若是者皆不能外乎六經自夫去聖
遠而衆言亂六經始告病矣然天地之大古
今之遠事之謬悠悠邇邇皆炳焉在人耿而不
磨不賴于群籍之存哉用是言之病六經者

存乎其人非必與籍罪也德清之獻賢往矣
然古今之文言則幸其未泯乃今標其諸書
曰典籍諸文曰紀載諸篇什曰雜著諸詩歌
曰題咏其於邑無預則無取也抑人有言見
禮而政可識因文而人可知蓋文者道源言
者心聲故藝文於世非直備攷按而已其於
觀人也有取焉作藝文誌

典籍

周易兩繫訓註

禮記訓註

春秋訓註

尚書訓註

孝經訓註

喪服要畧

以上俱南齊沈麟士著

儀禮

八十一條

春秋義記

禮記義記

孝經義記

論語義記

經典大義

以上俱梁沈文阿著

魏春秋

閒靖錄

以上俱宋鄭如幾著

茗溪集

宋劉一止著

宗澤事實

宋吳柔勝著

南歸錄

經世錄

俱宋沈瑄著

龜溪集

宋沈與求著

東溪集

宋沈誥著

四益齋集

奏議

講議

俱宋沈復著

後溪集

宋劉光祖著

易解

退庵文集

退庵奏議

已上俱宋吳淵著○自此遡前周易訓註等著者俱

邑人今逸

齊東野語

癸辛雜識

俱宋周密著

愚齋集

元林靜著

臨清集

國朝車昭著

方洲集

國朝張寧著

一齋文集

國朝徐九思著

木山居士集

國朝胡瑄著

松泉詩集

國朝沈竭著

水南集

續集

兩山墨談

唐餘紀傳

綠鄉墨義

水南閒居錄

宣靖備史

渚山堂詩話

渚山堂詞話

山堂瑣語

僊潭誌

草堂遺音

共一百餘

卷以上俱國朝陳霆著○自此遡前齊東野語著者並邑人今存

紀載

東萊讀書堂記

謝夢生

宋人國子孫

同年章君保治餘不攷一書矣志確而衆信操潔而吏莊慮深而弊淺俗和刑清遠慕適悅矣乃以書來曰令之長民也以道非長之以令也縮銅章袖蒲壁環鴈而登其民曰汝纒而征汝穀而歛汝朝而奔走汝訟而予奪汝民無敢不聽也斯長之以令爾嗟夫媿矣縣北行數里有山曰石壁壁之旁有寺曰慈相舊傳東萊呂先生與南澗韓公讀書于此公餘來款寺之前嶂合屏環亭有指而顧予曰今之犢眠鳥止呼爲野橋者先生遲月分茗

所憇也寺之西淨林墮籙泉響流淙又指而顧曰
今之蔭清影寂茂而竹居者先生訂文勘古所寄
也寺之中巖空瀑奔怒瀉爲半蟾又指而顧曰今
之斷崖吐月瀦爲靈泉者先生靈泉䟽中所品也
蓋呂韓壻也來陪翁屢榻禪廬儒編梵卷浩論極
研至今寒光逸賞猶照人也乃攷邑美卽舊聞挹
靈泉而敞三楹焉扁曰東萊讀書堂庶幾以道長
人者少進焉幸子詞焉以詔我夫治百里不自貴
其有以長民新一堂乃自慰其所以爲長斯不以

長爲悅而知長之者之義矣道不在是耶雖然書
以命天地事物之理一書不足以盡道也維友斯
可以明書而推天地事物之奧一友不足以盡書
也友賢而衆書習而博如澤與澤會浩溢灌輸而
甘潤發焉斯實麗澤之密義呂氏家塾之本指則
今以小相君以爲邑人詔按書院有賜大丞相肅
國公其教於金華茲書堂有奉君復崇其教
於金華由上以觀四國者麗澤之一道而同文
也下以觀一室者斯堂之協義而同歸也餘不

君保其字云

縣治記

王禕 國朝金華人 翰林待制

惠清隸湖為壯縣賦田餘不溪後枕金鰲諸山
川大明秀民俗淳美異乎他邑多樂居之流風餘
習去今百年故未泯也歲丙午工師徇地浙右郡
地入職方

朝廷慎擇才賢以惠經其民於一邑清則簡黃君
宗義為令冬十二月既至務以布一

聖天子及下之仁民皆獲所川年春縣事告小

則會實案謀曰縣有治所以出政令而示等威公
燬廢若此不可不亟為之圖然公私亦立經費
所從出黃君乃為其民言吾民幸脫水火之中而
沐浴國家之膏澤家室之完田野之安駸駸然樂
其生矣而吾儕非才忝被掄選膺牧字之責以臨
蒞是邑吾居之無所固民心之弗安也輪焉與焉
以復前日之舊貫實百里瞻望之所繫吾何私焉
好義之民聞言而誠悅咸願趨事莫敢後者乃二
月十日庀工首作廳事繼又為堂而前為譙樓皆

宏敞崇高有加於舊以至樓吏之舍館賓之次及
庖爨滷園之屋靡不具完凡爲役悉出於民而官
不預僅數閱月畢底于成明年春黃君介其丞熊
君鼎來請予記以勒諸石予惟今之仕於郡縣者
難矣而縣爲最甚何哉蓋去民尤近故也不有以
得其心而徒欲以役其力不尤難哉黃君爲縣以
明達之材施愷悌之政而熊君佐助之者又充蓋
其道故言出而民信之樂爲之効於是興廢舉墜
不以爲難蓋惟有以得其心而悅以使之故雖役
其身而忘其勞也豈非所謂君子學道則愛人小
人學道則易使者耶春秋之法役之及民者雖微
必書今是役也於時爲適宜於禮爲合制工爲賑
而能得民如此皆不可以不志黃君字宜之宣城
人熊君字伯穎臨川人他若主簿俞君興泰典史
祝君亮皆贊其成者也

德清縣重建儒學記

胡澐

毘陵人禮部尚書

德清縣儒學舊在縣治之南左臨大溪右逼民居
後連委巷况歷歲滋久祠宇頽圯正統六年夏毘

陵王敬來作令下車之初釋菜

廟庭徘徊周覽謂其雜處市廛非育才之地退而謀諸縣丞崔時雍楊冕教諭戴昂訓導范敏俱慨然有改作意遂相基於縣治之東得義民蔡凱隙地高明寬爽堪爲學宮以奉祀事時巡撫亞卿周公詢如適來按邑亦甚稱許遂奏易其地而改創之官民捐助市材鳩工經始於壬戌之冬先作禮殿以妥聖哲次及兩廡以列從祀以至明倫之堂肄業之齋習射之圃治饌之厨儲粟之庾及夫祭祀之庖庫師生居宿之廨宇凡學之所宜有者罔不畢具門以樞星繚以周垣宏深靚奧藻飾大備訖工於癸亥之冬衆咸以爲不可無述以示久遠遂因王令秩滿詰

京具事狀謁予徵記且言舊學久乏舉子遷創之後卽中一人豈非地靈則人傑成德達材有由然哉予惟德清山川之邑其民多秀而知學蓋朝廷崇儒重道令丞作興廟學士子寧有不自激勵而奮起者乎異日彬彬榮登仕版爲時用也必

矣姑爲之記以俟

德清縣宰政題名記

吳江

邑人左
參政

福清方君日乾起家進士長吾邑再暮而政成將
叢庸以報政考故創誌得前宰名氏于積牘凡若
千人謀諸寅恭刻石堂序請記于江夫古者列國
咸有史官紀載時事嬴秦郡邑制興而史逸惟天
子左右之書庶幾倣古降自方微比周得置因義
起禮刻石題名亦史之流裔爾迺德清密邇藩省
政教易下宜達必先民心望治尤屬諸君銜繫于

邑而惠洽于民者刻之肝肺不多於石哉逮夫時
移物換澤竭思窮則或有遺識石刻又不可少也
君子猶以爲鄉有評風有謠史有傳亦奚庸是雖
然匪刻曷聚匪聚曷論匪論曷鑒矧有藻繪于間
叔段以洵武失子儀以窮奢失恒情所趨善爲揚
隱茲刻名氏之下貫書出身書歷官書而政行一
弗之及若將闕疑以起問設問以待對者而斯民
直道未嘗泯焉其忠回正譎歷指叅稽公論定矣
律已之道當不外此而得之不將裨於官箴也與

哉先聖之舊政告之新尹爲忠告有時而窮也茲刻所告不既遠乎爲志不既勤乎江家世于茲於所刻怙恃居多又惡得無情者祇服重以不文辭遂爲之記

重建德清縣治記

沈松

邑人右
參議

德清縣治堂成先是治之廳事以民居之没入者改營之夫制因於民則隘久則敝隘且敝繼之以顛吾懼焉耳矣嘉靖癸未方侯以進士來蒞茲土興廢舉墜百令一新甫下車卽搜剔民隱剗革吏

弊每虛心於利病與革之狀或曰廳事弗葺民孰與仰侯曰而政未孚也葺而政成或又曰爾安民止曷先爾止時阻歛侯曰而歲未裕也關歲丙戌實侯臨政之三年時堂敝益甚侯每升座悚然若危值風雨之暴至則欠伸起避予適奉

命按山西取道歸省謁侯於堂瞻顧錯愕懼壓懼墜乃謂侯曰曷支爾梁曷易爾楹侯唯而未果民中之趨事者私相齟齬爭峙木石以須侯命侯視民利用作達之太守太守曰其宜民達之監司監

司曰民其宜未幾太守適以事至觀厥圯狀乃爲
侯恐曰文移之弊抑至此哉吾不目擊詎知斯堂
之至此極耶子亟圖之侯乃下令經始于丙戌六
月八日落成於是月二十八日稽之前制加崇者
二尺深廣六尺堂之後仍葺梅花堂左右又各廣
二尺軒敞洞達瞻仰改觀予往落之曰美哉輪焉
奐焉何成之速哉民樂之也夫君子平政履中思
順而已斯役也不強於民不費於官中順其度矣
乎宋令治所解舍對書於考課之曆而殿最行焉
斯役也適成於考最之期侯豈直主之而已乎
哉緒成屬予爲之記侯姓方氏名曰乾字體道福
清人也

德清縣修文廟碑記

邵銳

仁和縣人
提學副使

德清方侯日勤使者馳書抵銳曰日乾守邑三年
諸廢漸舉惟茲廟學實繫化本本數弗圖圖諸其
餘抑末也已維歲丙戌載往周視門曰櫺星業就
頽敝仰嘆曰巍巍聖門遵彼大道吾日有事宜首
諸此次及兩廡曰烏鼠弗靖諸賢奚歸乃有廡事

惟茲禮殿爲費浸鉅籌厥可贏乃用大作敢伐貞石請紀厥成銳旣拜受復進使者問曰是固當務惟爾勞費將自奚出乃肅對曰爰有帑藏取貲於羨爰有卒徒就役農隙銳乃敬諾曰方侯是役誠可書者厥初生人惟道爲主全厥生道爰有述作示我學的寔自宣聖故天下有學必立之廟意則遠矣故善學者惟敬是居用植吾本惟物是格用致吾知惟躬是飾用踐吾實服茲三者其畢吾齒則學之爲道斯其至矣後世文詞是攻利祿是趨經生學士罔不誦法孔子詢厥所以善

啻南北遵是以往是謂賊道矣以學爲故惟奮然自立守茲家法毋馳高虛毋溺卑近惟道是由弗至弗已斯固吾先聖望諸後學無窮者銳不佞敢緣茲述諗我同志嗚呼盍相與懋敬之哉

德清縣名宦鄉賢祠記

曾用

本學教諭

名宦鄉賢有祠其來遠矣德清縣舊有二祠位廟學戟門之東西合祀者凡若干人惜旌別未愜間有名實不相應者揚子雲有言見其作而不見其

輟雖盜跖爲伯夷可也故事有出於一時創見之
獨而論終定於百年考論之後以王安石之經術
時謂夫子再出至廟庭配享卒弗可終况於他哉
然則以一夫之私而欲愜天下之論 言見其難矣
大夫三山方君崇尚文教嘉靖四年 奉新夫子廟
宇間嘗進予論議及此有懷耿耿乃博考群典得
有唐慶公澄訖我

國朝王公良臣凡九人皆記志有述故老有聞悉
表爲名宦其未登祀者如宋沈公疇吳公潛游公

文暨

國朝張公寧四人者節槩文章迥出群類俱與舊
所祀者表爲鄉賢乃若李沐黨附權奸排擊宗臣
使善類一空而人主孤立則議以輟祀旌別既定
士論胥允乃白諸當道應聲報可遂仍戟門左右
分揭二祠舊以新更朽用堅易堂楹門觀修飾煥
備初製木主備書爵謚徙鄉賢於西宇序名宦於
賓席虔昭靈妥歲以春秋二丁祭畢踐庭供事裸
奠維謹奉將如式焄蒿悽愴若或見焉嗟夫仰高

山而慕景行後來之士顧瞻感慨進而展禮退而尚論必將有聞風而興踐跡而趨者矣其於風化豈小補乎哉事竣屬予記其首末勒之堅石用昭不朽

德清縣改修 先聖廟碑 陳寔

皇帝在位議禮制度正天地百神之祀維先聖有廟前此奉事者視禮未慊爰用考定先師揭稱木主更像本隆毓聖位安先食於以準則遐古示式百代嗚呼偉矣維德清有學徙基者再繕廟者屢積

時閱年摧圯仍作乃嘉靖庚子齊河孟侯養性來視篆禮上之日祇謁先聖顧其堂序傾仄則退而嗟曰嘻茲非所謂怠政者歟夫學之弗先以教曰緩先師之弗崇於道爲叛且吾幸絃歌于斯而夫子之宮罔治斯安所誘責也於是訓導林君廷鳳錢君翊胥以改作請侯遂白之巡按御史報曰諾是烏可靳繼白之藩臬若府報曰諾是烏容緩乃會丞簿武君學鄭君守仁陳君道克以暨艾史偉相與斥俸勸殷搏浮理羨僦工于徒市材于賈以

辛丑七月始事自戟門外內咸撤而治之殿之楹
五廡之間十有四鄉賢名宦司土之祠各一棟棖
聿新丹堊維飾巍乎煥哉有赫瞻視明年教諭王
君諫訓導陳君文遂沿檄繼來侯率之行考遂以
六月之吉告成訖事使來請識其歲月嘗考于周
魯於論鼓鍾辟靡之教存乎樂敬慎威儀類宮之
教存乎禮禮樂本諸天地而備于夫子其用之四
達貫乎人道者胥其闡明之功也廟而祀之奚止
萬世抑斯道也今

天子宗主於上宣行于下凡以作人者明且備矣此
庠之士游歌聖塗其必泳涵和平而蹈履中正性
情聲容合粹符德升而用世則聖教信申節者
以陶冶民物蓋俾人倫以明風化以美而禮樂遠
興斯之謂有造成務繫之周魯士有歎無益於其
詭談外襲規取利祿而已是豈惟聖明所諱抑於
賢長司惓惓興學之意不亦愧負歟詩曰其維哲
人告之話言吁嗟髦士其莫我謂僭矣是役也助
成率作則邑民某等凡五十二人列之碑陰庸勸

來者系之詩曰

厥初生民恒賦自天泯焚錯捺乃汨性源維聖
作極厥有顯道覺其朦迷曰予有教於維玄聖
集厥大成祖述憲章百王法程維

皇有詔普率王祀歲時殺禋奉嚴罔豫茗川之南
邑城臨溪高明有容維聖基構則有年圯則
仍歲後先相循一木更柱閭閻孟侯來魯之東
陟降在廷有動厥中乃經乃度乃礮乃斲乃暨
賢祠並治偕作新宮嚴嚴不日告成來觀如雲
越階而升侯爨於廟牲用肥若有肅端委對
罔怍政維其先士軼其舊嗟咨發祥登我髦
源源長溪羗山崇崇瞻彼新宮孰云弗宗馨牲
有碑表以新刻比之廟門詔世無斁

德清縣科第題名記

陳寔

維

皇明有國蒐賢辨才用措于理維科目之設鐫華屏
浮敦主經義伊髦士有造昉舉于鄉再進于春官
繼延于

內庭奉明詔敷大對爰錫第解褐有服中外乃遂
踐樞涉華登於佐弼百七十餘年以暨于今鴻宰
碩卿胥是焉出偉茲盛矣維成周定制物三以教
歲三而比爰升于太學論之司馬是曰進士周道
衰取士法廢漢魏察廉罔跡于古沿隋若唐以訖
宋氏詩賦命科貼義校士纖浮洧膚寔繁有目法
用弊于習亦罔克臻治嗚呼士賓于成材萃以科
儷明於周後先一軌於維休哉德清自創科後省
場登賢禮闈摧雋背項有接歷紀維十四氏名之
勒曠其未舉乃嘉靖甲午章丘謝侯九儀來爲政
賓賢作髦曰篤靡懈越明年墜興廢舉行追暮
朝以風憲徵行且有日謂茲典之缺失今弗圖後
益罔勸乃索之邑乘得今昔之升者各若干人庸
勒諸文石俾是瞻是儀以發我多士維

朝家以科目羅士旣其有撥咸策芳薦書勒堅太
學士名其間亦旣膺寵光揚海寓矣乃茲鄉邑屬
長司之良載勤載圖以炳昭我私俾克永世不多
幸歟抑人有言太上貴德其次乃名考德儀行恒

跡于後繼自今四方來觀將指而品曰是英而賢
是奮庸而績又將曰是竊而忝是敗蹶而玷則斯
石之樹疵美兼矣嘻後今一觀哲愚孰朦凡我大
夫士可不慎歟敬爾身心正爾術學勗爾勲業俾
儷賢于成周軼美于唐宋以式襄我
國家人文理道之盛嗚呼其相與懋哉

德行縣貢貢題名記 陳寔

古昔取士之途一而今也維二成周之世鄉大夫
選士於司徒用升之太學論之司馬既乃詔于王
而官之當是時立政用人罔匪常德此制既廢於
是乎孝廉立科中正定品門閥叙秩至隋唐而後
定以科舉則變古甚矣然古今太學之制雖時有
重輕而訖無廢棄豈非以先王所建周公之所講
畫爲當準據也歟宋之舍法雖未協于古然時譽
歸重士發身其間往往登槐廳立言路嗚呼其意
之崇尚亦足稱矣

國初革胡元之陋文教一新時科目雖設而貢典
維重至於察官邪奉使命恒以太學生叅之文運

日昌科目益盛於是貢之人法漸替瞠乎後哉視厥先下矣今

上思振頽靡制當論歲必擢穎拔尤十取其一自是橋門卒業者咸飲經葆行駸駸與發科者等士逢其會不甚慶歟德清自洪武迄嘉靖應貢者無慮百人謝侯九儀治邑之明年既取科第之士刻其名于石矣乃復蒐貢士之名氏俾對刻焉蓋崇古道則遵成周遵成周則獎造士嘻其用意遠矣傳曰君子疾沒世而名不稱名之弗延行則曷考何蕃于唐陳東于宋太學一之取焉其名昭在史冊易世更代發身賢科者則寥寥矣卒莫敢望焉用其言之士之有稱獨科名乎哉抑聞之物無重輕材則良士無品差適用者賢有豪傑者作梯階品格莫可拘矣凡我邑士尚慨然於斯

重修東萊書院記

陳霆

方侯日乾治德清之三年政事既暇則詢訪邑故謁東萊書院于縣北之慈相寺退而酌月泉讀宋人謝夢生碑知書院之所由起已乃顧僚佐而有

嘆曰噫怠矣院之再作自我

明王公良臣暨今踰三十年而規制且未備夫其委終責全不在今也歟二三子薰道瞻德幸有地矣吾欲飾其頽陋揭其名額於諸君何如皆曰唯唯是歲冬訖事屬寔記其成按先生成公之留寺其跡之久暫與讀書堂之更徙邑乘備登焉無述可也獨謂道無往而不在先生無適而不存自今而觀分茗則月泉之巖遲月則野橋之澗展書則竹林之崦由宋迄今其遺跡宛然在也山雲其備

林月其容瀑聲谷響其聲咳四時朝暮夫所謂
容者若無恙也蓋宇宙寥廓萬象畢陳飛而爲
而魚逝而百川昔賢胥指爲道境然則曳屣入山
攝衣而登堂凡所見聞孰非華妙之存而精英之
發則先生之道其在是矣嗟乎世遠千載聖軌莫
循不有先覺孰焉興起書院之飾所以樹風聲而
延私淑者其有旣哉君子觀王公與方侯之先後
用心可以知其政矣裸薦在楹昭假在上庸效九
歌作短騷一章以侑先生以繫遐思以流聞于無

窮其辭曰

蟋蟀兮秋堂風露耿兮初涼桂枝樛兮晝晷燭
螢熠兮宵光山人兮來歸拭雲奩兮蓀房走玄
魚兮故龕樞梧潤兮飛淙空山兮歲徂蔭薜蘿
兮色蒼流鈴發兮風高山靈呵兮月黃固昏旦
兮哨警續芳響兮云長

新建織簾書院記

陳寔

織簾書院在羗山之陽初南齊沈先生麟士聚徒
授經四方來學者恒數十百人先生於世無所取

受鬻簾自給而已口誦手織夜旦不輟迨年且八
十猶手抄故所燬亡書至二三千卷旣其歿也門
人尸而祝之稱曰織簾先生蓋表其高節清行思
以激天下之貪夫鄙人若昔聞伯夷之風者云爾
嘉靖二年方侯日乾來爲德清考德問故拜先生
遺祠于榛棘中顧見棟傾墁頽鳥鼠之跡文案乃
愀然興嗟已而眺觀于元峰則長溪前縈層殿後
聳群巒疊巘環列于煙雲杳靄之間侯喜見顏色
顧僚佐曰是可以宅先生矣四年秋書院告成作

先生之主而奠焉謂寔宜有記傳曰雖無老成人
尚有典刑嗟乎先生往矣然而書院之有作其典
刑固在也百世而下凡曰興仰止尚友之心者能
無聳瞻于是歟嘗試登山而眺白雲在巖明月來
岫意先生尚高臥其中思起而從之遊則既不可
得矣溪山之間松濤有聲猿鶴酬和耳目所接固
其流風遺韻也乃援楚騷賦招隱一章先生有知
庶其來妥其辭曰

若有人兮雲林高風激兮靈襟世誠溷兮孰諧
表獨立兮秋空九州兮眺遠眇齊煙兮
斲芝田兮足糧何百歲兮修短紫荷裳兮秋
青蘿屋兮夏寒君可樂兮山間乘白麕兮從玄
虎朝東崦兮夕西塢還夜誦兮垂勞苦澗澄泉
兮在筆采秋英兮盈掬儼歲時兮奉薦慨千古
兮遐躅

德清縣重修儒學明倫堂記 陳寔

天地有大道曰洪範神禹得之而天人泄箕子演
之而理數備然要其功化則藝倫攸序而已皇極

者範之樞要倫之準則也皇極建則九疇又五常
秩於是乎天者恒地者平民協厥居世底大猷天
下無遺化矣若昔商周媿隆遂古用此道也三代
而下此道微矣盍羨乞而父子以薄駮乘逼而君
臣以嫌閨門慚德則夫婦垂金櫃渝盟則兄弟削
狂奴藉口則朋友終貳蓋上無皇極之君下悖歸
極之化然則其治不三代無在也嘻其甚者元氏
入中國舉帝王禮樂之區而用之以夷狄之道方
是時天常淪溺宇宙冥晦彝倫之云莫喻何說天

厭夷德俾我

聖祖逐而去之定都之歲首建太學歲時謁先師畢
卽御講堂延儒訪道爰錫堂額曰彝倫于後學制
旣成頒式郡縣凡曰講堂例以明倫定額於以昭
人道之常而挾胡習之蔽彝倫之叙九有合一於
戲盛矣德清縣學明倫堂位夫子廟北閱歲旣深
時治時圯乃甲辰夏秋官馮侯煥謫宰是邑始至
謁學顧見斯堂就頽首議改作學博蘇君礲錢君
翊黃君珊從而贊之侯旣上白則發羨募殷市材

召役以是年八月始事明年七月告成榱構聿新
丹堊維飾官師奠席鍾鼓就簾學之規制茲焉備
矣落旣訖蘇君來請記嗟乎先王之世道德一而
風俗同推惟化先厥亦有自孟子曰謹庠序之教
申之以孝弟之義庠序之教人倫其事也申而飾
之明可待矣

國家憲章三古事必于學學必有堂堂非觀美地也
蓋養老教孝賓賢諭敬讀法焉示式獻馘焉作愾
凡皆忠孝之訓而修道之事化源教本於是乎在
然則侯之有作視古敬教勸學者抗矣升是堂也
上焉而不知所教下焉而不知所學庶幾乎彰宣人文
以彌成我

聖天子建皇極叙彝倫者哉是役也丞簿鄭君守仁
羅君忠雷君鎡以暨吳史璋咸樂觀厥成蓋嘗預
事者系之以詩

有巍斯堂厥維化基有青其衿游歌于斯堂旣
閱人材亦閱世孔壁其頽梁木斯墜乃移鍾簏
乃遷圖書乃暨飲射寓之齋廡巋巋靈光一木

支拄朋徒怠散絃誦幾廢允顯馮侯來握左符
顧瞻嗟咨謂前則那今我不力後廢滋甚嗟茲
土木我曷敢靳奕奕新堂傳之崇軒高明有臨
靖深而安師還其尊士循厥常我升我集鼓鍾
其鏗曾是矇迷豈不見道大明中揭薄海有照
穹然蒼珉旣伐旣治有考厥成視此刻詞

德清縣新市鎮創建三賢祠記 陳寔

嘉靖丙午十月維吉新市鎮作三賢祠成三賢者
爲顯謨閣學士謚文節劉公光祖右丞相兼樞密

使謚清獻游公侶左丞相兼樞密使履齋吳公潛
三賢有位于宋而聲光流聞則易世未泯謹按文
節爲慶元名臣其位禁從乞留晦庵之在講筵乞
禁道學之被譏議趙汝愚稱其激烈類蘇子瞻懇
惻侶范祖禹非虛語也清獻爲淳祐賢相其輔君
也規以親儒從諫之語勉之敬畏檢身之學厥孫
提刑汶乃心亡宋布袍有遺民之書入元避總管
之命此其祖孫同德者也履齋家世寧國迨生長
是鄉荐登龍首旣其柄國止徙都以安人心逐奸

黨以杜國賊至遭貶瀕歿動天驗于風雷委順形
之詩頌是其行已合天而達生知命者矣凡厥數
公寓則里賢論維鄉秀而吾里謂東家之丘社祭
罔秩禮典之缺不其甚歟初章丘謝公九儀來爲
邑得三賢之詳于邑乘遂請之當道俾祠以祀閱
月公就徵入臺祠緣以輟去之十年公來司臬詢
知尚缺如也則檄馮尹煥趣成之取材于里祠之
滌籌費于官地之鬻擇基選勝建之清獻山池之
上堂廡門垣胥公指畫大規甫就而公以入 賀

如京餘工載情明年僉憲渝川譚公際持節行縣
謂茲義舉罔終曷勸矧文節清獻允吾蜀賢尊鄉
協義吾敢不勉乃斥贖鍍檄縣終事於是像設有
嚴整聖如法煥其丹碧規制備矣既思考憲以嘗
啓議當識之石傳曰不有君子其能國乎三賢胥
能用人之國而扼於貶放沮於退道晦於代謝終
其身抱具以藏賞志以歿於是北方之覘者類有
國無人焉之誚江淮之游戎馬屢飲荏苒之餘天
水終竭君子觀三賢之悟世則宋事可知矣今去

宋餘三百年三賢者以其夙昔名德揭享昭次高
風襲人生氣凜若而吾人拜瞻之頃慨然動中蓋
俾頑廉懦立要之砥撐人國扶翊世教均入思慮
然則失之於宋可得之於今憲司之用意遠矣是
役也祇命率作爲耆民某等而某尤用勤事以克
竣已系之辭

空山兮廢墟走麋鹿兮羊牛與俱孰湮鬱兮弗
開倏丹碧兮靈區靈之宅兮中土石壘壘兮後
前其阻藹松桂兮作合泚澄澄兮介左松有羽
兮泚有鱗綖魚鳥兮來相親木之沃葉兮失秋
野芳發兮長春重堂兮聯應靈棲其中兮霞裾
楚楚回風颯兮薄帷雲祈祈兮在戶前峰列兮
平臯攬蜃鶴兮手招御清氣兮往來卷一笑兮
偕飛僊而遊遨燎都梁兮雕盤餼牢登兮盡俎
歲將事兮罔懈挹高風兮千古

德清縣重修阜安橋碑記

蔡汝楠

德清爲湖郡屬邑依阻丘陵帶映川坻崑隗相嬰
樛流駢錯復衍以平原通乎大都然後薄櫨延屬

聲薈喚合被麗遐廣又爲郡巨邑矣然邑本介于
名山天目之水深溝嵌巖而爲谷谷之水其初猶
澗滌爾旣乃周流拂汨會于郡瀆徑入大溪橫貫
吾邑當春夏之交霖潦暴集流滴波盪不克善濟
民咸病止何以總一本治通閭井而便負輸也阜
安橋之建跨絕盛流肆達諸鄉輿旗所至雲合飈
集而騁驚其中邇窺臨安逖瞰淞河不可疆度由
橋入邑爲邑阜集水次爲儲需之室若自鄉入納
至無停輪又回轉爲邑治不百步可見弘治間橋

圮民頗畏阨知縣事王公良臣加修營焉是後三
十餘年仍復摧侈柱石當水衝幾於不支民難渡
如昔悉捨橋航水恐將來或遂湮毀不聯屬也繇
是幸時繕治喁喁望令長矣嘉靖己亥知縣事四
會李公檠惠卹人隱廼心政事矍然創議曰凡邦
邑聚而後富通而後聚津梁之設以濟不通今損
而弗釐如裂滅何且邑舊爲繁會而今或不然道
路分歧咎在地主及此不爲非所以振扞邦邑閔
慈元元也先是邑有廢田可令民佃之以其貲助

營事度地力盡而橋梁成廼兩利而俱全之約費不逾百金諸富民趨事者衆度可五旬罷不損下而商氓咸利事甚便議上于巡院御史應臺傅公雅意便民得議即曰徒枉輿梁王政之一一勞而久逸不費而自成斯大猶是經所議善下書于府府報之縣于是李公經始民果說忘其勞促成如期自後履道不礙暢美無窮民咸德李公公歸德于監察靡顓績焉蔡汝楠曰嗟乎稽之載古鄭僑惠矣而孟氏譏其不知政西門豹循良矣史起病其非仁彼溱洧漳鄴之間有可裨益者二子闕焉毋亦曰細務累大端獨事之建集雖有賢者誠在適時云耳橋自始傾于茲數年矣諸爲政者卒莫採其敝爰至今允成之大易言時行非此謂歟於乎明愬執事利物懋功上下交而治通君子哉德燿遠矣訖工日邑民督繕者請記事于石

德清縣尹王侯去思之碑

楊循吉

吳郡人禮部主事

天子臨御之十三載以風憲起縣令王侯於德清其百姓言曰吾侯斯行於

朝廷則得賢矣如邑人何哉蓋留之弗得提携而送者填于祖道旣去士民吳璋等相與謀刻石紀遺思侯名良臣字汝鄰河南陳州人也登癸丑進士第國家重元元之命隆耳目之選故恒以甲科授邑練其能而取之用是侯來官焉湖之邑七而德清爲上頗以難治稱侯明敏肅嚴有綜繁理劇之才兼制強弱若運諸掌謂職之在乎撫字也故見惡必擊旣悛弗追而民易以遷善謂授牧者不欲於擾也故里胥不以日候於庭而人用逸豫斯皆政之大者也若夫臨事之際獨見其倪不計斷強宗必抑囹圄致空虛之美徭役無不均之罪非大辟按法而已未嘗輕意苟殺一人由是愛之風扇於四境其廉不矯其道不阿監司以懿聞下典旌異蓋侯之治優若此是故召命一下而群黎留連輶車旣行而懷慕彌切何哉慮慮多也蓋丘民之心可仁結不可勢掠厥有培瓦侮欺而弗下之恤一旦遷解則民方且怨對譏訕之不暇尚遑思乎哉以是言之侯之得乎人何如也侯

於邑尤崇學校尚節義修飾壇壝厩舍莫不一新
又特作預備倉及爲祠以祀鄉賢以至整修橋梁
之屬爲績尤夥以其各有紀載故不詳書書其勵
俗者而已系之詩曰

矯矯令君奮起甲科羽儀天朝茂揚英華來南
宰邑

帝命寵加曳紱垂綬厥寄寔多令君蒞止祇服明
德教恭弗懈伊愛是宅又土訓農布告條格力
爾恒業毋狂以慝邑氓僉僉奉令載趨皇界我

賢百瘁具蘇里閭胥誠亟修賦輸絃誦接響博
風弘舒明詔旣錫言駕其舫巖廊斯升邑士顯
仰凡民孔疚惟仁攸託愷悌不回遺惠沃若永
念撫綏高陟何邈顯顯令聞豈不於爍述美記
詞敢勒貞璫

德清邑侯梁公德政記

龔輝都御史

弘治十又三年大城梁公以進士出知湖之德清
湖所轄州縣凡七其大而難治者德清居首俗狡
而頗僻吏欺而弊滋賦繁役重凌弱好訟求斷者

日以累百信信然爭于庭不少相下公始至令于
衆曰狡而頗僻欺而弊滋凌弱而好訟是三者吏
與民之過也雖然吾亦與有責焉民不服吾威而
服吾德吏不畏吾嚴而畏吾廉今以始幸相與勉
圖之賦繁病于過取役重原于不均斯二者吾長
人者之責也無與於吏與民吾其盡吾心焉廼矢
心以從事清慎縝密加意於民寬明仁恕約已率
下每編戶必閉閣手書不憚煩劇革歲計之羨餘
勿令過取法有不便輒以予民不徇偏臆之見閱

一年德澤旁暢俗之狡僻者轉而淳吏之弊欺者
更而信衆之凌弱好訟者易而善良賦役爲省民
不告病遠近懽呼若更生之辰以故一時戴之若
慈父然眷眷焉不忍舍去及其去也思之而不能
置雖漢之何武何以加於此乎三山方君體道登
嘉靖癸未第來蒞茲土偉公之政績式勤仰止今
夏仲思大書以頌公德顧於輝有年雅走狀幣命
職其事方君個儻不凡諸所行卓有成績遠駕時
輩人至以神君稱之而敬信公若此邑之民更子

若孫幾三十年于茲矣而思公如一日然是其盛德固已銘在人心記雖無作可也然使後來者試一觀之或因是而有省則公雖踐華陟要舍茲民去矣而其所以不去者猶在閱千百年常若坐公于堂矣可但已耶因書而記之公諱材字大用今爲東廣之方伯云

德清令陶公去思碑文 蔡汝楠

歲嘉靖癸巳吏部請舉天下有治行者補六曹屬而德清陶侯爲刑曹主事九月檄至侯以十月去去之再週民懷慕愈甚于時汝楠適歸省父老率子弟來請製碑記衆思嗟乎古今人情豈殊絕哉羊公襄陽之事奚翅晉之民情足稱說也伊建國之初至弘治間令之雪煜其中者詎可勝記至繫民思者惟梁司徒一人後二十餘年而始有陶侯之政侯名廉字敬甫雲南曲靖人舉嘉靖己丑進士補縣令秉姿純茂執德清劭其政樹柔爽而化恣睢以黜太甚崇惇儉爲本德清爲浙西衝民尚華茂而實窘削侯欲改飾之曰風之侈也端在上

流在下上下下競侈加之以衝因之以蝗旱欲支控
何由哉行法自吾始即日圍者約馬蹇者損膳兼
以澤厲僚案朞月而民風變上下使傳舟經雷甸
河日以數十侯爲供具徒隸但令不失賓客意享
禮不務繁腆爲悅云吾惟修恒禮以事人直事者
稱不擾在昔閭閻之民造庭謁事者恒病威稜阻
讐不克吐悉侯欲誘進之乃弛擁衛俾承事者訟
獄者及言疾苦者各至堂下親自開誨人人愉快
科條之設不可苛速期而後至者罰之出入不立

威備每乘櫬履畝居民舉不知縣令至及見乃大
驚謝侯寬曉之善窮兩辭決問不宿豪狡潛格歲
侵侯善貸移截補之法歲課預足而催科之隸不
行于鄉審葺編戶條貫密緻百年隱慝一朝以靖
版籍獻內府者德清稱最焉邑豪有點桀者誣侯
于闐司事旣白豪懼不敢出侯曰或吾寡德於彼
何校焉豪大慙服肉袒請即罪侯一笑喻遣其循
理帥物類此修館舍奉國山中選諸生雋異者與
居以籍沒產月給穀每旣望及晦入山課諸生宣

暢疑滯自山入邑諸生輒扳送之是因達闔邑之
童而習者忻慕之餘興起日夥邑多儒雅侯之倡
也久之事蹟民幽莫不洞解愛其慈畏其明者喻
若慈父威神三爲執事者勞禮之謁賀不行曰有
以致之也再見辱於憲使不色憤曰罪不自己也
居三年有刑曹之

命而行不克皆蕭然別吏民去去之日扳輿阻道
哀留幾不得行者數焉去後久久益見思越七年
庚子而去思碑立其文曰維德清建治迄于中祀
嗟茲陶侯允惟髦士乃紹司徒罔不悅志光大之
行荒穢有容憑河是從不震不難以協于中理脞
用明易艱爲寧

帝曰庸止莫援其行侯之旣行治猶師師豈第君子
允懷慕之故與德同風者政愈光流澤浹人者思
逾遐凡所居赫赫去後不知謂善得耶余初見侯
退然儒生孰知其發也修寬綽之體守堅利之貞
奮剛毅之勇晰明辨之精足以追曠見之高蹤貽
不滅之令名德清之山餘不之流山石截截流水

悠悠惟公之德民思之久水流俱長山石不朽景
行君子瞻哉瞻哉

德清縣知縣事少谿謝侯去思碑 陳霆

嘉靖乙未九月維朔

皇帝以耳目缺官詔舉堪職御史者於是少谿謝侯
就徵維時吾民留而挽鞬祖而扼旌惜分而嗟失
怙而泣去之七年聲蹟漸遠則聚謀所以系思者
水南陳霆諭于衆曰人有言惠深則懷美彰則傳
是故峴首之刻望者揮涕寒山片石頌者一口失

今弗圖後則奚及咸踊躍以起曰然遂以我
用揭遺愛維侯髻髦發穎洞徹義奧遠與並詣百
氏旁獵遂以英妙領賢書奉大對雋茲三百翹然
倍楚長身王停朗音鏘宣有識異瞻决維偉器然
而天稟易良氣性恬習渾其中涵主角靡露首言
古雄莫逞善割部使者以堪劇薦移吾德清歲行
再週風動闔境遵制明法吏人修飾曹其作式罔
愆于度物產遂成頽陋完葺持體則直以大綜務
則密以細建設民利敦崇士教邇遐畢孚咸用底

績貴賤等別男女體順昭格內外靡不靖一而且
勵孤竹之操堅柳下之介刈葵戒侵懸鮒杜謁屈
私趨公伐梗殖柔希仁乎岐周敵惠乎牟密親賢
寶智比直屏佞獄無吁寃野無籲叩六鄉按堵里
征弗繁四人即工民業固失於是大和內蒸祥薰
外溢蜚聲載賢登績維最用能超跡遐服致位中
近執簡持斧正是 皇度於維休茲歷舉前政今
也爲烈維昔嘉樹載敷魯邦入傳道松成蔭園南
作歌緣物系情昭及草木矧茲惠流百里洽於生
人餘潤拭拂逮今物色向榮山澤增氣繫德比類
細鉅懸等頌聲弗宣典則維缺是宜有作俾繼聲
蔽芾以志民懷以昭侯德以式於來政侯濟南之
章丘人九儀名君錫其字系之詩曰

維

皇在御明日達聰四門載闢有登夔龍維彼近民
令長攸屬恩煦惠摩允賴良牧歷難練材繡裳
乃加錫之白簡俾抨官邪矯矯令君夙負正氣
製錦成績引裾能事入躋中階鐵冠有稜清都

嚴嚴狼狽斂形臺觀法星民失慈侍嗟彼棠陰
有芟疇憇溪山依依孰知我悲歲則屢更我懷
弗渝侯身在朝侯德在邑睠茲桃李夏蔭我息
山不改青溪水日東思侯百年穆其清風

雜著

甃月泉疏

呂東萊

宋人

斷嵯吐月纔出半規古甃涵星尚懷全璧久矣寶
奩之廢時哉玉斧之修護此寒清馥其氛翳名高
詩社再傳和仲之符價重帝城復置文饒之迹

與游提刑汶書

文文山

宋右丞相

某以良月之望舉棹東下江空見底乃章貢源頭
諸水怒長未幾光歛五朶與空同雲俱來往帆順
風航波瀾之澎湃洒石鍾之清越寵靈張皇迄抵
雙溪子月丙寅俯祗賤役辦香西望敬謝所蒙明
公卷其十二峰之神氣軒軒磊磊照耀東南以宰
相才學宰相事天下久望其爲家擅出色纒絲周
道肯復倭遲惠露瀼瀼江之民幸矣如溥寰何會
有溫綸四輩馳下某不善爲斲得郡復枵至之日

視官官靡視吏吏荒民氣憤憤如也爬剔焚絲顧
氣力所至終覺五技易窮肘後神竒不敢以望之
他人惟故山松菊衣被絲雲亦已過數矧茲隴蜀
徼惠未涯疇昔不及此相望二千里外明月此心
懇懇側釐挂一漏萬惟春陽將動綈綠光華式金
式玉以副前禱按此書文丞相以通吾邑游公者
丞相在當時以學術氣節聞天下
而書詞乃推重游公如
此則游之爲人可知矣

付男軫家書

王升見隱逸

自舊年十月初二日南潯別後至今年凡四得書

鎮江高郵寧陵鄭州者餘一書不知寄何人必
沉矣三月十一日汝兄會朶至剛於德清書中簡
畧不知從者及同遊俱無恙否且言歲終可至任
所不知果然乎本家德清之役已辨兩圖黃冊里
長及歸安各處甲首皆不擾而辨里長不赴京倉
此甚良法也正擬安靖幾時十二月間本縣又定
充新市巡檢司弓兵分管十二都但備辦什物勾
提軍人至今不得寧息所費亦不少也家中上下
俱無事倘欲挈家須在彼稍安詳度可否然後來

取恐川途迢遞或遷轉不常跋涉勞頓也我今稀
年又一老景侵尋倘

朝廷許容侍親則上章求歸或得父子相見以盡
餘年若宛轉仕途則相見無日矣人說有分俸之
例不審有否如得分祿以養亦足爲榮若彼處關
支則不必也凡事須清心潔已以廉自守食貧處
儉儒者之常慎勿以富貴爲念古人云貧乏不能
存此是好消息正當以此言爲受用也治民以仁
慈爲心報 國以忠勤爲本處已當以謙敬學業

必須努力暇日即以性理諸書及群經玩索自
所思無邪更須熟讀新律自然守法不惑使深
以康節先生爲範不可縱恣忠定之事律許則行
之否則不可干其紀也此後倘有餘俸可買些
一二枚川椒一二觔起稅而來餘物非所費也
川奴世生俱無疾但諸子未出痘疹爲憂耳浙
米價極廉白者十文一升可見太平之時也西安
雖有來者而往者絕不可得汝之外舅向嘗寄書
與蓋屋俞主簿襪候去若達必能道吾家之平安

矣煥章二親俱康健希聲於十月望後逝世餘外
諸親皆安就令知之路遠作書不能詳盡按此書
國朝處
士至升所作子軫仕為崇信知縣升遇管勾人去
便寄此遙誨之既而管勾被錄
太祖皇帝廉得此書讀而嘉嘆下
誦旌獎賜資優渥詳在隱逸傳

祭織簾先生文

方日乾見職
官表

嗚呼與世致豐者身先生之獨豐者名蓋身厄於
賤貧賢者非病名揭於天壤君子則榮先生生世
蓋頭緝乎茹茨糊口營乎斗升黔婁布被窘夜長
之伸足李路緼袍僅歲晚之蔽形然而視庸則窮

研乎百家腹笥則撐柱乎六經六經萬物之源
掉頭乎江左之徵顧千古之無人嗟九原之莫興
某等恭領左符來牧山城元峰之巔書院是營溪
毛在俎允配乎食薇之夷齊松花一盞誠邁乎餐
菊之屈平惟高名之未存借溪山而並清抑先生
之所豐者不獨曰名而已蓋本之為天地之正氣
而泄之為山川之精英

題味詩歌
樂府

送德清喻明府

李頰唐
人

棹返雲溪雲仍叅舊使君州傳多古跡縣記是新
文水柵橫舟閉湖田立木分但如詩思苦爲政即
超群

送僧遊龜溪寄聲弊廬詩

劉一止

見寓賢

師今過龜溪山水無盡綠石壁巖寶坊泉甘宜杞
菊並山行徑微草露澤人足師訪僊人家門前有
修竹

題舞翠亭

張祁

宋人

浩蕩秋光裏扁舟過德清樓臺占山影鷺鴨亂溪

聲小飲經年別高歌一邑驚娟娟照人月還憶
宣城

題寶覺寺

山城

韓元吉

見寓賢

澤國富煙波曠達無丘陵茲地驚見晚蒼苔正峻
嶠翠篠森野蔓喬松挂枯藤剡山出古殿映水明
青燈蠟屐從吾侶應門走殘僧旅懷百憂煎得酒
如飲冰誰能插羽翰去作孤飛鷹徘徊候佳月晚
風涼可乘雲間幾丈塔闌檻思一凭會看雨徑乾
來登最高層

遊覺海寺

張敏叔

號小山
宋人

僊潭覺海唐興善像設瑰竒古至今殿柱倒書雷
部火市橋橫渡木觀音檻前竹影搖金碎池面荷
香散綠沉况是彌陀新建閣動人多少往生心

慈相寺半月泉

前人

誰將半邊鏡棄擲蒼山隅我疑蛟墓精含輝吐雲
腴嫦娥掩面泣粧臺墮瓊梳半開廣寒殿庭角閒
玉樞昔我遊泮宮病渴傷詩癯名泉歷歷記清興
夢寐俱豈知剖冰環滄茗分僧盃何當十五夜團

團照雲衢

送德清主簿吳浩然

楊廉夫

元人

霜風獵獵動吟袍從事方辭汗馬勞羞用薦書憑
狗監聊從簿領試牛刀戶鄉聚邑塵囂少醉眼溪
山意氣豪往見候僊亭下路官曹喜復近僊曹

呈王溪月

黃玠

元人

餘不溪上神僊館春水隔花無路尋三代鼎彝雲
作篆九霄環珮玉為音鳥鳧飛去碧天遠笙鶴歸
來清夜深焉用文章夸富貴人間此地即瓊林

德清別業作

趙松雪

字子昂

春情浩無端野興欣有矚山光豔桃李澗影寫松
竹古來巖穴士白駒在空谷幽鳥何處來啼破林
煙綠

吊邵節婦

王逢

號梧溪元末人

黃金無留鑛白壁難混瑕坤裳義安貞適然暗塵
沙寧死嗚咽水不望菖蒲花感君固存妾妾命薄
如葉此心許所天羅帶千秋合君殊野鴛鴦妾非
鬼蝴蝶清風何搖搖吹彼溪上蒼水光浮滌珮空
怨紫瓊簫至今一杯上民自戒芻樵

陪督學黃憲副造慈相寺拜瞻東萊讀書堂

退而即事

陳霆

筍輿得得度松風化國樓臺疊翠中山雨霽來溪
碓急野雲開後鶴巢空多年僧壁餘蝸篆終古書
龕有蠹蟲芳響尚聞明薦缺瓣香低首意何窮

拜織簾先生祠堂

方日乾

第一溪山裏先生半畝宮石泉餘古色松韻想高
風鍾鼎名安在山林道未窮織簾良獨苦相慰有

鳴蟲

登游相假山

胡獻邑人

恠哉有山起復伏勢如游龍之蜿蜒曲上有槎牙三
兩峰亭亭壁立摩蒼穹懸嵯老樹生古恠石洞雲
深氣清快猛虎張牙嘯溪風醉猿舞手扳青松我
訝此景是玄圃清香派出春花塢又疑此籍五丁
通大蛇力絕難爲功誰知此山屬宋相解脫朝衣
臥煙障我輩登臨發長歌酒酣醉湧春風和游公
今已爲塵土芳草萋萋丞相府臨風懷古澆一卮

公今泉下知不知

歸朝懽德清道中

瞿宗吉國初人

葉柘陰陰迷四顧扁舟又被漁郎誤一溪綠水泛
紅桃流愁不去流春去風景非前度掀篷驚起雙
棲鷺望橫塘東西不見日斷凌波步 杜鵑聲滿
斜陽樹正是行人腸斷處青旗遙指那人家白雲
尚隔前村路莫唱公無渡忙催沽酒休遲暮便都
將黃金用盡猶有凌雲賦

墨布袍游提刑抗節不仕

陳霆

墨布袍粗且黑心中事背上墨宋時遺黎元版籍
死不在閩廣生苟依木石安能易彼章與黻俛首
躬身福州伯皇天鑒區區寒暑晴雨在我寧暫釋
直教了辦蓋棺事覆我首領纏我骨君不見岳侯
背盡忠大字衛社稷又不見王彥軍八字雕青殺
金賊吁嗟宋德感忠義此袍此意同一律嗚呼袍
敝再紉今墨透不再滌腰金多少江南客身左袵
今俗胡狄羶塵涅衣洗不白回首翻嫌布袍跡

銀簪詞

沈回奴
死節

前人

爹娘養我身從小不出戶銀簪雖掠髮荆釵
婦蘆港深深孰來此亂片紅巾照溪水無門別
避有計深拜跪奴願從將軍奴尚真處子辰良日
吉禮所重野合私從世應鄙巾不疑身免辱愛生
者衆愛死獨銀簪不刺股銀簪不錐目咽喉三十
氣出入了斷此氣消一截磨笄山在何處冤血鮮
紅古今侶君不見虜運衰海宇析人男子官柱國
抱持馬足慌拜賊頭上朝簪長一尺

木箸痛

邵節婦
死節

前人

木箸痛痛若何哽噎不得語痛我姑與夫我昔主
中饋此箸雙排舅姑位舅姑舉箸婦心喜衰境湏
教饜滋味齊眉誓偕老舉案時儘恭此箸還歸伯
鸞手羨藜飯麥時相同天乎中道訣船鎖波心月
波心有月照見腹臊狗之肉肯下咽箸觸喉喉豈
憚就舡猛扣喉管斷天地無聲鬼神見君不聞狗
人國遺筋在途狗必拾一箸且寶愛顧肯箸下喪
軀魄世間愛箸狗覩此回應赤木箸痛痛若何痛
定却思想所得爲孰多

潭水清

洪春春
死節

前人

儂本村田居無城又無郭賊多孰備禦賊少亦驅
掠阿爹到新市說有官軍駐官軍快殺賊賊懼當
不至提携冒行露忍死事遷寓一朝賊四合兵將
却先避東鄰金帛盡西舍娥娘去獨存儂身走無
所道旁空屋爹教躲兔面始藏伏猿臂已持把驅
至岍拉上船回思死清水勝活污瀆間僞人潭深
幾許一生事一口水身本潔安用洗死留名德豈
孤邵節婦沈回奴

外史氏曰漢唐宋諸史咸登藝文昔者夫子竊嘆
杞宋之文不足蓋未嘗不注意於斯也邑有藝文
籍以存典章考今昔昭人文非徒夸章弄藻而已
是故寶書七百仲尼取按插架萬軸鄴侯著聲然
則名邦大邑可寂寥無文自甘于杞氏之野哉君
子觀藝文之在邑可以表德清文物之彬彬矣

德清縣誌卷之九

德清縣誌卷之十

雜誌

誌有雜摭佚遺也一邑之故有古今有常變
有文物有妖祥有生存者可尋有零歿者可
吊登之正類於關係則否付之刊筆於見聞
亦闕故趣完曲具而目之曰雜誌傳曰文獻
足而後夏殷之故可徵嗚呼雜誌終而邑之
文獻無患於闕矣

古蹟

縣之古蹟凡三十有七由宋迄今所存無一焉蓋其宅幽古勝既已為荒烟野草之區而覽物吊古亦莫究其雲滅鳥散之故涉筆之餘徒足一慨而已是用追記大凡若其因事而見於別類者不復重出

松竹堂 取昌黎出宰山水縣讀書松竹林之句故云 醉苑堂 芍藥甚盛

浮踈堂 知縣趙嶠建植梅 山堂 舊名透遠 四照亭

四面 皆山 香雪亭 醱醱甚繁 清意亭 知縣章鑑建其前古梅甚奇

古香亭 大桂上蔭取李賀老桂吹古香之意 明秀亭 周植桃與海棠前立牌門

榜曰紅雲塢 飛綃亭 在明秀亭之左 醉雪亭 取王荆公醉紅撩亂雪爭

開之意 縱雲臺 取退之遠嶠孤雲縱之句故名 山房 竹舍

寓庵 遽廬 以上凡一十六所宋世皆在縣治

用以會僚集客散滯破鬱游目舒心今俱廢矣願基故壤蔽翳叢莽中凸者為臺窪者為池猶彷彿

一二 左顧亭 在阜安橋之南 吳羗亭 在阜安橋之右 登僊

亭 枕北流水上知縣呂好問建取班景倩登僊之義 候僊亭 真人王壽衍作

舞翠亭 在尉司之左取杜牧颺灩翠綃舞之句 澄虛亭 在宋稅務之右

溪山第一亭 即宋稅務之基也今改建布政分司 放生亭 在乾元寺之西

放生池上 披雲閣 雪月亭 清微堂 五子石 在百

寮山之東鄭如幾作記所謂弄五子之石酌半月之泉者是也 望蠡亭 在寶慶寺之山

巔與蠡山相望 挂月亭 環翠亭 二蹟俱在縣西 望

湖塔在越山 葛公壇在縣東十八里葛山之上 馬跡山在新

市鎮之西園本 墨妙亭在新市鎮之覺海寺 陸僊樓在新

宋世假山也 市鎮通僊橋之 右今改來僊

佚墨

前代遺墨所存者惟宋高宗觀心二字 蘇東坡題月泉壁數言而已餘皆散佚

宋太宗御書秘藏直詮 迴文律詩 逍遙味

急就章 百詠詩以上共四十二卷亟 賜九都之八勝寺 高宗御

書車攻詩在縣東之堯文堂 梁沈氏祖德碑沈麟士製立之金鷲

山忽有樹生其龜股間盤旋夾持碑有所倚疑 然不動號慶樹碑後裂為十六段藏之縣帑

大唐興善之寺本覺海寺額也僧以二 字皆徑三尺體勢壯逸相傳

所書宋令陳之方取龕于本縣乾元寺元 祐中郡中取置于燕齋之東楹今亡矣 靈泉

記唐李羅漢禪院記 右街講經 僧贊寧撰 重修至聖文

宣王廟記宋直史館陳堯 佐記刻置儒學 重建孔子廟碑宋縣 令贊

克撰刻 蘇公坡書唐人詩 宋蘇子瞻為三德院 石在學 僧手書岑碩詩僧

知者 鄭閒靖留題月泉壁宋鄭如幾與沈彥居 子常周美中同遊慈相

寺月泉訪 東坡題壁 重修縣宇記宋邑人鄭如 幾撰并書 重修孔

子廟碑宋邑人沈與求 撰鄭如幾書 縱雲臺記宋郡人劉一 止撰刻石在

縣小 伊川四箴碑宋紹興中門人尹焞書朱晦 庵識其後日和靖先生喜為

人書此箴學者以其筆札之精相與襲
藏以供傳玩殊非先生所書之意也
重修社

壇記 宋縣尉張逸民撰刻置壇內
僊潭雜咏碑 宋葛書思宦游新市鎮叙

其所作刻之一碑藏
於覺海寺之墨妙亭
增修學記 宋縣尉張逸民撰并書

縣學贍士田碑 宋知縣黃耕撰立石在學
重修學記 宋知縣趙伯搏撰

撰刻之
義庄賑濟田碑 宋知縣黃耕立石在縣
僊潭二

大字 宋狀元吳潛書榜於僊潭灣上
朱墓圩石碑 元至元間縣東北全家村

有郭平著於朱墓圩中獲一碑斷為四截
而全俾好事者讀之上述靈感公朱泗始終出處

之詳因抄錄手家今廟下折
著大畧蓋得之郭氏者也
龜溪八景 金鰲秋月 王塵晴雲

月泉桂影 野橋梅雪 羞山過雨 石壁歸樵
乾元曉鐘 龜溪夕照 昔人多有詩今不存

遺事

前溪樂 晉車騎將軍沈充居縣南之前溪村樂百鳥啼勿勿後宋主續為七曲
樂府解題曰前溪舞曲是也

布衲翁 宋淳熙中有錢翁時邑中建阜安橋屬主其事一夕謂其徒曰翌朝有饋醬者謹視之明日青坡村民獻醬二甕探之得銀二笏以充橋費人異其前知嘗摩挲橋柱

曰此可過五百年寶慶丁亥秋震風凌雨
民廬寺觀多壞此橋屹然中流片瓦不搖
龜溪

貴女 按齊東野語宋隆國夫人黃氏為本縣人初入魏峻家既出復歸李仁本以如榮邸時嗣

王與芮苦無子一幸得男是為度宗然自處極謙抑每遇邸弟親戚至不敢坐以姝子自稱人亦以此多之或者有魏

元季兵寇 元至正十二年秋七月徐壽輝兵入

子之謗實不然也

志青縣志卷之十

四

杭州餘杭武康德清於潛安吉等縣皆陷董搏霄領兵至德清進薄杭州七戰皆捷賊敗奔接待寺塞其門而焚之遂復杭城及德清等縣

異聞

章后端異 陳武帝章后縣之十二都人其未誕時宅邊水中忽重臺千葉蓮花出焉識者

曰此地當生美人花其兆也已而后生紫光照室及長聰慧美姿容善書計解誦詩武帝聞之選為

夫人及即位冊以**木觀音** 縣之新市鎮在昔五為后端蓮寺碑 月間梅雨夾旬溪漲

大作不知於何許漂一巨木橫于橋下好事者取視約畧如觀音之像遂命匠者刻繪成之送覺海

寺供養張敏叔詩所謂市橋 **溪蜃泄形** 正德已橫渡木觀音者是也餘不志 卯春本

縣修葺城隍廟工人於神像傍掘穴鎔石灰甫深六七尺忽熱氣騰湧如霧經宿則浮沫滿穴詰旦

董役者來廟遽前諦視之則見白角如巨龜二尺許懼而亟掩之按餘不志龜溪之蜃首直隍廟今所泄露者

瑞蒲 邑之十四都內有一潭當沈定氏舍首其父祖

盛時水涯忽產蒲葉幾尋仞里俗以為異遇重午日爭來掘取斬其葉以辟瘟疘其根以入藥遂表

蒲以瑞而姓潭以蒲迄今蒲雖歲產然異常者間有之矣 **瑞蒲圖**

妖祥

宋世雷擊覺海寺殿柱上有鬼書 覺海寺在宋時殿柱一日為雷

所劈有雷書曰酉侯李約火攸利火謝均思通等十二字倒書于柱張敏叔詩殿柱倒書雷部火謂

也 **天順二年覺海寺芝生** 是歲芝生于寺之觀音堂夾室中明年復

生於觀音座下頃間即長尺許先民有言 **成化** 草木効靈累出則不足為瑞蓋木妖也

二十年虎晝入慈相寺

是歲或日方昕寺僧宗瓚起謁佛覺後有行跡聲回

顧則虎也僧急越牆而逃虎即追躍墜醬缸中僧得免已而虎巡繞寺中無所得至東院無人虎益怒嚙其版臺碎焉出院有村婦担柴而來卒遇之虎哆口向婦婦無所措即以臂探其口中摘其舌虎嚙而走婦亦不死

久之衆集而驅乃逸去

弘治六年夏六月旋風

飄失民廬

縣之十八都有何大興者本窮氓也是歲六月二十七日旋風大作其家之屋

廬噐什牲畜爲風所捲四散飄沒所餘惟人焉里俗謂之天抄

是歲虎晝行縣

市

時市亭山有牧豎據地而奕虎忽出其傍衆以瓦礫擲之旋逐旋行迢迢至阜安橋之左市人

集衆驅之乃登市屋已而止于談氏之墻簷談之犬啣其尾下之驚而反走至日曛乃逸

十

二年冬十一月新市鎮大火

凡延燔入百餘家所餘四週而已人號鬼

泣訖半月弗寧

十六年夏有龍自黃安村之境貼雲而

飛迤邐至南乃沒

時空中若有樞槌之聲火光四迸龍之尾鬣歷歷可觀其鱗甲

掀飄若扇然自黃安村而南低飛十餘里漸復入雲不見

十八年秋九月縣

地夜震生白毛

地於中夜震動民居皆搖詒旦人起視之地生白毛焉

正

德六年冬十月虎至新市鎮

鎮民聚觀有持械搏之者被傷四人其一

人死十年夏有龍游行楊水滙水中至敢山漾乃昇

龍游水中村民有見者狀若大魚然是日雷電大雨如注

嘉靖二年春二月

有蟲食棗

時縣境之棗爲蟲所嚙十一都左右尤甚是歲葉價騰貴育蠶者大窘

四年春二月縣之西境雨雹損棗

時東北境亦微隕雹棗芽亦有

被傷者然無
若西鄉之甚
是歲秋螟蝻食苗
秋苗經大澇之
後庠救甫定意

謂薄獲矣至七月以後忽螟蝻叢
生齒根吮膏禾之卒死者什四五
嘉靖十七年

虎入縣治越廨墻以北逸去
是日辰刻忽一虎自
簿廨躍出在官者譟

逐之遂由衙道趨北越墻二重
至徐氏後園登城踰塹而逸
嘉靖十八年縣

境有蝗
蝗渡大江而南遂至縣境其陣若雲凡三
四月乃南渡浙江多墜于水遺種在境隔

歲復生然勢頗殺
經二三年乃絕

園池

吳家園
在新市鎮衆安橋之東狀元橋之南宋相
吳潛所游也今歲代變廷園為桑柘墳衍

之區然汗池之中多得
奇石蓋園之故物也
李家園
謝家園
俱在縣之

新市鎮二園雖里俗傳呼然木非林樾花果之地
所謂李家謝家不得其人計在當時非仕宦之類

必里開
西園
在新市鎮西柵之南今桑柘連
之豪也
烟火連接按今小河之北本宋川

劉府第川劉者後溪劉
光祖也園蓋其樂地云
月龍池
在縣西積

墨池
在新市鎮宋相游侶假山
之東蓋掘地甃石而成者
浴虎池
成化二

書入慈相寺巡繞數四已乃至西偏之小池浴焉
正德間台人施憲副繁寓寺中為作詩紀其事號

其池曰
清池
在園照庵西北西對漾南其水清

浴虎
往以小舟汲取用
瑩無底相傳有龍蟄焉好事者往

以烹釀味同甘井

丘墓

漢

述善侯沈戎墓 尚書令沈禮墓 荊州刺史沈

彥墓 河間相沈景墓 以上並在縣西之金鷲山

晉

鎮國大將軍朱泗墓 在十一都之朱墓村 餘不亭侯孔愉

墓 在縣西南城山下

齊

名賢沈麟士墓 在縣南吳羗山之陽 中大夫朱安期墓 今

一都覺海寺基是也

陳

侍中沈恪墓 在縣北十五里

唐

平章事裴休墓 在縣南丁山之陽

宋

嗣秀王趙師禹墓 在縣西王岡 知樞密院沈與求墓

在縣西馬鞍山 同知樞密院沈復墓 在縣西赤岡 侍御史

沈疇墓 在縣東下舍村 翰林學士方淑墓 在縣西司馬山下

兵部尚書沈介墓 在縣西方山 燕雲提舉沈瑄墓 在縣西

西淡竹塢 戶部尚書沈誥墓 在縣西文聖山 魯國公李澤

墓 在縣西積谷山

大理寺丞何彥猷墓

在縣西官莊山

兵部

尚書李澄墓

在縣西官巷

右丞相吳潛墓

在縣北禮辰門外張

家山兄淵亦塋其處

少師別湜墓

在縣西金戴山

提刑游汶墓

在新市鎮南游相假山之陽

元

魏國公趙孟頫墓

在縣東北之東衡橋

集賢學士趙雍墓

在縣之西北

外史氏曰邑之有誌其沿周官之所掌乎嗚呼自

外史職弛獻賢空虛歷宋而元暨今罔傳有作于

茲羅搜詢咨終我事文雜誌備云蓋昭治亂之謂

史詳古今之謂誌雖然古今詳而治亂亦昭昭矣

是邑誌固張國史之本也春秋之法志而晦微而

顯斯誌亦有焉



